

Kodak Gray Scale



© Kodak, 2007 TM: Kodak

A 1 2 3 4 5 6 M 8 9 10 11 12 13 14 15 B 17 18 19

Inches 1 2 3 4 5 6 7 8
cm 1 2 3 4 5 6 7 8 9 10 11 12 13 14 15 16 17 18 19

Kodak Color Control Patches

© Kodak, 2007 TM: Kodak

Blue	Cyan	Green	Yellow	Red	Magenta	White	3/Color	Black
1	2	3	4	5	6	7	8	9
10	11	12	13	14	15	16	17	18

593

3

593-3



1200501526651

103



淨土宗全書

淨土宗典刊行會編纂



淨土宗全書

淨土宗典刊行會編纂



淨土宗全書



淨土宗典刊行會編纂

193-3

淨土宗全書第拾四卷目次

第六輯 要義解釋附大原談義

書目	卷數	著者	一部の頁數	頁
無量壽經鈔	七	了慧	二四七	一
無量壽經隨聞講錄	六	山	二八三	二四八
觀無量壽經隨聞講錄	五	山	一七一	五三一
阿彌陀經隨聞講錄	一	山	五七	七〇二
大原談義聞書鈔	一	覺	一一	七五九
大原談義聞書抄見聞	一	聰	二一	七七〇
大原談義纂述鈔	二	絃	三六	七九一
大原談義選要鈔	二		四五	八二七
大原問答辨釋	一	聞證	一四	八七二

目次

淨土宗全書
 第六輯 要義解釋附大原談義
 第十四卷目次

皇清宗室書院藏書

無量壽經鈔會本凡例

一望西鈔舊與其經本各自為帙流衍於世蓋夫古德為釋解文必本末別行然淺識庸流動紛焉泣岐是以往哲繫科施註進初學步而後世膚受仍倦對閱也乃更割文會宗便於觀覽式布寰區今分會亦微之荷必割截恐傷文脈具眼鑿之

一如其經文頂格標出鈔低一字以別其叙備懸寓觀對文辨焉

一鈔中科文若大科者特置諸其前大率以圈分之如子科者直連諸其後不復分析是乃逐舊轍以為會本一體也

一厥本經者據頃歲所校本對讎之於緣山三大藏暨明本也三藏者何第一曰宋第二曰元第三曰麗也若有差舛各係卷後一字擡頭標揭其文夾附某字以使知異矣

一鈔中援引經論章疏亦探三藏或就見存讎校鈔文有傳寫脫誤害於義者往往考之正之若復兩

無量壽經鈔卷第一

可仍從現流鈔存之不必瑕殄更俟後賢考定並錄卷尾各稱彼及現者是也讀者知之

一鈔中所引如法位玄一義寂等者其書未行恨今無由校讎也或謂已尚矣不知果然否其他至如外典閒又質之本書且鈔主引用大抵從信瑞音義與博古者決焉

一鈔中文字有寫誤難通者就一二舊刻翼之復附卷末指異或一者是也若所引撮略尚準層註本不致妄補直臨文精覈焉

一鈔中每下銷釋文竟準例云已上至前後不濫處今粗省去之儻其於可濫處存之是亦襲往跡為割會一格爾

一此會本之舉也務眷初學參考之煩聊酬樓師治定之鴻慈絲旃其槩承道光遺烈而準的較訂之片辭半語未必下雌黃焉蓋管闕所及猶恐夥罅漏與請觀者幸垂改竄矣冀吉水遺潤灑乎迷津道光餘炬照乎昏衢云

無量壽經鈔卷第一 盡轉法輪相

望西樓沙門 了慧 述

南無釋迦牟尼佛
南無阿彌陀佛

將釋此經略開二門一明大意二釋題名
三解經文第一中四一教起所因二所說大猷三宗
體定判四藏教所攝

初教起所因者如般舟讚云或漸或頓明空有根性
利者皆蒙益鈍根無智難開悟萬劫修功實難續
一時煩惱百千閉若待娑婆證法忍六道恒沙劫
未期驗此貪瞋火燒苦不如走入彌陀國已是
故釋迦悲憐重障而說此經以勸往生遙潤遐
代矣

二所說大猷者所說雖多不出七門即如疏云四
十八願願願皆發增上勝因依起於勝行依行
感於勝果依果感成勝報依報感成極樂經上卷竟

依樂顯通悲化一依於悲化顯開智慧之門經正
又云如大經說一切善惡凡夫得生者莫不皆乘
阿彌陀佛大願業力為增上緣已問依智慧門可
顯悲化今何逆次答若約自證實無前後若約
化他以攝凡聖即知佛有五智勝德依此義
故智在後也

三宗體定判者一切諸經各有宗體此經宗體諸師異
解元曉師云淨土因果為其宗體玄一師云淨土因果
為宗如鸞師者名號為體今準宗家念佛為宗
往生為體一經所尊在念佛故謂雖諸行各得往
生彌陀本願唯取念佛聖眾來迎雖通萬機三輩
廢立別立稱名釋尊付屬百歲特留亦是名號是故
為宗宗之所趣唯在往生故為經體
四藏教所攝者藏謂二藏一聲聞藏亦名小乘亦曰
半教二菩薩藏亦名大乘亦曰滿教教謂二教一
者漸教二者頓教藏教之義具如玄義及傳通記云
此經何攝宗家判曰觀經彌陀經等說即是頓教菩薩藏

佛說無量壽經卷上

●第二釋題名者此亦為一

已所言等者等取此經又黑谷云天台真言皆雖
名頓教斷惑證理故猶是漸教也雖未斷惑出
過三界之長途故此教名為頓中頓也已問據得益
相判經大小如台宗云但觀諸經會末得道即
識所說部別之異已然此經中亦有小益何故但
攝菩薩藏耶答此經所說專在彌陀因果攝生所說
大故亦有二大益何互小乘但小益者如淨影云
聞說娑婆穢惡可厭深心厭離故得小果慢與
聞所厭法還發宿習且證小果例如下無量義經
時聞所開權法即得小益雖有小益彼既一乘
此亦可然問餘眾亦聞所厭之法何不證小答大
小二機俱皆雖聞穢惡可厭小機厭惡而證小果
然而亦非不證大乘例如台宗解圓行漸大
機哀惡發度生心是則機性各別故也上來第一釋
大意竟

先釋經題次辨譯人初釋題者諸經題目所立不
同謂於人法喻事時處有單複故今此經題就人
立名所謂佛者能說之人此土教主無二佛故舉於
通號而顯釋迦無量壽者所說之人其人非一故
舉別號以簡他佛然經文中廣說所行所成所
攝無量壽是能行能成能攝等人舉能合所故名無
量壽也佛說無量壽經之義如疏及記云卷者書貌
上者卷始

曹魏天竺三藏康僧鎧譯

次辨譯人者此經總有十二代譯且依開元釋教
錄者第一後漢桓靈帝代從桓帝建和二年戊子至靈安
息國沙門安清字世高譯名無量壽經二卷見別錄
內典錄貞元錄第二同桓靈代從桓帝建和元年至三月支國沙
門支婁迦識於洛陽譯名無量清淨平等覺經亦直
名無量清淨經見吳錄也內典貞元刊定同第三吳
代月支國優婆塞支謙字恭明一名越大譯名阿彌陀
經二卷內題云佛說諸佛阿彌陀三摩耶三佛薩樓

佛檀過度人道經亦名無量壽經一見竺道祖錄僧祐錄也內典貞元同刊定錄中以此以二第四曹魏代印度沙門康僧鎧以嘉平四年壬申內典刊定同云云於洛陽白馬寺譯名無量壽經二卷見竺道祖晉世雜錄寶唱錄也內典貞元同刊定同云云第五同代魏高貴卿公世西域沙門帛延以甘露二年戊寅古今譯經圖記云云於洛陽白馬寺譯名無量清淨平等覺經二卷見竺道祖晉世雜錄僧祐錄也內典貞元同刊定同云云第六西晉代亦沙門竺曇摩羅察晉言法護以永嘉二年正月二十一日內典云懷帝譯名無量壽經二卷見竺道祖僧祐錄也衆經目錄內典貞元同刊定同第七東晉代西域沙門竺法力以恭帝元熙元年己未二月譯名無量壽至真等正覺經二卷一名樂佛土樂經一名極樂佛土經見釋正度錄也內典貞元同刊定同云云第八同代迦維衛羅國內典云二沙門佛陀跋陀羅晉言覺賢王苗裔以宋永初二年於道場寺譯名新無量壽經二卷見僧祐寶唱錄也內典貞元同刊定同云云第九宋代

內典云涼州沙門寶雲以永初二年於道場寺一錄六合山譯名新無量壽經二卷見道慧僧祐錄也內典貞元同刊定同云云第十同代罽賓國沙門曇摩羅蜜多宋言法秀元嘉年中祇桓寺譯名新無量壽經二卷見真寂等錄也貞元同刊第十一大唐代南印度菩提流支本名達磨流支唐言法希天后改爲菩提流支唐云覺愛譯寶積經神龍二年創首此經一部一百二十卷單重新舊合譯四十九會於中析取二十六會三十九卷爲流支新譯餘二十三會八十一卷並是舊譯同編入之新譯之中第五無量壽如來會二卷卽是此經同本異譯貞元上來並依開元錄也第十二大宋代西天沙門法賢譯名大乘無量壽莊嚴經三卷見樂邦文類此中迦識支謙僧鎧流支法賢五本現在餘七闕本今所釋者僧鎧本也問憬與云魏時帛延題無量清淨平等覺經之號已然彼疏中引帛延本知非闕本答與釋未了開元等錄皆以延本爲闕本故問天台觀經疏云大本二卷晉永嘉年中竺

法護譯已然彼十疑所引經文大同此本加之憬與大經疏云今西晉法護名無量壽經乃欲釋法護經本已何云鎧本答天台所指年號既異知非此本故樂邦文類云佛說無量壽經一部二卷曹魏三藏康僧鎧譯此經更有晉永嘉年中竺法護所譯之本藏經中今缺天台觀經疏所指大本卽法護所譯也已但十疑所引非是全同何必此本或觀經疏指法護經十疑論中引僧鎧譯故十疑云如無量壽經註曰曹魏朝天竺三藏康僧鎧譯上或彼兩譯文言同歟例如真諦摩多兩譯之起信論文言全同但註誤也然顯要記會天台云卽今文言法護譯之者蓋是隋朝目錄誤故云法護譯不譯此經淨業之此義未了達諸錄故天台可詳經錄誤故次憬與釋恐亦未了所釋經本全同鎧譯然云護譯亦違諸錄謂開元等皆以護譯爲闕本故曹魏者卽前魏也大唐內典錄二云前魏朝曹氏資持記云曹卽帝姓魏是國號爲有後魏相濫故加姓簡之上後

漢之後有魏蜀吳三國相並魏爲正統是名前魏又兩晉後東晉有後魏故揀之云曹僧鎧等者古今譯經圖記云沙門僧鎧者印度人也廣學群經義暢幽旨以嘉平四年壬申於洛陽白馬寺譯郁伽長者所問經一卷無量壽經一卷開元錄譯者大論云譯者釋也西資鈔孤云譯易也謂變易梵語以成華言周禮掌四方之語各有官北方曰譯但漢世多以北狄交通譯人兼善西語是時佛法西來遂使譯人翻之因是佛經咸稱譯也已上來第二總釋名竟

●第三解經文者此經始終大分爲三一從我聞如是下至願樂欲聞已來明其序分二從佛告阿難乃往過去下至略說之耳已來明正宗分二從佛語彌勒其有得聞下至靡不歡喜已來明流通分淨影嘉祥義寂同今憬與尊者阿難承佛下爲問憬與分正宗法位玄一阿難諦聽下爲正宗流通皆同問憬與舉二一師義破中初當法位次當淨影破二次師云阿難申請若發起佛答阿難應非正宗若答正

宗問必非序故檢諸經論答名正說必兼其問上此破何救答問則起宗必是由序答陳旨趣定在正宗京師天台觀經分科即其例也何滯問答一雙義邊而忘能起所起別耶

●大文第一明序分中大分為二一證信序我聞如是一句是也二發起序一時已下諸文是也然如天台嘉祥等者依法華論以六成就為證信序一宗密信一開三時四主五處六緣六緣不具教則不與必須具六緣故云成就如淨影一者一時已下義有兩兼若取本事發起之事則為發起阿難引來證誠可信名為證信今準宗家佛聲聞等一時已下可為發起况乎淨影雖云兩兼正釋文中存一邊義故彼疏云一時已下義雖兩兼對前一向證信序故自下偏就發起以釋我聞如是

初證信序者我聞兩字名之為證即指阿難是聞成就如是兩字以之為信即指佛經是信成就阿難成證令人信經此之證信成傳經由故名為序

淨影今家由致名序不同天台放光六瑞別名由序上問餘經多云如是我聞今何不爾答孟蘭盆經及般舟經云聞如是又溫室經全如今經此乃譯者隨安安立無別意趣故義寂云翻者譯殊於義無殊已但我言有無者如宗密云又無我者意彰聖人皆證無我餘經有者即阿難自指五蘊假者不問情計之我亦無過也上淨影牒云如是我聞蓋是經本不同而已

二發起序中亦分為五初一時者明其說時時成就也次言佛者明其教主主成就也三住王下明其說處處成就也四與大下明其徒眾眾成就也五爾時世尊諸根悅豫下正明發起如來說法必託時處說不孤設定有機緣淨機既熟佛現悅豫悅豫超常何不恠問故名發起

一時初說時者問三經說時前後如何答異義不同肇公意疏云準道理者大前觀後先說令知後修生業故

以事推者觀前大後異譯經云阿闍世王太子聞說二十四願故雖有兩義龍興朋後更加證據會違文云如和休經阿闍世王太子名曰和休至此經文意父子別舉前所難大王慎莫害母者有其二義雖未登位而欲殺父幽閉深獄自在執政故稱大王復欲禁害母惡意故稱大王令發欣心上玄一朋前破龍興云此解不爾說兩卷經方有四十八願然觀經云亦為說四十八願故知先說兩卷然言王者頻波沙羅移於寒林政付太子太子執政故言為王如大乘基法師法華記又閉父王勢力自在雖是太子亦名為王已迦才亦云大前觀後今依黑谷亦大為前載多文理一定判前後具如彼記今引一證即大經云阿難白佛法藏菩薩為已成佛而取滅度為未成佛為今現在已上文證雖多此文最要大若後者說觀經時阿難既聞阿彌陀佛去此不遠等之說竟何故今致成不等問當知大前加之宗家抑止攝取亦其證也具如宗

佛要小經第二諸師亦同

二教主者即指釋迦梵云佛陀此名為覺具如疏釋云又宗密云一自覺我空揀異凡夫二覺他法空揀異二乘三覺滿俱空合本覺一名究竟覺至乃揀異菩薩住王舍城耆闍崛山中三說處中王舍城者王舍因緣如疏及記云問王舍城者為上茅城為寒林城答上古異義如傳通記云私云若依宗家應是上茅免燒猶在本城故也耆闍崛山者如淨影云此翻名為靈鷲山也多靈鷲山亦翻名為鷲頭山也以諸鷲鳥居此山頂一名鷲頭山又此山頂像似鷲頭一名鷲頭山已西域記云姑栗陀羅矩吒山唐言鷲鷲亦謂鷲鷲接北山之陽孤標特起既棲鷲鳥又類高臺空翠相映濃淡分色如來御世垂五十年多居此山廣說妙

法頻婆娑羅王爲聞法故興發人徒自山麓至
峯岑跨谷凌巖編石爲階廣十餘步長五六里中
路有二小率塔波一謂下乘即王至此徒行以進
一謂退凡即簡凡人不可令同往
與大比丘衆萬二千人俱

四徒衆中亦分爲二初明聲聞衆次與大乘下明菩薩衆
初文亦四先總標次一切下總嘆二其名下列
四皆如下別結初文中萬二千者問覺經云二千二百五
十人莊嚴經云三萬二千相違如何答覺經別舉
本外道類今經總列一切聖者莊嚴亦爾此是譯者
意樂不同

一切大聖神通已達
次文中大聖神通等者悉證無學故云大聖同得
六通故稱已達問此中阿難未證無學亦無六
通答約多分故有妙德故淨影云阿難雖在
學地未名神通已達從多以嘆又云雖居學地
而成無量勝妙功德故曰大聖於神通中解了畢

竟亦名已達又義寂云得小果已趣大菩提故
名大聖已此釋無過流通文云諸大聲聞聞佛所
說靡不歡喜上既聞此經一乘歡喜豈非趣
大爲顯此德名大聖耳問次下文云大乘菩薩既
有能別知聲聞衆非大乘機答從本不名大
問此經法華已前之說何有聲聞趣大義耶如法華
云所以未曾說說時未至故又輔行云遍尋法華
已前諸教實無二乘作佛之文已答機熟一圓法
捨方便顯露記小實在法華然而又爲一機一
緣明小入實爾前非無故楞伽經云諸聲聞等依
無餘涅槃而與授記方等陀羅尼經云五百聲聞各
當作佛同名寶月如來已故妙樂判云今之法華是
顯露記不同方等隱密與記若據斯理淨名大品
皆應有之何獨楞伽已釋迦一化儀雖然彌
陀本願從昔已來攝小入大非適今也
其名曰尊者了本際尊者正願尊者正語尊者大號尊者
仁賢尊者離垢尊者名聞尊者善實尊者具足尊者牛王尊

者優樓頻贏迦葉尊者伽耶迦葉尊者那提迦葉尊者摩訶
迦葉尊者舍利弗尊者大目犍連尊者劫賓那尊者大住尊
者大淨志尊者摩訶周那尊者滿願子尊者離障尊者流灌
尊者堅伏尊者面王尊者異乘尊者仁性尊者嘉樂尊者善
來尊者羅云尊者阿難

次別列中其名曰者流至下之三十一人尊者了本
際者淨影云有德可尊故曰尊者了本際者是僑陳
如僑陳如姓阿若是字阿之言無若之言知證無成知
故曰無知無是一切諸法本性名爲本際於此本
際知見明了名了本際餘者經中或有曾聞有
不曾聞已覺經譯名知本際一名異義同大哀經中
名爲拘輪毗耶婆問經云阿若居隣法華涅槃最勝
王等名爲阿若僑陳如是梵語輕重嘉祥云迦葉佛
遺法住世同伴九人方覺無常共求出家入山
學道四人根利則悟五人根鈍不悟便共誓願吾於
釋迦法中要先悟道以此誓故共佛俱生佛既出
家父王遣國中貴族同伴五人隨侍太子入山

不肯入山隱在鹿苑佛初成道則爲說法由是最
初得道也五人者一名陳如二阿葉三訶男四婆
提五婆敷此但出陳如一人已佛於鹿苑爲五比
丘初轉法輪陳如得初果餘四猶在順決擇分
義寂云問餘四人中誰先得道答曇無德說阿濕卑摩
訶男二人次得婆提婆敷後乃得也已正願者嘉祥云本
期出家得道故義寂云應是跋提同之正語者祥云
口無四過故寂云應是婆頗與云摩男上大號者祥
云美名遐布故寂云應是摩訶網與云離婆多也其人
持不妄語因證鬼神證以屍代身遂居王位
德名令聞諸方故已仁賢者祥云德性軟和故寂云
應是類鞞與云謙云須滿曰內懷賢善外申慈
仁故已離垢者祥云離破戒垢故與云淨除是也說
本起云輪提陀掃淨寺舍願令心無塵垢如寺
故已名聞者祥云迦延解義名聞大故與云今依彼
經本起夜那尊者梵行淨潔衆所見敬故已善實者
祥云從內德彰名故與云即說本起長者凡著名爲

取善供養維衛佛塔已來九十一劫常生人天遂
 得阿羅漢故已具足者祥云從受戒表名與云樹
 提名因牛王者法位云橋梵波提與師之如事讚記云
 優樓等者此三迦葉如傳通記云摩訶迦葉等者已下
 四聖如事讚記云大住者與云梵云摩訶迦多衍那
 此云大剪剃種男即波羅門姓上古多仙山中靜處年
 既掩久髮髮稍長無人為剃婆羅門法斥剃髮故
 一仙有子兄弟二人俱來觀父小者乃為諸仙剃
 之諸仙願護復成仙貴爾來此種皆稱剪剃剃者
 身是男子威德特尊簡餘此種故云大剪剃種男
 古迦旃延此云繩扇訛也今云大住者亦襲昔之
 名母戀此子不肯改嫁如繩繫扇可謂住故
 已大淨志者祥云從內定得名與云即說本起中賴
 吒和羅更無所樂志於清白法樂閑居第一故
 名大淨志已周那者位云周那者又云周陀此云
 不樂又云路生具足應言周利般特迦與同如
 事讚記云滿願子者位云本音云富樓那彌陀羅尼

子已如傳通記云離障者祥云那律修天眼徹
 見障外故從為名與云梵阿泥律陀此云滅今言離
 障意亦此謂也言阿菟樓陀訛也如事讚記云
 流灌者與云梵云孫達羅難陀此云艷喜喜即自名
 艷是妻號欲簡牧牛難陀故因妻以表其名佛親
 弟大聖王之所生也惟衛佛世施煥浴室故端正大
 勢見之無厭今言流灌者亦襲彼之名也亦
 如事讚記云堅伏者與云即應說本起中樹提故彼
 經云堅精進定意無為無動故帛延亦云賢者了深定
 故已面王者與云梵云薄矩羅此云善容善容雖
 多以面為先義故名面王已如事讚記云異乘
 者與云帛延云賢者氏戒聚戒行穎萃故云異乘已
 仁性者與云即應本起中戶利羅故彼經云施與錢
 財救諸貧窮濟眾下劣故已嘉樂者與云即本起
 中難陀名為欣樂支謙亦云難持正音即難陀此
 云嘉本乃是牧牛之人因問佛牧牛十一事知佛
 具一切智獲阿羅漢甚極聰明音聲純妙故今嘉

樂者亦非正翻之名也已善來者與云即支謙云賢
 者蔡揭本起亦云貨錫淨傳云梵音莎揭哆譯為善
 來來者歸也來歸佛法有莫大之利故云善來善
 來雖通二千二百五十人名即總以立別號故已
 善見律七云善來比丘其數有幾答曰乃至有一千三百四十一
 人乃至阿若憍陳如等五人乃至復有摩訶劫實那與二千人復
 與二萬人俱又羅云阿難等者如事讚記云法華文句
 一云正法念經明三阿難阿難陀此云歡喜持小
 乘藏阿難跋陀此云歡喜賢受持雜藏阿難婆伽
 此云歡喜海受持佛藏阿含經有典藏阿難持
 菩薩藏蓋指一人具於四德已準此文者今
 經阿難當第三四此經即佛菩薩藏故
 皆如斯等上首者也
 四別結中上首等者指上所列三十一聖問上總說中
 舉萬二千嘆其高德今應結彼而名上首答
 上總標數大次別列三五為顯所列即上首義
 有此結文若萬二千為上首者以誰為下雖均
 大聖非無上下之殊而已

又與大乘眾菩薩俱
 二菩薩眾中大分為三初列名次具諸下嘆德三如是
 下總結初文亦三先標次普賢下列三皆遵下結初文可
 知
 普賢菩薩妙德菩薩慈氏菩薩等此賢劫中一切菩薩又賢
 護等十六正士善思議菩薩信慧菩薩空無菩薩神通華菩
 薩光英菩薩慧上菩薩智幢菩薩寂根菩薩願慧菩薩香象
 菩薩寶英菩薩中住菩薩制行菩薩解脫菩薩
 次列名文即有異說如淨影者分為二類一普賢
 等賢劫成佛菩薩二賢護等餘劫成佛菩薩法位位三
 佛名經云過去莊嚴劫千佛出世現在賢劫千佛出世未
 來星宿劫有千佛出世藥王藥上今對賢劫星宿為
 餘如義寂者分為四類故彼記云一普賢妙德為
 一類二慈氏等賢劫菩薩為一類三賢護等十六正
 士為一類四善思議等十四菩薩為一類并有
 千三十三也上推此師意普賢文殊或俱遍一切
 處或復可說殊與不可說賢一雙義故為一類歟

又慈氏等依悲華經於賢劫中有千五百佛而興出世謂寶海有一千弟子五人侍者其最長者在於東方袈裟幢國而已成佛餘千四人及寶海中釋迦已上四佛已出彌勒已下一千人未成佛故今以慈氏而為賢劫一類初歟又大論中標善守等十六菩薩而列六人在家菩薩其名全異今經善思等名故以今十四為別類歟然憬興意唯分二類雖同淨影分二十六四同義寂意云今詳二師各有通塞謂淨影意初違悲華後順寶積違悲華者彼經中說無淨念王有千太子皆學王願悉誓淨土中成佛也意其中普賢第八王子文殊第三豈穢土中賢劫佛耶又說寶海有千五人眷屬弟子皆學寶海穢土之願悉誓穢土賢劫成佛意此中慈氏第四弟子唯此一入賢劫成佛何三菩薩同云現在賢劫佛耶順寶積者彼經說云又與賢護等十六丈夫衆俱所謂善思議菩薩慧辯才菩薩觀無住菩薩善華神通菩薩光幢菩薩智上菩薩寂根菩薩慧願菩薩香象菩薩

寶幢菩薩已既云所謂善思議等明知非是別類菩薩加之念佛三昧七日道場懺悔方法云一心奉請南無賢護菩薩善思議菩薩信慧菩薩空無菩薩神通華菩薩等十六正士及十方諸大菩薩摩訶薩已此釋符合寶積經耳次義寂意初順悲華後違寶積違順二義翻上應知然憬興云有說賢護等十六正士者舉初括後以總標善思議等者遂其所等以別列淨影釋此恐不然若善思議等即十六正士者應言十五正士不爾標列有相違故設許此者亦違法華論云跋陀波羅等十六菩薩故善思議等與無盡意經中十六菩薩名異必不可言善思議等即十六正士今即餘劫菩薩自有二類故賢護等十六正士即其一類也善思議等十四菩薩即其二類也問二師所立豈無取捨答雖難取捨且由寂公但寶積其誤非一所謂四十九會之中編入般若部曼殊師利會及以阿含部廣博仙人會是故玄奘破之屬謬然則彼文亦不正歟問若爾以何名十六耶答義

寂云智度論云善守等十六菩薩是居家菩薩毘陀婆羅居士菩薩是王舍城舊人寶積王子菩薩是毗耶離國人皇德長者子菩薩是瞻波國人導師居士菩薩是舍衛國人那羅達婆羅門菩薩是浮梯羅國人水天優婆塞菩薩且舉此六餘存略也又法華科文云如思益經第一列十六名云跋陀波羅菩薩寶積菩薩皇明菩薩帝天菩薩水天菩薩善力菩薩大意菩薩殊勝意菩薩增意菩薩善根意菩薩不虛見菩薩不休息菩薩不意菩薩導師菩薩日藏菩薩持地菩薩大論第十八云十六菩薩是居家菩薩皆是補處紹尊位者菩薩名字經論小異已普賢者義寂云亦名遍吉菩薩其德普遍無不賢吉故憬興云普者普遍即證真之智賢者賢善即涉事之行內德普遍外化賢善故名普賢又台宗云居衆伏頂行遍等覺故云普住斷道終位隣大覺故名賢已妙德慈氏等者如事讚記云賢劫者悲華經云此佛世界當名娑婆至時有大劫名曰善賢何因緣故劫名善賢是大劫中至有千

世尊成就大悲出現於世釋迦譜云今此劫者名之曰賢以劫初時大水彌滿生青蓮華其數一千第四禪天會見往事便相告白言此世界有千佛現可因此時以為賢劫皆遵普賢大士之德三結文中皆遵等者華嚴經第四十云普賢菩薩摩訶薩稱嘆如來勝功德已告諸菩薩言善男子如來功德假使十方一切諸佛經不可說不可說佛刹極微塵數劫相續演說不可窮盡若欲成就此功德門應修十種廣大行願何等為十一者禮敬諸佛二者稱讚如來三者廣修供養四者懺除業障五者隨喜功德六者請轉法輪七者請佛住世八者常隨佛學九者恒順衆生十者普皆迴向已為諸菩薩而發此願故皆遵之問看經文勢皆遵等句具德之由可屬嘆德何為結文答此有異解義寂憬興俱屬嘆德淨影法位同攝列名於聲聞衆既有結文於菩薩衆何無結文然例餘文即有二意謂

一準上結聲聞云皆如斯等今亦容有以諸菩薩悉爲上首之意無量衆中別列之故一準觀經別顯文殊高德位云而爲上首今文亦有別以普賢而爲上首之意謂以普賢爲其所遵以諸菩薩而爲能遵故也如法位云皆遵普賢者推其高德爲上首已又華嚴經云一切如來有長子彼名號曰普賢尊已既是長子足爲上首

具諸菩薩無量行願安住一切功德之法

二嘆德中爲二初嘆權實二德化他爲權自行名實次其所修行下嘆二利德初文亦三先就自分略嘆權實次入佛法下就勝進廣嘆權實三具足下結嘆權實問自分勝進其義如何答菩薩當位內證外用名爲自分於菩薩位分具佛果內證外用是名勝進故淨影云依菩薩法修自分乃依佛法修勝進行已問勝進若約於因位者何故經云究竟彼岸究竟之言應佛果故答分之究竟而非極

果菩薩德故初略嘆中亦分爲二先明實德次遊步下明其權德自行未立何能利他是故先實後權而已初文中行願者如淨影云行謂六度四攝等行願謂無量菩提心願法位云行是六行願是十願如弘誓海慧經說知一切法得般若船值智慧風得善方便度一切人越大海得戒具足登涅槃山會無爲舍得法性身略抄于手經中十願全功德者如淨影云一功謂功能諸行皆有利益之功故名爲功此功是其善行家德故名功德同之遊步十方行權方便

次文中遊步等者懷與云身化無礙無感不應故已權方便者如淨影云隨物所空種種異現名權方便已化物已竟一切隨謝故云權也
二廣嘆中亦分爲二初明實功德次於無下明權功德初文入佛等者淨影云入佛法藏明因上昇如來藏中過恒沙法名佛法藏證會名入究竟彼岸彰果

畢竟涅槃名彼岸到名究竟懷與破云此恐不然如來藏即佛性義而言證會恒沙德法名因上昇者即達經云見佛性時得無上覺故若證佛性非菩提果至涅槃岸應非圓寂果故已破意有二謂證佛性名爲因者即達經中云得果故也若證佛性可名因者到涅槃岸亦可名因佛性涅槃同是理故俱證理性何一名因一名果耶也此難實爾但試救之雖同證理初入名因終極名果例如見道雖證諦理猶不名果但契經中對未見時初入名果此有何過但未決定學者思擇懷與述自義云入者達解究竟證解知如實自利及事利他故云入佛法藏即法華中善入佛慧通達大智也彼岸者真理證此實性故云究竟即彼經中到於彼岸也

於無量世界現成等覺
次文中二先總明次處兜下別說初文中於無量等者淨影云此嘆勝進故舉成佛爲權德耳懷與云初地

菩薩神通境界當百佛世界况亦法雲菩薩化物世界可得稱數至一菩薩各於無量世界現化故已此師意許普賢等覺賢護等則法雲地故現成等者現謂示現分證成道非是實成故云現也次別說中大分爲九初明上天相次捨彼下明入胎相二從右下明出胎相四示現下明童子相五遊於下明娉妻相六見老下明出家相七現五下明成道相八釋梵下明轉法輪相九示現下明入涅槃相如淨影者雖加住胎而爲十相今經無文義寂雖下開往詣道場亦爲十相猶是成道之所攝也是故今依與師分文爲九相耳問今此九相可攝八相答八相九相開合互異謂今童娉攝彼出胎彼降魔相攝今成道經文參雜故不別立起信論中加住胎相而除降魔以爲八相

處兜率天
初上天相中亦分爲二初句生天次句說法初文中兜率者新云觀史多天此翻知足亦云妙足或云

喜足二世補處皆生此天問何故生彼答如大論云有人云因緣業熟應在是中生復次下地結使厚濁上地結使利兜率天上結使不厚不利智慧安穩故復次欲遇佛出世時故若於下地生命短壽終時佛未出世若於上地生命長壽未盡復過佛出時兜率天壽與佛出世時相會故復次佛常居中道故兜率天於六欲及梵之中上三下三於彼天下必生中國好中法故中天上生淨影義寂依涅槃云上天閻鈍下天放逸彼無此過同第二義問第三之義其理不明所以者何如來出世隨機熟不長短不定故第十減唯一佛出第十五減九百九十四佛出世釋迦彌勒住天亦有長短不同若爾何故彼天定壽必可相稱佛出時耶何況觀率四千歲當叫喚地獄一日一夜然劫彌勒住天之間經一增全一減少分若盡彼壽而下生者有以叫喚地獄一日而為阿鼻一中劫量之過如何答龍樹所解豈無所以云但所難者上古先德求決異域今時愚侶何輒

其義但賢哲義非無會釋謂明眼鈔第三云補處菩薩於彼天中數死數生故慈氏菩薩第九減劫百歲之時上生住一增劫第十減初下生中間非即同彼第四地獄一晝夜所以一增減劫極長也至真諦師云於彼天中經多生盡彼天壽雖不中天除經多生總是觀史多天生總之一生也問婆沙一百三十五云乃經於五十七俱胝六百千歲慈氏如來應正等覺出現世時施作佛事又一百七十八云有說唯觀史多天壽量與菩薩成佛及瞻部州人見佛業熟時分相稱謂人間經五十七俱胝六百千歲云準此等文慈氏菩薩經五十七俱胝六百千歲下生即觀史多天四千萬也乃答五十七俱胝六百千歲且舉彼天一期壽分乃時分相稱者且依釋迦菩薩說也或彼有說非必正義也已上運算而計彼四千歲彼鈔又有義又彌勒經述贊與云補處菩薩生於彼天雖無中天受多生死至必盡四千歲然後命終元曉彌勒經次至機緣熟不難者數死數生多少

雖依機熟遲速最後四千下生必當成佛時節大論一解恐此意歎問若實受數多生死者何故諸文同說五十六億等耶答若計多歲算數不及故且就彼一箇定壽舉歲數也若不爾者何故賢劫經說釋迦彌勒同逕五十六億等耶

弘宣正法
次說法文中弘宣等者義寂云普曜經云其兜率天有大天宮名曰高幢廣長二千五百六十里菩薩常坐為諸天人敷演經典懷輿云諸天子等百千俱胝那由他數大集法堂圍繞菩薩聽受所說無上大法斷諸煩惱生廣大心
捨彼天宮降神母胎
二入胎相中二初句下天次句託胎問以下天文可攝初相答若依婆沙下天託胎合為第二意云機已熟時始下人間託神母胎故攝第二若依天台上下天合為初相意云欲下生時用四種觀釋如下如是觀已來下人間在天觀下故攝初

相各據一義並不相違今且由論問入胎相有幾別耶答今考諸文略有九種一將下觀相二下天所因三處胎莊嚴四入胎形貌五入胎處所六入胎心慧七託胎時節八受胎所因九住胎說法一將下觀相者義寂引毗婆沙云將下生時先觀四事一觀時分謂此人壽八萬乃至百歲時也二觀處所謂瞻部州中印度也三觀種姓謂利帝利或波羅門四觀依器謂母胎藏寬博無失如是觀已告行道天汝可逕告觀率諸天子卻後七日菩薩此沒可生印度施作佛事行道天子歡喜遍告五百天子發下生願至第七日菩薩便與五百天子一時下生皆為釋種助宣佛事當知此說釋迦菩薩若餘菩薩隨其所應抄下天所因者菩薩捨樂生閻浮者為救眾生人間眾生知此慈意生敬重心易受化故淨影攝又義寂意云依大般若第六分云諸天計常謂無墮落為破彼執示現無常捨天壽也依毗婆沙從天來時有神變故若從

人來無此事故又諸佛皆於人中成佛能順彼故
 又人間即有厭離心故有猛智故又為欲俱
 攝入天機故謂若在無天則人無往若在入則天
 可來故三處胎莊嚴者懷與云胎莊嚴者一者宮殿謂
 諸欲天各持妙宮至父王所父王亦為菩薩造
 宮縱廣正等三百由旬菩薩威力故令諸宮殿等悉
 現摩耶身右脇皆有菩薩而坐諸天自謂菩薩之
 母將入胎時於母右脇先有此殿然後入胎
 跏趺殿中二者飲食謂入胎夜下從水際涌出
 蓮華穿過地轉上至梵世縱廣正等六十八洛叉
 由旬佛及菩薩大梵之外不能見之甘露現華梵王
 取之盛瑠璃器奉上菩薩所有美味菩薩之外不
 能食之略抄四入胎形貌者義寂云普曜經云菩薩問
 天我以何形而入母胎或天答曰孺童之形或曰釋
 梵形或曰金翅鳥時有梵天一名曰強威象形第
 一謂兔馬象俱度水時象能盡底聲聞緣猶如
 兔馬唯菩薩象達法水底故現白象入母胎也

大衆部等亦同此說有部不許九十一劫捨傍生
 故然大乘中此皆示現於義無過略取意俱舍論云菩薩
 中有如盛年時形量周圍具諸相好將入胎時
 照百俱胝四大州等若爾何故菩薩母夢中見白象
 子來入己右脇此吉瑞相非關中有菩薩久捨傍
 生趣故已五入胎處所者婆沙論云從右脇入正知
 入胎於母母想無姪愛故復有說者從生門
 入諸胎卵生法應爾故俱舍論云又正理論云又理實中
 有隨欲入胎非要生門無障礙故然由業
 力胎藏所拘非光判云同婆沙前師實云正理
 不同諸論六入胎心慧者四教義云衆生邪慧入母
 胎菩薩正慧入母胎中陰住則知中陰歌羅邏
 時安浮陀時乃至出生時皆憶念不失是名正入胎
 復次餘人顛倒心生菩薩不爾明識父母相續入
 胎抄七託胎時節者釋迦譜云普曜經云以四月八日
 明星出時降神母胎已西域記云上座部意此方五
 月十五日降神母胎若依諸部五月八日意若依

周書周第五帝照王之代癸丑之歲七月十五日降神
 本行經異說如何如妙樂云佛生時節涅槃住處身相
 說法諸部不同乃由見別不須和會已準之
 應知八受入所因者依俱舍論總有五益故受胎
 生一導釋種論第八云親屬相因令入正法已
 二導餘類論云令知菩薩是輪王種生恭敬
 心已三導同類論云令所化生增上心彼既
 人能成大義我曹亦爾何為不能已四止疑謗
 論云若不爾者族姓難知恐疑幻化為天為鬼
 乃故受胎生息諸疑謗已五後益者論云為留身
 界故受胎生令無量人及諸異類一興供養千
 返生天及證解脫已又淨影云卵濕卑劣故佛不生
 化生雖勝有多義故佛亦不生如涅槃釋具
 有八義一為欲增同生力故二同論第一生上
 族表法勝故三生王種假護法故四欲教
 人敬父母故五生上族息物慢故六為息物
 謗若佛化生謗言幻化非真實故同論第七為

留身益後世故同論第八同諸佛受胎生故
 大數雖十三義終歸十云九住胎說法者懷與云菩
 薩處胎身相光明普遍世界四大天王夜叉大將與
 其眷屬釋提桓因與三十三天娑婆世界主大梵天
 王與無量梵衆一如其次第一晨朝中時申時為聽法
 故皆見菩薩菩薩慰問為其說法實法師云處胎經
 說菩薩處胎亦轉法輪此為密衆非為顯衆
 三出胎相中亦分為五初明誕生次現行下明現
 身威三無量下明現奇瑞四舉聲下明現口
 威五釋梵下明衆歸仰總而言之佛母摩耶十月已
 滿到嵐毗蘭明星出時聖后放光即以右手攀無
 憂樹東方之枝嘔呻補註云舒四欠吐直正而立從
 右脇生如出雲霧母身安泰不假扶機十方七
 步五會讚云東蓮華承足光照地動一指指天一指指
 地自而稱云天上天下唯我為尊三界皆苦吾當
 安之九龍下水洗浴身體左溫右冷即於尼蘭七
 日七夜人天奏樂以供尊顏三萬二千波羅門等滿

其所須梵釋上座演吉祥讚經七日已生母命終即還王宮波閣波提爲養育王命三十二養母令養取釋迦譜五會讚淨影懷與瑞應經問釋迦菩薩何時誕生答十二遊經云四月八日明星出時生身長一丈六尺灌佛經釋迦譜西域記意或是此方三月八日上座部則同十五日長阿含云二月八日巳二四不同如寶師會云或是見別不須和會

從右脇生

初誕生中右脇生者如淨影云世人生處不淨是弊佛爲異之故右脇生法位然彼老子從左脇生佛生異之如義寂云爲化衆生離左道故嘉祥云右是使欲明先權後實今準釋迦而云右脇若餘菩薩生處不定故處胎經第二云我以右脇生汝彌勒從頂生

現行七步光明顯耀普照十方

次身威中七步者嘉祥云現行七步明過六道淨影云示現丈夫奮迅之力於十方界獨出無畏又義寂

引華嚴十事彼第八云現七覺法相故光明等者懷與云身光利物故彼經中菩薩放光乃衆生遇者身心安樂遠貪瞋癡離諸罪障無量佛土六種震動

三現瑞中六種等者懷與云欲使魔伏也震者動也準長阿含六動有三二六時動謂入胎出胎出家成道轉法輪入涅槃今動者即出胎時二六方動謂東涌西沒西涌東沒南涌北沒北涌南沒中涌邊沒邊涌中沒三六相動謂動涌震擊吼爆搖颺不安爲動鱗龍凹凸爲涌陰陰有聲爲震有所扣打爲擊磕碎發響爲吼出聲驚異爲爆此各有三名十八相謂動等極動餘五皆爾此中六動即六相動故華嚴經云六動有十八相上十八相中舉三例餘具舉之者依探玄記一動二遍動三等遍動是四起五遍起六等遍起是七覺八遍覺九等遍覺是十震十一遍震十二等遍震是十三吼十四遍吼十五等遍吼是十六涌十七遍涌十八等遍涌是此中起覺即擊爆也又瑞應經太子生時

有二十瑞相云

擊聲自稱吾當於世爲無上尊三三三四口威中自稱等者懷與云即自唱尊號令物歸趣也巳問無上尊者爲指當得爲指現體答今文正指當得佛果然寶積云而自唱言我於一切世間最爲尊貴涅槃經云我於天人阿修羅中至尊最上大論云天上天下唯我獨尊三界皆苦我當安之巳此等諸文皆難定屬

釋梵奉侍天人歸仰

五歸仰文可知

示現算計文藝射御博綜道術貫練羣籍四童子相中示現等者示現六藝化迹非實故云示現言六藝者補注云御書數禮樂射禦與云算計者數文者即詩書藝者禮樂射者射術御即御車全法位博綜等者淨影云博謂廣博綜謂綜習仙道祕術無不備學同義寂云內外諸道異術也巳貫練等者淨影云貫謂貫通練是委練世俗異典名爲群籍同義寂云

治國圖書識記也巳神仙祕方世俗異教極術盡群故云綜練問何時學藝答依普曜經太子七歲到於學堂有博士三名毗奢密多此云見菩薩威迷悶隣地都率天子名曰清淨牽手令起菩薩問師云有六十四書汝欲教何師聞未聞歡喜捨慢即嘆菩薩無比之德西域記云七歲之後漸授五明大論一曰聲明釋詁訓字詮目流別二工巧明技術機關陰陽曆數三醫方明禁咒閑邪藥石針艾四謂因明考定正邪研覈眞僞五曰內明究暢五乘因果妙理巳補註名之內五明也外五明者前三同內四

咒術明五符明也云五娉妻相中亦分爲二初明娉妻已前之事次現處下明納妻已後之事義寂引本起經云太子十七晝夜憂念未曾歡娛常念出家父王問僕太子云何日日憂怖時一臣言太子已長空當娶妻娶以廻其心因擇名女小國之王善覺有女名曰裘夷有經亦云聖姨法華疏記云昔時聖姨是今日聖姨乃是天女故天下無雙八國諸王

爲子求之父王聞已即召善覺而求裘夷善覺答
 言此女有母及諸群臣國師梵志相議空啓善覺歸
 國愁不飲食時女問父何故不樂父則答云諸王
 求汝我不許之及白淨王今求汝我若不與者王
 即罰我適與汝者諸王結怨女云勿憂我卻七日
 自處城門用勝強者時父白王王更憂念太子未
 練云何得勝時女至門術士雲集爾時太子即與
 憂陀難陀調達等五百人取於禮樂射藝之具而出
 城門時先調達撲塞門象象即忽死難陀牽之置
 於道側次又太子擲象城外象蘇如故又復調達
 與諸力士相撲無對與難陀決達多躡地心神悶
 絕王告難陀汝與太子而決勝負難陀答白兄
 如須彌自如芥子云何勝負拜謝而退又爲射決
 先安鐵鼓十里置一至于七鼓調達射之徹一
 中二次又難陀徹二貫三爾時太子挽弓皆折即
 告僕曰祖王煩王有弓今在天廟汝可取來二人
 膝舉衆人不舉太子牽弓徹七鐵鼓至鐵圍山

因妻裘夷取法華文句云十二遊經出三夫人
 第一瞿夷二耶輸三鹿野四憐與云八萬四千姝女娛樂
 令諸姝女發無上覺心
 遊於後園講武試藝
 初前事中後園者憐與云城外之苑也上講武等者淨影
 云如本起說槃象勅力名爲講武共射金鼓說
 爲試藝法位憐與云講武者即勅力射鼓也試藝者試
 書運籌也
 現處宮中色味之間
 次後事中現處等者雖納妻娛化迹非實故云現處
 色謂女色味謂愛味
 六出家相中亦分爲二初明出家因次棄國下明出
 家相二端坐下明用邪道總而言之太子居宮
 未廿五欲常欲棄捨靜修道業濟度衆生上即
 將宦屬始出東門見於老人頭白齒落皮緩面皺
 惡露自出坐臥其上太子見已憂愁還宮次出南
 門亦見病人身瘦體黃九孔敗漏不淨流溢見已還

一一一

宮次出西門亦見死人室家啼哭曰何捨我太子
 見已憂悲還宮悟世非常此老病死須陀會天淨居
 所變作也次出北門見一沙門亦天所變法服持鉢行
 步安祥太子問曰出家何益比丘答言處於空閑
 修習聖道調伏諸根護念衆生不染世間永
 得解脫於是太子厭前三苦樂沙門行即還宮
 中四月七日誓欲出家至夜半後明星出時諸
 天塞宮勸太子去爾時裘夷見五惡夢謂須彌崩
 日月落地球光忽滅頭髮墮地人奪我蓋太子聞
 之念此我事即告慰云須彌不崩乃至蓋今在不
 失汝自安眠莫以憂惱爾時天子化諸宮殿悉
 爲塚墓變諸妓女皆成死人太子見已念一切
 所有如幻如夢太子乞馬車匿不上太子爲匿即
 說偈曰今我不樂世車匿莫稽留使吾本願
 成除汝三世苦於是車匿悲泣牽馬太子乘馬即
 踰都城行四百八十里至阿那摩國下馬脫衣
 寶冠瓔珞悉與車匿令還王宮髻中摩尼還奉

大王脫身瓔珞奉僑曇彌餘嚴身具與耶輸多
 羅爲斷愛別之愁苦也欲即剃髮倉卒無具帝
 釋與刀與云車剃頭髮已投虛空中諸天受髮禮
 讚供養毗尼母論云置髮羅又漸進至摩竭提國餅沙王
 言仁居輪王何交林叢太子答云吾觀衆行一切
 無常樂少苦多吾今厭之將反本原王云太子志樂
 深妙必得佛道願先度我又淨居天化作獵師身
 著法衣太子語云汝所著者諸佛法服汝若與我
 我亦與汝於金縷縷衣獵師應請然復本身還上
 梵天太子即值阿蘭伽蘭二仙而學於有漏定坐
 沙羅樹下日食一麻一米六年苦行依本起經問苦
 薩何時出王宮耶答異說不同長阿含云二月八日
 周書灌佛經云四月八日西域記云或云菩薩年十九或
 云二十五以吠舍佉月後半八日踰城出家當此三
 月八日或云乃三月十五日上亦是見別不須和會
 見老病死悟世非常
 初出家因中老病死者問何無生苦答生雖是苦人

無量壽經鈔卷第一

一一一

皆愛樂不足厭境故不現也如憬興云生可欣故上問何故今經不說沙門答舉厭顯欣故不說耳

棄國財位入山學道服乘白馬寶冠璣路遺之令還捨珍妙衣而著法服除鬚髮
次出家相中入山等者有云指曼陀山此翻白華檀德山者昔須摩耶太子所居非是今日苦行處也云今謂普賢菩薩證明功德經云於檀德山六年苦行大論中說尼連河邊五會讚云入雪山已不可偏說服乘者服謂著服著寶冠等乘謂騎乘騎白馬也法服者寶積經云被服袈裟六物圖云或名袈裟從染名或名道服或名出世服或名法衣已法服法衣名異義同問嘉祥云就獵師質鹿皮衣已既云鹿皮可非袈裟答難知若是如彼不空罽索袈裟歎問何故服之答六物圖云十誦云以刀截故知是慙愧人衣華嚴云著袈裟者捨離三毒已問大論云佛弟子住中道故著三衣外道裸形無恥

住斷白衣多貪重著見常今同外道習學邪教何不同彼裸形耶答為成佛後欲破之故先學邪教心中不問故天著之剃除等者問觀佛經云我出家時天神捧去亦長丈三五寸量今父王欲看云不父王自言唯然天尊樂見佛髮如來即以手伸其髮從尼拘樓陀精舍至父王宮如紺瑠璃繞城七市乃現是相已斂髮乃即成螺文涅槃經云生七日已又示剃髮諸人皆謂我是嬰兒初剃髮一切人天乃無有能見我頂相者況有持刀臨之剃髮慧上菩薩此等諸文無有剃髮今何云剃答釋迦謂引普曜經云以劍自剃髮作是言願共一切除斷煩惱已五分律云菩薩出家至須摩那樹下有剃髮師求令除髮是與今同但涅槃說生天乃至剃髮等相皆是示現隨緣示現不可定量觀佛亦爾故云現相何云一向不剃髮耶如毗尼母論云佛在王舍城佛髮已長有優婆離童子共父母來到佛所白佛剃髮時瞿婆羅王子是佛

髮還國供養已成道之後猶有剃髮出家之初何不除髮問若爾可見佛頂何有無見頂相答如群疑論第六云問上所引文或說自剃或云他除豈不相違答西域記云取刀自斷其髮淨居天化剃髮人為剃淨髮已今準此文以先自斷而云自剃然後令他剃除而已問諸佛成道皆剃髮耶答多分剃髮少分不爾自在王經云天王如來及諸菩薩不著袈裟皆著自然淨妙天衣大論云如天王佛衣服儀容與白衣無異不須鉢食演祕云亦有佛不具八相如天王佛白衣成道故若以離俗為出家即亦具已穢土成道剃髮為本是故今云剃髮等也

端坐樹下勤苦六年行如所應
三同邪中端坐等者出家作法用樹下坐塚間坐等菩薩於此行有漏定憬興云此後行從邪也菩薩受王請願波沙欲往尼連河王舍城邊有一仙人摩羅羅子亦名烏特迦與七百弟子常說無想定至

仙人所受彼說已於一靜處專精修學即得世間百千三昧義寂云於是菩薩坐沙羅樹下至諸天奉甘露一不肯受自誓食一麻一米以續精氣端坐六年已問諸佛皆有六年苦行答有無不同今隨多分如大般若經云過去無量無數難思議劫有佛出世名為寶月乃先無苦行及降魔事而證菩提又義寂云此苦行事一切諸佛未必有之如彌勒即出家夜成道故無六年苦行故八相中有不別立已今準釋迦嘆諸菩薩故云六年問普賢菩薩證明功德經云十九踰城捨國王位三十成道教化衆生惟無三昧大論云我年始十九出家學佛道成道以來已過五十歲已依此等說出家已後經十二年始成正覺又梵網云七歲出家三十成道已今何但云六年等耶答法華疏記云準雜寶藏經羅云是佛得道夜生以羅云六年在胎若佛十九出家乃成二十四成道若二十成道乃成二十五出家不同見別不須和會已今經準之

有云大論云悉達菩薩乃夜半出家至溫樓鞞羅國中
 尼連禪河邊六年苦行是時淨飯王愛念子故常
 遣使問我子得道不若病若死欲知消息
 使來白王菩薩有皮骨筋相連持身命甚微少
 若今日若明日不復久也王聞其言甚太愁念沒
 憂海我子既不轉輪王又不作佛是時
 菩薩棄苦行處食百味乳糜身體充滿於尼連禪
 水中洗浴已至菩提樹下坐金剛處而自誓言要
 不破此結跏趺坐成一切智不得一切智終
 不起也上案此論文更有樂行經六年也云今
 謂設有此義難會雜寶何況論文未云樂行六
 年者乎但補註引或解云十九出家後五年事
 仙人一行樂行六年行苦行二十成道已雖有此
 釋未未知誠說一行如所應者問為指正道將邪道
 耶答異義不同淨影云翻邪學知正道是其所應修
 學順而行之位儼與破云若爾是文應屬成道
 如何自許是出家相至今即行如所應者簡虛設

劬勞減劣漂溺非方便行乃菩薩雖復修諸苦行
 即趣正行之方便故云如所應上今之所用與師
 義也
 七成道相中亦分為五初明淨垢身次靈禽下明
 到道場三吉祥下明坐艸座四奮大下明降
 伏魔五得微下正明正覺總而言之苦行已竟
 於屍林下取破糞掃衣欲代苦行衣為洗
 掃衣又更求水時天化池帝釋化石方安於池中
 菩薩見已在石洗衣入池浴身有魔波旬令池
 岸高彼池邊有阿斯那樹樹神按枝令低池上
 菩薩攀枝得昇池岸在彼樹下自納破衣時淨
 居天名無垢光上於大衣梨衣菩薩著已入林乞食時善生
 女上於乳糜即擊乳鉢出於優盧頻羅聚落至
 尼連河置鉢岸上剃髮沐浴河龍奉座菩薩坐之
 食彼乳糜以鉢擲河龍取鉢欲供養之爾
 時釋天變金翅鳥奪鉢還宮立塔供養從尼
 連河至菩提樹五百青雀隨菩薩往亦有迦陵頻

迦等鳥無量衆鳥出和雅音圍遶菩薩時帝釋天
 變刈草人在菩薩右掬草而草色青紺如
 孔雀尾菩薩問名答曰吉祥聞作此念求利自
 他吉祥立前定證菩提念已乞草吉祥白言願
 先授吾菩提之記然後受草菩薩記已取其淨草
 遍敷樹下金剛座上向東坐草發大誓云我今若
 不得無上大菩提寧可碎身終不立此座
 云即放毫光照三千界時魔王夢宮殿黑闇魔有
 千子右面五百即歸菩薩左面五百專助魔王魔
 告諸子以何方便能摧滅彼右面中有有信
 者云設摧三千不可動於菩薩一毛左面中
 有二百臂者云我有二百臂即以一身發於百箭魔
 王勿恐魔告諸女往破淨行三女現形二名喜
 樂三名喜見而生妖言時菩薩說五欲不淨女不
 能破散華禮去時魔頓恨四軍揮身象馬步菩薩告云
 汝以微善今得天報我多劫行今可得覺如
 是告已以手指地地神即出言我成證應時大千一

時感動爾時魔衆皆悉退散降伏魔已遊入四禪
 至初夜分發天眼通於中夜分得宿命智又
 觀緣起流轉還滅於後夜分明星出時成無上覺
 而為諸天現成佛瑞昇於虛空七多羅樹自稱
 成佛天喜雨華積至佛膝依本起經
 現五濁刹隨順羣生示有塵垢沐浴金流天
 按樹枝得攀出池
 初淨身中五濁等者如淨影云一者命濁命報短促
 二衆生濁人無善行三煩惱濁諸結增上四者見濁邪
 見熾燃五者劫濁飢饉疫疠刀兵競起我土有此名五
 濁刹上此之五濁唯在南州不通餘州問諸佛出
 時為局濁世若言局者依西域記拘雷孫佛六
 萬歲出拘那四萬迦葉二萬若依賢劫經者拘雷四萬
 拘那三萬迦葉二萬又彌勒佛八萬時出然法華記云
 準悲華經八萬至三萬亦未有濁至二萬歲
 為五濁始上又義寂云人壽千歲已還是名濁世千
 歲已上名非濁世至乃故文殊問經云云何名濁十歲

衆生乃至千歲有長短故準此千歲已前非濁世也百歲已上佛出世已後不出故知百歲已上是濁增也依此等文拘留孫等非濁世出若不局者今經通舉一切菩薩成道時分而云五濁明知局濁答諸佛出世涉濁非濁故俱舍云從此州人壽八萬歲漸減乃至極壽百年於此中間諸佛出現已但此經者且準釋迦說八相義故云五濁應佛儀式釋迦爲本故也問何故增劫及百歲後佛不出世答俱舍論云有情樂增難教厭故增五濁極增難可化故百歲後但長阿含八萬前出悲華經中百歲後出經論異說不須和會沐浴金流者問言金流者爲指池水爲指連河若連河者次下既云得攀出池鈎鎖相連上即池也連河後事豈可先舉若言池者既云金流當知連河故寶積云浴尼連河行趣道場已答憬興云金流即尼連河按枝即池岸樹前後互舉故上說相逆次前後文別天按等者問本起經云樹神按枝今何云天答憬興云神亦名天又五會

讚云帝釋從空按樹枝已若是帝釋現樹神一歟靈禽翼從往詣道場二到場中靈禽等者淨影云此皆神鳥故曰靈禽已翼玉篇云敬也助也翅也憬興云翼亦從從者隨也吉祥感徵表章功祚哀受施艸敷佛樹下跏趺而坐三坐草中吉祥等者淨影云初感吉祥而爲徵瑞經中亦名爲出世祥佛將成道感見此人而爲徵瑞知已定當成吉祥果即以此人表已所成成果福祚抄憬興云章亦顯也祚之阿反福也助也同佛樹者憬興云寄樹成覺故云佛樹已亦名菩提樹亦曰道場樹佛坐其下一成菩提道故此樹正名畢鉢羅樹摩竭提國前正覺山之西南行十四五里有此樹也西域記云菩提樹垣正中有金剛座昔賢劫初成與大地俱起據三千大千界之中下極金輪上侵地際金剛所成周百餘步賢劫千佛坐之而入金剛定故曰金剛座焉證聖道所亦曰道場大地震動獨無顛搖上次上文云詣

道場者指金剛座菩薩坐之故云而坐跏趺坐者奮大光明使魔知之魔率官屬而來逼試制以智力皆令降伏四伏魔中使魔等者爲降伏魔令發心故以光令知魔云魔羅此翻弊惡多愛欲故又名殺者害人善故然大小乘通說四魔涅槃經中更加苦空等之四倒名爲八魔華嚴加業心善根三昧知識法智說爲十魔引之彼四魔中煩惱魔是生死因也天子魔則生先緣也陰魔先魔生先果也今此魔者天子魔也因果經云時第六天魔王宮殿自然動搖於是魔王心大懊惱精神躁擾聲味不御而自念言沙門瞿曇今在樹下捨於五欲端坐思惟不久當成正覺之道其道若成廣度一切越我境界已率官屬者如大論云是時魔王將十八億衆到菩薩所敢與菩薩決其得失已足欲害之境界也婆沙論云大德說曰菩薩昔居菩提樹下初夜魔女

來相婚亂爾時菩薩暫起欲尋中夜魔軍總來逼惱菩薩於彼暫起悲尋漸復歇薄復起害尋須臾覺察即入定令魔兵衆推敗墮落已依本起經魔遣二女一說偈頌曰一棄盛年難可再仁雖端正美顏色世間五欲亦難求對斯勝境可歡娛菩薩聞已亦說偈曰我觀五欲多過患由是煩惱失神通智者非應耽耽著此凡夫迷故生欲心爾時魔女散華周而作禮而去又魔瞋恨牽諸魔軍如西域云誘亂不遂憂惶無賴集諸神衆齊整魔軍治兵振旅將憐菩薩於是風雨飄注雷電晦冥縱火飛煙揚沙激石備矛楯之具極弦矢之用菩薩於是入大慈定凡厥兵仗變爲蓮華魔軍怖駭奔馳退散已制以智力者問攝論云依止精進慧力能破蓋魔依慈等持能破天魔已相違如何答大論云菩薩智慧力故大破魔軍已互說一邊以實言之定慧力耳又正觀記引大集經云斷集諦降煩惱魔知苦諦降陰魔修道諦降天

魔證滅諦降死魔已今當第三問穢土教主皆降
魔耶答若約天魔不必皆降故寶月佛無降魔
事如三引又義寂云又降魔事一切菩薩不必皆有
如彌勒等無降魔事因宿世中行因有異爾時化
空亦有差別故不同也上若約餘魔不可不降
得微妙法成最正覺

五正覺中得微妙法者憍與云無師自然修二十七苦
提分法證得無上正等菩提一名大覺者上約因
有師約果無師如止觀云大論云我行無師
保經云受於定光已即其義也問菩薩斷證其相
如何答若依俱舍道樹已前斷下八地所有煩惱
坐金剛座以無漏智三十四心斷於有頂九品見
修大論不然輔行引大論云下地諸惑因時未斷
至樹下時乃以九地九品思惑通名一九故云
藏菩薩位同凡夫又云智論依餘部雖有漏斷未
名為斷至菩提樹但斷非想八地俱得名為
佛吼而吼

以佛遊步
二起說中亦分為二初略說化物次光明下廣說
物初文亦二先身業化物次佛吼下口業化物初文中
佛遊等者現佛威儀遊行化物
佛吼而吼
次文亦二初句總也謂諸聖教皆佛所吼菩薩用之為
物吼故次扣法下別也謂約諸喻而顯法故二常以
下總結初文可知
扣法鼓吹法贏執法劍建法幢震法雷曜法
電澍法雨演法施
次文中有其八句若依淨影即配四法及四無礙
謂彼疏云扣法鼓者說聞慧法益衆生也嚴鼓誠
兵說教誡人吹法螺者說思慧法利衆生也吹
螺應時說理應機執法劍者說修慧法益衆生
也劍能破裂修能斷結建法幢者演說證法證法高勝
如幢上出後四是其四無礙智起說被物震法雷
者法無礙智化衆生也天雷一動卉藝生牙法音一

無漏已問釋尊成道何月日耶答長阿含云二月八日
灌佛經云四月八日夜半時也五大院出五說二說
如前一云二月八日一云十五日一云八月八日也若
準天台不同見別不須和會又實法師會二四
異如俱舍疏云
釋梵祈勸請轉法輪
八轉法輪相中亦分為二初明三請法輪次佛下
明應請起說初文中釋梵等者如大論云復次佛
在人中生用大人法故雖有大悲不請不說
欲斷外道謗故初要須請上既云初要當知後
時不必由請無問自說經即是也問佛成道後經
幾時節而說法耶答經論異說出曜方等大莊嚴經
逕二七七七日因果法華同說二七二大論中說五十
七日四分律云六七日五分律云八七日毗婆
沙云四月二十二遊經云一年有如是等諸部異
說若依天台乃由見別不須和會若依實師有多
會通如俱舍疏云

聞闡道快成曜法電者義無礙智益衆生也電光一
發有物斯觀義言一宣諸義悉見樹法雨者辭無礙智
化衆生也以辭宣說如雲澍雨演法施者樂說無
礙利衆生也隨人所樂宣說授與名演法施上已
前之三慧是為有漏第四證法は無漏也如頌疏云
先因論教次有生得從生得後方有開慧從
開慧後起思慧從思慧後始生修慧從修
慧後起無漏慧已問憍與破云此亦不然三慧皆覺
證慧法故三慧所學亦無異故四辯所說亦即三慧
法故此破何救答此難一往再往不然約能詮
教故能所三慧淺深別故前之四法是所說法後四無
礙是能說智能所別故故無過矣憍與自義云以義
推之應言執法劍澍法雨扣法鼓震法雷建法幢
曜法電吹法螺演法施至一破惡進善對即初二也
開權顯實對即次二也三得智證真對即次二也四說
法利生對即後二也八句之義有此循環名為法輪
自既得果欲令衆生證聖真智破滅煩惱故亦

云轉上已此未盡理經文次第淺深亂故亦云義推
 難當實義故今案宗意不可必配三慧四對
 何者疏中但引五句除吹建曜故引文次第不違
 經故若配聞等何不具引若存四對寧不上下
 只是爲顯法輪衆德用種種譬而已如嘉祥云
 扣鼓集衆趣善吹螺改惡爲善執劍生解斷結
 建幢降魔得勝震雷動無明非曜電能有照用樹
 雨澍沾衆生演法廣說四諦十二因緣等教
 常以法音覺諸世間

三結文可知

光明普照無量佛土一切世界六種震動總攝魔界
 動魔宮殿衆魔怖莫不歸伏
 二廣說中亦四一以身業伏魔令歸二擱裂下明
 以口業令離煩惱三入國下明以身業令
 生人善四欲宣下明以口業令離生死初文
 中光明等者今依淨影及憬興意佛以光明總攝
 魔界即令歸伏亦以動地動魔宮殿而令惶

怖光動雖殊莫非身化經文交互得意應知
 憬興云悟修業反畏也

擱裂邪網消滅諸見散諸塵勞壞諸欲慳
 二離惱中亦四初明破邪次嚴護下明通正三洗濯
 下結破邪四顯明下結通正初文中擱裂等者教
 斷見惑故云邪見憬興云邪網者即邪法也諸見
 者即邪執也邪執必依邪法起故皆破之淨影又云
 擱古惡反亦裂也裂呂藥反陸法言切韻云破也散諸
 等者教斷思惑故云塵欲憬興意云塵勞即是五
 欲之境欲慳即是愛欲之心依境愛起境垢衆生故
 云塵勞貪深難越故以譬慳云諸苦所因貪欲爲
 本故今舉貪顯瞋癡慢
 嚴護法城開闡法門
 次通正中嚴護等者涅槃妙果謂之法城定慧修因
 謂之法門如憬興云法城者即智斷之果法門者即
 定慧之因果必殺賊故名城因能納德故云門嘆善
 故嚴止謗故護爲演故開令進故闡

嘉祥義
 寂意同

洗濯垢汙

三結破邪中洗濯等者指向斷惑寄譬以結見愛
 煩惱譬以垢汙空慧能斷譬如洗濯
 顯明清白光融佛法宣流正化

四結通正中顯明等者憬興云除邪顯正故云顯
 明超諸毀謗故云清白即嚴護法城也光廣也融
 通也廣通聖行故云光融佛法導化不絕故云宣
 流法化即開闡法門也總而言之嚴法城故顯明護法
 城故清白開法門故光融闡法門故宣流已又嘉祥云顯
 明清白無相之解是無漏明光融佛法華之教光廣融
 會明法華教會三歸一宣流正化者示汝等所行
 是菩薩道故云正化

入國分衛獲諸豐膳貯功德示福田
 二身業生善中分衛等者淨影云胡言分衛此云乞
 食獲諸豐膳因乞得食憬興云梵云賓茶波陀此
 云乞食今言分衛訛也補註云分衛此云搏墮
 言食墮在鉢中故也或云乞食分施僧尼衛護

令其修習道業故云分衛是則分衛梵音此語皆
 通也已貯功德者淨影云受用生福貯謂積也貯積多
 德一名貯功德現受物供故名爲生世福善
 如田生作物故曰福田憬興顯要記引十住論云
 乞食有十利一者活命自屬不屬他故二施我
 食者令住三寶然後當受三常生慈心四
 順佛教五易滿易養六破憍慢七無見頂相善
 根八見我乞食餘善人効我九不與男女大小
 有諸事十次第乞生平等心故

欲宣法現欣笑
 四口業離生死中亦二初明將說相次以諸下
 明演道教初文中欣笑者即是起說之方便也如義
 寂云表發所說如欲說般若時毛孔皆笑說
 楞伽時齒牙大笑隨其所空現非一也
 以諸法藥救療二苦
 次文亦三初明救苦教次顯現下明入道教三授
 苦下明獲果教初文中三苦者苦苦壞苦行苦是也

舉此三苦諸義自收苦諦廣通於三界故諸受亦合於三苦故苦受即苦樂受除此苦一時生先自離顯現道意無量功德

次入道中顯現等者淨影云顯現菩薩所發道意使人發心無量功德教人發心行與言行道意者即菩提心

授菩薩記成等正覺

三獲果中授菩薩記者憬興云授菩薩記者論云令得決定心故記者識也別也授者與也聖說當果令識因利故云授記淨影如是說教皆口業能矣五十六

無量壽經鈔卷第一畢

無量壽經鈔卷第二盡正宗如來勸說

望西樓沙門 了慧 述

示現滅度拯濟無極消滅諸漏植衆德本九入涅槃相中示現等者非滅現滅故云示現現滅利生故云拯濟故法華云爲度衆生故方便現涅槃憬興云攝論化身滅度有六意一事究竟故一爲除樂倒故二令捨輕慢故四爲生渴仰故五爲身精進故六欲速成就故法位消除等者諸漏即是生死之因德本即是涅槃之因衆生見滅能厭有漏斷生死因能欣圓寂修涅槃因是故示滅利衆生也漏者泄過無窮爲義如光記云漏謂漏泄即諸煩惱於彼苦集二諦相應法中所緣境中互相隨順互相增故已今舉三漏而攝三界百八煩惱一者欲漏有四十一謂欲界繫根本煩惱有三十一煩惱各除疑故并加十纏別釋二者有漏有五十二謂色無色根本煩惱於五部下六十二無

明漏有十五物謂於三界各有五故前所除之問釋尊入滅歲數如何答異說不同婆沙論云八十一年最勝王經云釋迦牟尼佛壽命短促唯八十年周書云壬申歲二月十五日於狗戶那城七十九入涅槃四經同然婆沙論一百二十六云經說世尊留多命行拾多壽行其義如何有作是說諸佛世尊拾第三分壽有作是說諸佛世尊拾五分壽至拾第三分壽者彼說世尊釋迦牟尼壽量應住百二十歲拾後四十一但受八十一至拾第五分者彼說壽量應住百歲拾後二十一但受八十一至故由此經言拾壽行乃留命行者乃有情化事未終復留三月私云第二有說解本願文第三百五十三願云願我未來成正覺已入涅槃時我以三昧力故捨五分所得壽命而入涅槃城都記云卻後三月者從正月一日至二月十五日兩白一黑故云二月上已依此等文從拾壽行而說八十一約留命行云八十一實不相違一問何故捨答俱舍論云爲顯於死得自在故捨多壽行爲顯於活得自在故留多命行唯留三

月不增減者越此更無所化事故滅此利生不究竟故已又婆沙云有說欲顯諸佛世尊能伏衆魔留拾壽命證得無上妙菩提時已伏二魔謂天煩惱今將證入涅槃界時又伏二魔謂淫及死伏淫魔故捨多壽行伏死魔故留多命行已七十九者見聞不同不須和會但或會云案周記云佛當昭王二十五年癸丑七月十五日入胎同昭王二十六年甲寅四月八日周書異記周昭王二十四年甲寅誕生當穆王四十四年壬申二月十五日入滅私云五燈會元云穆王五十四年壬申二月十五日入滅同穆王從癸丑入胎至壬申入滅即成八十八入滅若約出胎以後成七十九入滅已雖有此義猶違婆沙縱雖從彼入胎計之但八十故又授決集云又解卻後三月者從七月十六日後一黑一白西域云九月八日涅槃故意是亦違論論八十外更留三月今八十內留三月故問釋尊入滅何月日耶答異說不同涅槃經云二月十五日臨涅槃周書長阿含

云二月八日取涅槃處胎經灌佛經云十方諸佛皆用
 四月八日夜半時而般涅槃西域記云三月十五日有
 部九月八日抄略若依台宗亦是見別不須和會若依
 寶師即有會通如俱舍疏云然涅槃經第三十云
 如來何故二月涅槃善男子二月名春春陽之月萬物
 生長種植根莖華葉敷榮江河盈滿是時衆生多生常
 想爲破衆生如是常心說一切法悉是無常唯
 說如來常住不變乃春陽和液人所貪愛爲破
 衆生世間樂故演說常樂我淨又云師子吼言如來
 初生出家成道轉妙法輪皆以八日何故涅槃獨十五
 日佛言乃如十五日一月無虧盈諸佛如來亦復如
 是入大涅槃無有虧盈以是義故以十五日
 入般涅槃善男子如十五日一月盛滿時有十一事
 何等十一一能破闇二令衆生見道非道三
 令衆生見道邪正四除鬱蒸得清涼樂五能
 破壞螢火高心六息一切賊盜之想七除衆生
 畏惡獸心八能開敷優鉢羅華九合蓮華十

引行人進路之心十一令諸衆生樂受五欲多
 獲快樂善男子如來滿月亦復如是破壞無明
 大闇二者演說正道邪道二者開示生死邪嶮涅槃
 平等四者令人遠離貪欲瞋恚癡熱五者破壞外
 道光明六者破壞煩惱結賊七者除滅畏五蓋
 心八者開敷衆生種善根心九者覆蓋衆生五欲之
 心十者發起衆生進修趣向大涅槃行十一者
 令諸衆生樂修解脫以是義故於十五日
 入大涅槃
 具足功德微妙難量遊諸佛國普現道教
 三具足下結嘆權實中亦爲二初結實德次遊諸
 下結權德也文並可知
 其所修行清淨無穢
 二其所下嘆二利德中亦有二初略嘆次菩薩經典
 下廣嘆初文亦二先別明次如是下總結初文亦四一
 嘆自行清淨二譬如下明化行善巧三未曾下顯
 向自行四感傷下顯向化行初文可知

譬如下幻師現衆異像爲男爲女無所不變本學
 明了在意所爲此諸菩薩亦復如是學一切法貫綜
 縷練所住安諦靡不致化無數佛土皆悉普現
 次文亦二初開譬次此諸下合譬初文中本學等者幻
 師本學諸幻術法通達明了依本學達今起幻
 化起幻由學故云本學由本學明變化自在故
 云在意次文中亦復如是者此有六意謂諸菩薩
 合上幻師學一切法合上本學貫綜縷練合上明
 了所住安諦合上在意靡不致化合上所爲無數
 已下合上現像貫綜等者憬與云貫通也綜集也縷
 詮也練陶也即通穿群典集括事理詮表玄旨
 陶委衆疑義寂云貫者通也綜者括也縷者委也練者
 精也淨影云綜習上所住等者憬與云智慧之境是權
 術之所遊故云所住心安境無錯妄故云安諦
 已靡不致者淨影云致謂運致於一切處無不運
 化又致者是其感致令一切衆無不感化全同
 或本云感化於義無違

未曾慢恣
 三顯自行中未曾等者所修之行何故清淨能生恭
 敬不高慢一故所修之行何故無穢憶念不斷無放
 恣一故
 感傷衆生
 四顯化行中感傷等者所現異像何故普現憐衆
 生一故
 如是之法一切具足
 次總結可知
 菩薩經典究暢要妙名稱普至導御十方
 二廣嘆中亦分爲四初依菩薩法修自行次無
 量下依如來法修勝進行三供養下依自分成
 德四受持下依勝進成德初文亦二先明自利次
 名稱下明利他也初文中菩薩等者於菩薩法究竟
 通暢知能證要得所詮妙次文可知
 無量諸佛咸共護念佛所住者皆已得住大聖所立而
 皆已立

二勝進中二初修內德次如來下嘆外德也初文中
護念等者行入佛境故佛護念護故惡滅念故善生所
住等者如淨影云證行同佛所住法菩薩同住乃教
行同佛大聖是佛法界諸度是佛所立菩薩同立已證
行是理教行是事如法位云佛住空無相理大士亦
皆齊住乃佛能立十二部經大士亦能隨分立教化
生

如來導化各能宣布為諸菩薩而作大師以甚深禪
慧開導眾人

次外德中亦二初明化相次通諸下明化德也初文
中而作等者現行佛化化物同佛故為其師如天台
宗云法身說法尚令等覺斷最後品況初住耶已
法身尚爾況十地耶故云大師禪慧等者諸行雖多
止觀為要故以此法開導群萌
通諸法性達眾生相明了諸國

次化德中通諸等者淨影云通諸法性是智正覺自在
行也謂能通達二諦法性達眾生相眾生世間自在行

也衆多生死故目衆生衆法成生亦名衆生若形若
體種種相狀一切悉知明了諸國是器世間自在行也初
句云通第二言達第三言明言之左右已懷與破云
智正覺下云達二諦其中俗諦可謂是餘二何別立
耶取今教云既云通達二諦法性其法性者即是真諦
生界器界俗中別故舉要言之二界之性名之真諦
二界之相名之俗諦通達之智名智正覺釋大衍論
云衆生世間者謂異生性器世間者謂所依止土
智正覺世間者謂佛菩薩已故淨影所解無過懷與
述自義云法界無量行生界無量行世界無量行略
供養諸佛化現其身猶如電光善學無畏之網
曉了幻化之法

三分成德中亦四初明修行方便次亦無下明修
行成德三住深下重辨起修四超過下重辨成德
初文亦四先明自利修次壞裂下明利他修三超越
下重辨自利四善立下重明利他初文中上之三句
明修福行下之二句明修智行猶如等者淨影譬

於化身徧至之速疾義法位懷與同譬化身之不住
義二義左右但看文勢既云現身猶如電光順淨
影意無畏等者淨影云又學無畏於人不怯曉了
幻化於法能知簡邪取正名為善學達正通邪
所以無畏以無畏智統攝諸法乃擬用攝人故說
為網已言無畏者謂四無畏如傳通記云是則如
來不共之德菩薩學之故云善學

壞裂魔網解諸纏縛

二利他修中壞裂等者上句滅業下句除惑天魔邪
業譬之如網有情見思說為纏縛若依淨影十纏
四縛言十纏者一者無慙於彼戒定慧等功德及師長
所忌難無二者無愧於罪業中三者嫉於他人之諸
所隨屬四者慳於財法等功德相五者惡作名惡作
喜四者慳於財法等功德相五者惡作名惡作是
所緣境體即是追悔又解體之言事惡所作事名為惡
作又云緣惡作法心追悔性說名惡作此即從所緣立名
六者睡眠所謂令心昧昧於身七者掉舉令心不靜住也
八者惛沉無堪任性九者忿怒非情令心憤發十者覆障
自通名纏者光云纏縛有情置生死獄故名爲

纏淨影云纏眾生故纏縛心故已問一切煩惱皆
有纏義何限十耶答於四地中過最重故別立纏
名謂大煩惱地法六中昏沉障慧掉舉障定此過勝
故立名為纏餘三不爾故不名纏無明本惑不可
立纏又大不善地法二者皆不善故過失最重又小煩
惱地法十中慳嫉忿覆其過最重又不定地法八中睡眠
障慧惡作障定其過最重故立為纏尋伺不重餘
四本惑故不立纏言四縛者淨影云欲縛有縛無明
縛見縛至欲界諸結除無明見一名為欲縛上二界中
一切煩惱除無明見一名為有縛三界無明名無明
縛二界諸見名為見縛上此師亦有解一切諸
惑總名纏縛云若依懷與八纏三縛言八纏者
於十纏中除忿覆也品類足論及大乘中有此廢
立言三縛者貪瞋癡也云菩薩教人離此煩惱
故名爲解

超越聲聞緣覺之地得空無相無願三昧
三重辯中初句所超後句所入菩薩欲入大涅槃城

超越二乘偏小峻難入空無相無願之門故懷與云
 欲入大涅槃必以三昧為門故偏說此三一如
 瑜伽論云我法無故空空故無相無相故不可願求
 而有處云空無相無願者即共二乘行故不相違淨
 影云衆生及法悉無自性故名爲空乃至因緣相亦不
 有說爲無相此離所取遠離妄想能願之心故
 名無願上又俱舍論等中廣明云然此三定通漏無
 漏世出世間光引正理云於中無漏者名三解脱
 門能與涅槃爲入門故非諸有漏法是真解脫
 門性住世間違解脫故上今經但取無漏之邊
 爲涅槃門如法界次第云涅槃城有二門謂空
 無相無作至乃得入涅槃故名解脫門亦云三三
 昧乃但三昧即是當體得名解脫從能通之用以
 受稱也

善立方便顯三乘於此中下而現滅度
 四重明中善立等者若依懷與自下即有三業方便
 初一句是意業方便隨順諸佛尋三乘故次一句是

口業方便分別一乘說三乘故後二句是身業方便
 於二乘法現滅度故若依淨影但有二業謂初
 一句意業方便次之三句皆約口業故彼疏云顯示三
 下是化他行顯三乘說三乘因就大分小名
 示三乘於此中下而現滅度說小乘果緣覺名
 中聲聞名下於此中說有涅槃名現滅度
 此等即是口業方便已今詳兩師其義左右若按
 經文與師最勝謂準上云示現滅度今現滅度定
 可身業諸口業說皆收顯示三乘句竟何重更說
 中下涅槃上下文同義理極成若就義理淨影最勝
 所以菩薩欲引權機且說二乘偏真涅槃中下聞
 之即息化城若不說有涅槃可證二乘何入故別
 顯也現滅度言上下雖同其意即別不可一槩如
 天台云語言雖同其心則異又如上云普現道教
 以說名現今亦可爾爾云身現問方便義何答淨
 影云方便之義汎論有四一進趣方便如見道前七方
 便等進趣向果故名方便二施造方便如十波

羅蜜中方便波羅蜜巧修諸行故曰方便三權巧
 方便如二智中方便智等權巧攝物故名方便四
 集成方便諸法同體巧相集成故云方便乃今此所
 論權巧方便於權巧中方便有三一身業方便權形
 異現如觀世音乃應以佛身得度者即現佛
 身而爲說法如是一切二口業方便隨化衆生
 種種異說乃三意業方便謂方便智隨化衆生種種
 異解懷與云方便雖多此中方便即巧權之名已今權
 巧者同淨土論方便門也論云依方便門憐愍一
 切衆生心遠離供養恭敬自身心故同註云正直
 曰方外已曰便依正直放生憐愍一切衆生
 心依外已故遠離供養恭敬自身心已上又
 如台宗立三方便一者法用方便體外之權有二者
 能通方便體外之權能通三者秘妙方便體內之權
 便若據四車即當前一云示二故若據三車亦
 通秘妙三乘之中有佛乘故
 亦無所作亦無所有不起不滅得平等法

二修行成德中亦二初明自利德次宣揚下明利他
 德初文亦四先明所證平等次具足下明所成衆
 多三廣普下明所證深廣四得佛下明所成奇勝
 初文中亦無等者淨影云亦無所作無因可作亦無
 所有無果可有言不起者無淨可起言不滅者
 無染可滅得平等法約理辨證名前無作無所有
 等爲平等法證會名得懷與破云此亦不然因有
 功能故非無所作果藉緣有故非無所有已上此
 破何救今試救云上利他中假立因果今明所證
 還空因果因果空義實教所談如般若云因空果
 空空故空上又大師云一切皆空生死無爲亦空
 凡聖明開亦空已然懷與述自義云無作無有者即事
 平等也不起不滅者理平等也無實作用故無所作
 不能自生故無所有
 具足成就無量總持百千三昧諸根智慧
 次衆多中具足等者若依淨影懷與意者具足等言
 流至下之諸根智慧若依義寂一流至總持非今

所用淨影云得陀羅尼行德多也百千三昧諸根智慧餘德多也信進念等名為諸根若通論者一切善法悉名諸根憬興云總持雖通定慧正是慧性故百千三昧即總持所依至諸根者六根清淨此諸菩薩位十地已得自在六根互用故

廣普寂定深入菩薩法藏
三深廣中廣普等者廣證寂定於一切法不起妄想所證廣也深入真藏達大乘深所證深也
得佛華嚴三昧

四奇勝中華嚴等者淨影云如華嚴說彼一三昧統攝法界一切佛法悉入其中已華嚴經二十七云普賢菩薩正受三昧其三昧名佛華嚴入三昧已十方一切世界六種十八相震動乃出微妙音一切世界無不聞者瓔珞經云吾先於第三禪中集八禪衆說一生補處菩薩入佛華嚴三昧定百萬億偈今以略說一偈之義菩薩又憬興云佛地功德能嚴佛身故云佛華嚴大嘉祥文又憬興云佛地功德能嚴

行華嚴感果相令顯著故二體性者法界行門心海為體以等持廣大無限量故上釋名似與體性似影各據一義不可偏執

宣暢演說一切經典
二利他德文可知矣

住深定門悉觀現在無量諸佛一念之頃無不周徧三重辨起修中為二初起自利修次濟諸下起利他修初文中住深等者依住深定發天眼通見十方佛過未諸佛非是所對故云現在發神境通一時徧至故云一念至土見佛能生福智故自行廣

濟諸劇難諸不閑分別顯示真實之際得諸如來辯才之智入衆言音開化一切
次文中濟諸等者諸師異解淨影云此八難中三途為劇菩薩濟之人天苦微名曰諸閑菩薩勸化故曰不閑義寂云劇難者謂乃三惡趣難八難中此最劇故又此一向墮難劇故至人天趣中非難處者名為

諸閑以容能起諸聖道故墮難處者名為不閑以無容起諸聖道故法位云二乘於救生閑大士則不閑凡夫於修閑大士則不閑又二乘凡夫於無上菩提閑大士則不閑憬興云八難名為劇難兼非想天更有業惑二種障者名為不閑若非八難及無難障者皆曰閑今之所用憬興義也寂亦無失入難之義真實者指真如法辯才智者指四無礙佛不共德故云如來菩薩分證故云得矣法界次第云菩薩若能現種種神通變化則一切見者無不信伏衆生既起敬信若欲闡揚大道必須無礙辯才乃於此四法智慧捷疾分別了了通達無滯故通名無礙智也已入衆等者淨影云入謂解也謂解衆生種種言音用之起說開化一切憬興云得解語言三昧起法說故入者解也上所語言音影約所化與約能化今準理者辯才內滿巧言外發解衆生音說種種法各述一邊不可偏執

超過世間諸所有法心常諦住度世之道

四重辨成德中為二初明成自德次於一下明成化德初文中超過等者憬興云過世間者申斷德過二死故至住度世道者標智德並成一智故至諦者安也度者出也淨影於一切萬物而隨意自在為諸庶類作不請之友荷負群生為之重擔

次文中隨意等者依成智斷能得勝進故云自在以自在德能利衆生名不請友利物為懷故名荷負衆生迷重故成重擔庶謂凡庶類謂品類衆生無量其類甚多如法苑珠林云十二遊經云魚有六千四百種鳥有四千五百種獸有二千四百上畜類如此六道應知

受持如來甚深法藏護佛種性常使不絕
四受持下明依勝進成德中為二初明所修行次一切下明所成德初文亦二先明自利修次與大下明利他修初文中受持等者受持法藏修其妙

解護佛種性修其妙行解行具備除障生善如淨影云受持法藏明修勝解如來性是佛如來甚深法藏闡障既除明現已心故曰受持護佛種性明修勝行法界諸度是佛種性護使離障起善無間名常不絕已又憬興云受持佛敎令久住世有性之性依之殖善故使不絕即同上生云汝善受持莫斷佛種也已然有性文其義稍權安有性言簡無性故佛性論云有經中說一闡提二身者一令法身得生二令加行得長修菩薩行故復有經說一闡提衆生決定無涅槃性若爾二經便自相違會此二說一了不了故相違言有性者是名了說言無性者是不了說故佛說不信樂大乘一名一闡提欲令捨離一闡提心故說住一闡提時決定無解脫已圓覺經云有性無性齊成佛道已彼師所解當不了故

與大悲慈衆生演慈辯授法眼杜三趣開善門以不請之法施諸黎庶

次利他修中亦三初明法次如純下開譬三於諸下重顯慈悲初文中授法眼者淨影云敎法生解名授法眼憬興云如說而行必入聖地得法眼淨淨即慧眼遂體之名也且用淨影開善門者人天爲善黎庶者嘉祥云黎之言民庶之言衆已註文選云黎庶衆民也廣韻云黎良奚反衆也庶商暑反又衆也如純孝之子愛敬父母上

次開譬中愛敬等者如憬興云事父唯敬於母亦愛故慈若敬父樂可尊故悲如愛母苦可愛故已問起信論疏象云愛而非敬如其夫妻敬而非愛如其君臣愛敬俱有如其父也取孝經意亦父兼尊親何云唯敬答父雖有愛不及愛母故且屬無譬如君王雖非無愛不及父故偏爲尊也此中關合今合譬者慈合敬父悲合愛母於諸衆生視若自己

三重顯慈悲中於諸等者淨影猶屬譬憬興名合譬故淨影云喻中兩句初如孝子愛敬父母彰前慈

厚於生若己顯上悲深已此釋未了何以菩薩慈悲還喻菩薩慈悲又憬興云於諸衆生視若自己者述云此後合也若己者意在如自一子即涅槃云視諸衆生猶如一子是也慈悲恰傷如己子故已此釋恐似自語相違譬中以子譬於菩薩以其父母譬於衆生合中以子合於衆生以其菩薩合於父母故今謂不爾此文重顯同體慈悲謂諸菩薩視於衆生如自身故一切善本皆度彼岸悉獲諸佛無量功德智慧聖明不可思議

二所成德中初句福智因次句福智果福智行因必至涅槃故云皆度次之一句福德莊嚴後之一句智慧莊嚴度者與云至也聖者頌疏云聖者正也如是之等菩薩大士不可稱計一時來會

三如是下總結數量淨影云此等悉爲影響顯法是故來會爲法心同故來一時已問何無雜衆答略而不列覺經流通云佛說經已諸菩薩阿羅漢諸天帝

王人民皆大歡喜莊嚴經云天龍八部

五爾時下正明發起中有三雙六重初如來現相次尊者下阿難請問初三於是下如來審問四阿難下阿難實答五佛言下如來嘆許六對曰下阿難樂聞爾時世尊諸根悅豫姿色清淨光顏巍巍

初文中諸根悅豫者淨影云眼等五根同現喜相一名根悅豫姿色清淨示現喜色一色無憾感故曰清淨言光巍巍重顯喜色言顏巍巍重顯喜相巍巍是其高勝之貌影與總而言之色光是顯色根顯是形色顯形二色皆現悅豫悅豫者爾雅悅豫喜樂也豫亦安也憬興云亦作預念也私云光顏巍巍非重顯上喜相喜色準下法藏嘆佛偈者光巍巍者佛光炎明無與等也顏巍巍者佛身尊特超世倫也是故次下或云威容顯耀或云光光乃爾故上二句顯其喜相次一句顯光身勝也學者思擇問書曰賢人喜怒不出色焉大人猶爾況如來耶是故如來得三念住於違順境不生憂喜如俱舍論云諸弟

子衆一向恭敬能正受行 如來緣之不_レ生歡喜捨
而安住正念正知 是謂如來第一念住 諸弟子衆唯
不恭敬不正受行 如來緣之不_レ生憂感捨而
安住正念正知 是謂如來第二念住 諸弟子衆一類
恭敬能正受行 一類不_レ敬不正受行 如來緣之不_レ
生歡感捨而安住正念正知 是謂如來第三念住
已世尊既得於三念住 何故悅豫答如淨影云 喜
有兩義 一 念彌陀所成行德可慶故喜 二 念衆
生得益時至 故生歡喜 懷興云 五根皆顯 喜相以
表淨土快樂無間 故至乃色無慘感 以表佛土無衆
苦故 義寂云 將欲宣說奇特之法 是故先現非常
相也 已雖有此釋 未顯佛意 夫如來實雖無
歡感 爲顯本意 示現悅豫 玄義分云 諸佛大悲
於苦者 心偏感念 常沒衆生 是以勸歸淨土 已釋
尊大悲偏感 常沒 常沒出離 唯在往生 往生佛願今
將宣說 出世本懷 時亦已至 何不悅豫 如觀經
云 爾時世尊即便微笑 大師釋云 此明如來以見夫

人願生極樂 更請得生之行 稱佛本心 又顯彌
陀願意 因斯一請 廣開淨土之門 非直韋提得
去有識聞之 皆往有此益 故所以如來微笑也 已
彼此俱暢 大悲本懷 故同現喜 但至難者 如元照
云 佛無悲喜者 據自行也 示歡喜者 約化他
也
尊者阿難承佛聖旨 即從座起 偏袒右肩 長跪合掌 而
白 佛言 今世尊諸根悅豫 姿色清淨 光顏巍巍 如明
淨鏡 影暢表裏 威容顯耀 超絕無量 未曾瞻觀
殊妙 如今
次請問中 亦二初 現相異 昔次唯然下彰 己所
念 初文中 承佛聖旨者 此承如來意力加被 故偏袒
尊者義寂云 整服以顯懇誠 已長跪者 懷興云 雙膝著
地 已歸敬儀 南山經中 多明胡跪 互跪 長跪 斯並天
竺敬儀 屈膝 拄地之相也 乃佛右手 按地以降 天
魔 令諸弟子 右膝著地 言互跪者 左右兩膝交互
跪 地有所啓 請悔過授受之儀也 佛法順右 即右

膝住 地右腰在 空右指 拄地 又左膝上戴 左指 拄
地 使三處 翹一曲 身前 就得 心有專志 請悔方
極 此謂心隨其身 行慢失矣 又云 跪者謂尻不
至地 斯正量也 僧是丈夫 剛幹力立 故制互跪 尼是
女 弱翹苦 易勞 故令長跪 兩膝據地 兩腰翹空 兩
足 指指地 翹身而立 者是也 經中以行力 經之苦 弊
集 身左右兩膝交互而跪 經中比丘 亦有兩膝至
地 白佛者 言胡跪者 胡人 敬相 已淨鏡等者 此有
異解 淨影云 鏡光外照 名爲影表 外照之光明 顯
鏡內 名爲影裏 佛身如 是光明 外照所施之光 顯
耀 佛身 名影表裏 嘉祥云 表裏者 表語其形 裏
明 心悅 懷興云 鏡光外照 名爲影表 即同佛身光
明 外舒 影暢 表裏 即舉己所視也 已所視者 淨鏡
中 非面像 實淨 是依鏡緣 還見自面 然遍計情
見 鏡內 實淨 我面像 今從情量 以譬佛光 故
云 已視 今之所用 淨影義也
唯然大聖我心念言 今世尊住奇特法 今世雄住

諸佛所住 今日世眼住 導師行 今日世英住 最嚴道
今日天尊行 如來德
次彰念中 亦二初 佛令知 次今日下念 佛所得 三
去來下念 問佛所爲 初文中 唯然者 淨影云 唯是專義
彰 已專念 乃然謂爾也 彰 已心中 所念 實爾 已次
文中 住奇等者 淨影意云 初句是總 佛所住法 超餘人
故名 奇特法 後四 是別於此 別中 初句 自德 即是涅
槃 諸佛同住 故云 佛住 於世 爲猛故名 世雄 次
句 利他 謂四攝等住 此行 故導人 見正故名 世眼
第三句 自德 即是菩提住 此能知 諸佛之德 於世
英勝 故名 世英 第四句 是利他之德 所謂十力 四無畏
等行 之度 物 五天中 故名 天尊 言 五天 者
依涅槃經 一者 世天 天王 名 二者 生天 三 淨天
四 果 四者 義天 菩薩能解 五者 第一義天 如來解知 佛
支佛 四者 義天 空寂 義 故 五者 第一義天 性不空 義 故
義寂意云 第一妙色功德 相好 無倫 第二寂靜功德 護
根 拔惑 第三勝智功德 知世非世 第四正行功德
利自他 行第五威德功德 神通 遊戲 以此等義 各

得佛名一憬興意云世尊等是標佛異名奇特等是釋其義也謂依神通現相奇特故名世尊安住三昧制伏衆魔故名世雄健也佛能具五眼引導衆生故名世眼住於四智孤秀無匹故名世英第一義天解知佛性不空之義故名天尊法同各據一義並有其理然而今且可依淨影去來現佛佛相念得無今佛念諸佛耶三念問所爲中亦二初念所爲次何故下問所爲也初文中相念等者如淨影云去來現下念佛所爲勝諸如來是所爲也佛佛相念舉餘類此得無今佛念諸佛耶測此因餘耶者是其不定辭以理測度未敢專決是故言耶據興何故感神光乃爾大同

諸佛而現此之奇相有何故耶光光者憬興云光者即顯耀之狀也梵網疏云光光者盛義也於是世尊告阿難曰云何阿難諸天致汝來問佛耶目以慧見問威顏乎阿難曰佛無有諸天來教我者自以所見問斯義耳三四兩科其義可知佛言善哉阿難所問甚快發深智慧眞妙辯才感念衆生問斯慧義五如來嘆許中亦二初嘆所問次阿難當知下對前請問三阿難諦聽下明勅聽許說初文亦二先嘆慧問次如來下舉佛出難值三今所下嘆所問益多初文中發深等者淨影云發深智慧嘆其問智向前念佛五種功德一名發深智眞妙辯才嘆其問辭向前嘆佛住於五德一名眞妙辯才眞言巧稱妙言能辯了語能才巧故曰辯才感生問義嘆其問心亦得名爲嘆問所爲阿難向前舉佛五德而爲請問此之五德以慧爲主名問慧義憬興

云稱佛之五號故發深智慧將五住之德歎五號之義故眞妙辯才餘義全同淨影如來以無盡大悲於二界所以出興於世光闡道教欲拯群萌惠以眞實之利無量億劫難值難見

次難值中亦二初法次猶靈下譬初文中無盡大悲者或本云無盡淨影憬興義同用無盡爲正玄一盡本爲勝淨影云佛悲殊勝不能盡上名無盡悲興寂矜猶憐也光闡等者教法利人名爲道教證理益物以爲眞實光闡也闡暢也惠施也或本欲拯已下十字改爲八字謂普令群萌獲眞法利云語異意同

猶靈瑞華時乃出次譬中靈瑞華者梵云優曇波羅大菩薩藏經云此葉似梨菓大如拳其味甘無華而結子亦有華而難值故同法華文句云優曇華者此云靈瑞二千年一現現則金輪王出已妙樂云金輪王出大海減少金

輪露現此華乃出作金輪王之先兆已又憬興云帛謙皆云如世間有優曇樹但有實無有華也天下有佛乃有華出耳今言靈瑞者即存震旦之名時時者希出之義以善時出故已問此靈瑞華爲木爲草答云

今所問者多所饒益開化一切諸天人民三益多文可知阿難當知如來正覺其智難量多所導御慧見無礙無能遏絕二對請問中亦二初述成請問次所以下舉因結果德初文亦二先述阿難所問次以下述阿難所見初文中如來等者此有五句初一句總後四句別是則述成前之五德謂如來覺述前奇特正覺即是佛所得故其智難量述前佛住佛智能證涅槃理故多所導御述前導師以四攝等導衆生故慧見無礙述如來德如來德皆慧爲主故最勝對無能遏絕述最勝道菩提勝故不爲他人所止抑

故如來德過絕者音義云爾雅過止也今以逆相止為
過蒼頡篇過遮也憚與云過阿達反壅也絕抑也
以一食之力能住壽命億百千劫無數無量復過於
此諸根悅豫不以毀損姿色不變光顏無異

次述所見中一食等者問為佛所食將為因位施
食功力若佛食者佛壽長遠必由因位施食功德故
最勝王經壽量品云若人住億劫盡力常算數亦復
不能知世尊之壽量不害衆生命及施於飲
食由斯二種因得壽命長遠已若施食者既云
一食知佛所食化佛應作由食住故答異義不同
憚與云一食之力者即施食之因已此舉因位施食修
因今看經文果既據實明壽無量因豈約假說
示現食故與師釋有其理也但一食者小因大果然
自餘師皆云佛食故淨影云以一食力能住壽等約
化顯實隨化示受一食之力能住多劫身無
衰損明佛體常已此釋亦無失顯自在德故言
示受者如來雖實無一食食事應同衆生示現受

食故云示受又法位云凡食有四種一不淨依止
食謂欲界凡夫二清淨依止住食謂諸羅漢三淨不淨依
止食謂上界及有學四能顯依止住食謂佛世尊但顯
如來假食住身而佛實不食然獻佛食時諸天傳
接將去散施群生玄之問釋尊壽命八十入滅何云
無量答豈不前引方便現滅如最勝王經云釋迦
牟尼佛壽量無限云何如來示現如是短促壽量
乃欲令衆生見涅槃已生難遭想乃於佛世尊
所說經教速當受持至不生謗毀是故如來現
斯短壽已無數無量者攝大乘釋論云不可下以譬
類得知為無量不可數知為無數已復過等
者有云億百千劫以為所超無數無量為能超也云
今謂不爾億百乃至無數無量以為所超故云過
此是則為顯無限量也例如法華云如是諸世
界無量無邊乃是諸世界盡以為一塵一劫我成
佛已來復過於此已諸根等者已下述成前之三
謂初二句述前所見諸根悅豫次一句述姿色清淨

後一句述光顏巍巍

所以者何如來定慧究暢無極於一切法而得自在
二舉因結果中定慧等者淨影云定止慧觀此二行
要為是偏舉餘皆從之乃定慧究竟故名為究通暢
自在故名為暢廣寬無邊稱曰無極憚與定究暢故
得前三相慧究暢故得前五德一因既滿無德
不圓故於諸法得最自在一言自在者如釋籤
云八自在者大乘論名八神變大經名八自在我
言神變者無而歎有有而歎無言自在者不謀而運
一切無礙故與大論義同名少異乃至
阿難諦聽今為汝說

三許說文可知
對曰唯然願樂欲聞
六阿難樂聞中唯然者如玄贊云唯承然諾也上即此
意也欲聞者玄一云十地論云聞法人者如渴求水
如飢求食上上來總釋序分已竟
○大文第二佛告阿難乃往過去下明正宗中依淨

影疏大分為三初明所行即是彌陀因位願行二阿
難自佛法藏比丘下明所成即是彌陀果位身土三
佛告阿難其有衆生下明所攝即是彌陀現在利物
又依宗家細分為七初明勝因二阿難時彼下
明勝行三隨其生處下明勝果上來淨影所四阿難白
佛法藏比丘下明勝報五又其國土七寶下明極樂
上來淨影所六佛告阿難其有衆生彼國者下明悲化
成文也七佛告阿難汝起更整下明智慧上來淨影所二七兩科
開合雖異其義是同今須以三為其大科七為
小科

○第一明所行中即有三
佛告阿難乃往過去久遠無量不可思議無央數劫
初明勝因次明勝行後明勝果初文為二先明
發願緣次時有國王下明發願相初文亦二先指初
時次錠光下列舉諸佛初文中乃往者玉篇云乃猶
往也又云往猶昔也無央數劫者憚與云梵阿僧
祇此云無央數王逸云央盡也玄之解脫經中說六

十數增之第五十二名阿僧祇依俱舍論於中除八成劫無數非寶數不及故名三無數然寶積云過阿僧祇無數大劫故積八十劫為無央數亦積無數以為無量不可思議是故所運劫數極遠所言劫者具云劫波此翻為時

錠光如來興出於世教化度脫無量衆生皆令得道乃取滅度次有如來名曰光遠次名月光次名栴檀香次名善山王次名須彌天冠次名須彌等曜次名月色次名正念次名離垢次名無著次名龍天次名夜光次名安明頂次名不動地次名琉璃妙華次名琉璃金色次名金藏次名光次名能根次名地動次名月像次名日音次名解脫華次名莊嚴光明次名海覺神通次名水光次名大香次名離塵垢次名捨厭意次名寶燄次名妙頂次名勇立次名功德持慧次名蔽日月光次名日月琉璃光次名無上琉璃光次名最上首次名菩提華次名月明次名日光次名華色

王次名水月光次名除癡暝次名度蓋行次名淨信次名善宿次名威神次名法慧次名鸞音次名師子音次名龍音次名處世

二列佛中亦二初列已滅佛次爾時下舉所值佛初文亦二先列次如此下結也初文中錠光等者梵云提想羯羅大綱陀此翻燃燈等說今翻錠光一覺經語異義同蓋是譯者異稱而已又玄一云有足曰錠無足曰燈翻譯名義集云撫華云錠音定燈屬也上然孟蘭盆記元云定光遠古佛也未見解釋今以意求寂而常照故曰定光舊記云即是燃燈定合作錠有足曰錠無足曰燈今詳錠字自替為釘或替定者乃錫之屬又錠與鏡自是食器亦非燈也已問今錠光佛即燃燈者為是釋迦二僧祇滿所值燃燈將為別佛若言同者釋迦菩薩蒙燃燈佛授記之後運一僧祇九十一劫錠光以來既是無量阿僧祇劫彼近此久豈一佛耶若言異者大論第九明授釋迦記之佛云如燃燈佛生時一切身邊如燃

燈太子作佛亦名燃燈舊名錠光佛已故玄一智光證真皆存同義答異義不同憬興先舉同名同體同名異體兩師義已而立亦同亦異之義同名為同異體為異故今錠光非彼釋迦受記燃燈今謂同名異體佛也故義寂云於餘經中釋迦第三阿僧祇劫初所值佛名為燃燈亦名錠光今此列理準是應非彼佛何以得知然法藏菩薩過彼佛已五十三佛然後乃值世饒王佛於此佛所始發大願經不可思議兆載永劫然後成佛已來於今十劫由此故知非彼錠光已但大論文舉其異名非論佛體餘師所解用否在時何況與師雖立亦同亦異之義還是同名異體義也學者思擇問直應舉彼所值之世自在王佛何故先列五十三佛答憬興云從錠光來漸有攝受淨土行故已問如下說者法藏發心在錠光後淨土之行何在爾前答發心重重何守一隅智印三昧經云念燃燈佛前過八十億劫有佛名月髻說此三昧乃有轉輪王號

曰慧起王乃王有千子乃爾時慧起王阿彌陀佛是時王千子者則賢劫千佛已依此經說彌陀發心在燃燈前知燃燈來願行相續又案悲華經無諍念王有千太子皆同發心寶藏如來記念王云無量無邊佛滅度後過一恆沙阿僧祇劫入於第二恆沙阿僧祇劫當得作佛號無量壽云發心已來過恆沙劫定知錠光在發心後即與三昧經其意相似也次有如來者問今經及以平等覺經從遠向近順列佛出然寶積云過阿僧祇無數大劫有佛出現號曰燃燈於彼佛前極過無量有苦行佛與出于世苦行佛前復有如來號為月面乃如是等佛出現於世相去劫數皆過數量乃世主佛前無邊數劫有佛出世號世間自在王如來莊嚴經此之二經從近向遠逆次列之相違如何答自在王佛若最初者其時極遠彌陀正覺何但十劫最後燃燈猶過無量阿僧祇劫况最初耶是故諸師皆依此經自在王佛以為最後但彼二經恐不正歟問梵本惟同譯人達三何

有如是水火之異。答翻譯不輒自有異歟。如釋
 籤云。安師云。譯經有五失及三不易。譯梵為秦。如
 嚼食與人。令人嘔噦。補註云。涉茲五失。逕三不易。
 譯胡為秦。可不慎乎。羅什法師云。天竺國俗甚重
 文藻。但改梵為秦。雖得大意。殊隔文體。有似
 嚼食與人。非徒失味。乃令人嘔噦也。
 如此諸佛皆悉已過。

次結文可知

爾時次有佛名世自在。王如來應供等正覺。明行足善逝
 世間解。無上士調御丈夫。天人師。佛世尊。
 二舉所值。中世自在。王者是別號也。義寂云。舊本名
 樓夷。互羅。此存梵音。翻之名。為自在。王。憬與云
 於一切法。得自在。故玄云。世間利益自在。故言
 世自在。亦言世饒。即自在。義為王也。已如來應供等
 者是通號也。淨影云。佛德無量。依德施名。名亦無
 限。經隨一數略列十種。已於此十號。異解甚多。且
 依淨影解釋之者。一如來者。乘如實道。來成正

圓也。後一果極。亦為次利。他中。初一化他。智次。二化他
 能次。一化他。德此。四。是別後一總也。為亦。又要。法。文。委
 釋。十號。云。問。瓔。珞。下。云。七。無。上。士。八。調。御。丈。夫。同。之。
 相違。如何。答。大。論。說。十。號。中。云。以。是。調。御。為。無。上。
 同。之。故。輔。行。云。大。論。合。無。上。士。與。調。御。丈。夫。以。為。一。
 句。已。是。為。常。說。彼。瓔。珞。等。經。論。異。說。非。適。今。也。問
 若。爾。何。故。淫。槃。疏。章。云。淫。槃。釋。論。以。無。上。士。與。調。御。丈
 夫。開。為。二。號。論。義。亦。依。大。答。此。義。難。知。但。補。註。云。此
 與。光。明。文。句。及。輔。行。不。同。恐。章。安。誤。耳。已。或。復。大
 論。有。兩。說。歟。學。者。勘。之。問。新。經。皆。云。無。上。丈。夫。調。御
 士。相。違。如何。答。各。據。一。義。並。不。相。違。故。玄。贊。云。新
 翻。云。無。上。丈。夫。調。御。士。舊。云。無。上。士。調。御。丈。夫。智
 無。等。故。無。過。上。故。名。無。上。於。現。法。中。佛。身。具。相。好。
 是。丈。夫。又。多。分。調。御。無。量。丈。夫。最。第。一。故。極。尊。勝。故。由。
 此。後。釋。舊。云。無。上。士。調。御。丈。夫。已。問。寶。藏。佛。與。自。在
 王。佛。前。後。如何。答。寶。藏。前。也。如。玄。一。云。未。見。誠。文。
 以。義。準。者。寶。藏。是。先。自。在。為。後。瑜。伽。等。說。發。大。心。已。

覺。故名。如來。法位。二。應。供。者。證。滅。相。應。故。名。為。應
 又。證。滅。故。合。應。供。故。云。應。供。三。等。正。覺。者。餘。經。中。亦
 名。正。徧。知。語。異。意。同。謂。等。者。徧。義。覺。者。知。義。亦。名。三。藏
 者。正。義。佛。者。覺。義。義。三。四。明。行。足。者。證。法。顯。了。故。名。為。明
 止。觀。名。行。龍。樹。說。戒。定。慧。名。行。此。二。圓。具。故。名。為
 足。五。善。逝。者。逝。是。去。也。如。來。好。去。故。曰。善。逝。雖。無。去
 處。非。不。能。去。如。劫。盡。火。雖。無。所。燒。非。不。能
 燒。故。得。名。去。退。還。故。名。善。逝。六。世。間。解。者。化。他。之
 智。能。解。世。間。名。世。間。解。七。無。上。士。調。御。丈。夫。者。能
 調。物。心。自。調。調。他。調。御。中。極。故。曰。無。上。士。者。是。其
 人。之。別。稱。此。無。上。士。善。能。方。便。調。伏。衆。生。名。調。御。丈
 夫。法。位。云。於。諸。法。中。淫。槃。無。上。於。衆。生。中。佛。亦。無。上。唯。佛
 夫。能。證。無。上。之。法。故。名。無。上。佛。以。大。慈。大。悲。大。智。有。時
 軟。美。語。有。時。苦。切。語。以。此。調。御。八。天。人。師。者。能。以。正。法
 令。不。失。道。故。調。御。丈。夫。九。天。人。師。者。能。以。正。法
 近。訓。天。人。名。天。人。師。義。寂。法。九。佛。者。自。覺。覺。他。覺
 行。窮。滿。故。名。為。佛。十。世。尊。者。佛。備。衆。德。為。世。鎮。重
 故。號。世。尊。此。十。號。中。前。五。自。德。後。五。利。他。初。自。德。中。初
 二。如。次。道。圓。滅。極。是。為。二。次。二。因。圓。如。次。解。圓。與。行

逕。三。僧。祇。成。等。正。覺。然。寶。藏。佛。記。云。過。一。恆。沙。僧
 祇。劫。等。今。此。經。中。不。言。逕。劫。故。寶。藏。先。自。在。王。後
 問。既。云。三。祇。何。故。寶。藏。佛。時。發。心。經。爾。前。劫。答。三。僧
 祇。者。論。起。行。時。若。雖。發。心。或。時。行。退。或。時。行。息。通
 取。此。等。經。無。量。劫。故。無。相。違。抄。此。義。可。然。例。如
 彼。云。三。生。六。十。據。相。續。修。若。有。間。斷。無。妨。多。劫
 文。又。慈。恩。云。善。心。相。續。劫。滿。三。祇。
 時。有。國。王。聞。佛。說。法。心。懷。悅。豫。尋。發。無。上。正。真。道
 意。
 二。時。有。國。王。下。明。發。願。相。中。亦。二。初。明。地。前。世。間。發
 心。次。佛。告。阿。難。法。藏。比。丘。下。明。地。上。出。世。發。心。淨。影
 問。看。經。現。文。尋。發。心。外。無。別。發。心。是。故。憬。與。破。於
 淨。影。二。重。發。心。唯。立。一。重。還。名。略。廣。淨。影。地。上。文。此
 師。順。經。何。不。依。用。答。二。重。發。心。非。獨。淨。影。又。則
 義。寂。玄。一。同。判。然。如。經。者。下。起。發。願。即。是。地。上。所。以。者
 何。法。藏。比。丘。尋。發。心。後。請。淨。土。行。而。云。斯。義。弘。深。非
 我。境。界。等。明。知。法。藏。在。於。地。前。請。地。上。行。若。不

爾者何云非我境界等耶故淨影云此前所請出世之行其義大深非我境界爲是次請上然佛答請說出世行法藏聞之即超發願豈非地上之發心耶故玄一師引淨影釋而證五劫後入地上然憬興師破淨影云地上菩薩念念常修利諸衆生淨佛國土不應五劫專修受淨土行故又云法藏蓋是十向滿位菩薩故五劫修行淨土之因初劫行滿故云攝取上此釋不許地上發願此未盡理豈以地上通途行相妄抑大悲不共願志何況亦違我宗元祖鸞感二師地上發願故不依用也又解悲華經說初住發心此經但明初地發心看經文勢尋發心外無重發故世超異文可初地故是故鸞師判聖種性感禪師釋十地聖人恐此意歟然偈頌中即有身土攝生之願亦發國土第一等願容是別願之預動起一次下長行請淨土行四十八願本意將遂如來不許云自當知是則初地自分願故法藏重請云非我境界等超世之本願選擇不輒故

如來答請時法藏悉聞見經五劫思惟攝取超世願故云超發無上殊勝之願等也淨影等師未作此解今述異解恐慮甚多學者思擇云初文亦四先明聞法發心二棄國下明出家修道三詣世下明詣佛禮拜四長跪下明讚佛發願初文中時有國王者未知名王名但覺經云世饒王聞經修道歡喜開解便棄國位一行作比丘名曇摩迦雷已義寂引此文已云準彼經文世饒王者亦名法藏一在俗時名然此中言世饒王者即是世自在王佛也上有云覺經不正也依有王字以佛名而爲所化名是譯者誤云此義非也無明據故又玄一云法藏者此出家名所聞法教護持不失故名法藏俗名龍珍王此王入山修道時中臣之二女隨入學道一名祿波那二名洗澤河法藏山南二女山北然修行彼時國王成今彌陀祿波那今是觀世音是洗澤河今是大勢至是也上問悲華經中佛名寶藏王名無諍念王與今爲同爲異耶答佛王俱別時分異故故玄一釋二

佛別云一佛名即別故二所化名別謂彼時無諍此時法藏故三在家出家別謂彼時在家此時出家故四思惟淨土行時節別謂彼時七歲此時五劫故五男女別謂彼時觀音大勢至曾作輪王之子女此時作臣之子女故上問若爾何故大經釋云時有國王離垢淨王歟無諍念王歟所證一體異名也上答不分今昔同是彌陀因位名故云一體歟是猶預釋不可定量尋發等者淨影判云地前世間大菩提心義寂云今以理準寶藏佛時所發心者是信發心於世饒王佛所發後一種發心五劫思惟以前發解發心五劫思惟以後發證發心上雖有此釋未知三賢之中何位然玄一云瑜伽顯揚等皆云發心有二一世俗發心謂地前發心二得法性發心謂地上發心也若依佛性論有三發心一信成就發心謂十信十解二解行發心謂十行十迴向三證發心謂初地以上此云發心者二中是初三中第二是也又云是故遠云此中有二初明世間之行二乃明出世行地前所行名爲

世間地上所行名出世間下明出世行中至既經五劫能入地上是故明知是十迴向之末已憬興亦判十向滿位問若爾何云與世超異既云世超知超地前世間位也答下文既指地上聖行云非我境明知地前但世超者世猶代也非指地前例如下文讚佛身云超世無倫故淨影云此德孤出名世超異同之又解是初地故云世超異一義也問據法華經彌陀亦值大通發心與今發心前後如何答總論久近今發心近寶藏少遠已釋大通最遠所以者何寶藏授記云恆沙劫大通往事三千塵點沙劫極少塵劫極多前後可知問觀佛經云過去空王佛眉間白毫相彌陀尊禮敬滅罪今得佛意大通空王前後亦何答異義不同今存一義空王爲前有文理故所言理者看法華經先說最近日月燈明次宣少遠大通如來次明最遠空王如來後顯極遠釋迦久本從近至遠說相鉤鎖知空王前即其理也所言文者淨行經云釋迦昔於空王佛所受六

重戒後值大通為其王子出家持二百戒行已即其文也問若爾何故釋籤云且指迹中大通為首已答彼釋意約於三周聲聞且指結緣元始非是論佛出世前後

二出家修道中沙門者如傳通記云法藏者梵云曇摩迦大綱陀翻名不同此經云法藏覺經云法寶藏寶積經云法處莊嚴經云作法大論云寶積又云法藏是則譯者異稱而已高才等者淨影云才德過人故曰高才志強名勇心明稱哲已唐韻云才智也切韻云哲明知也

詣世自在王如來所稽首佛足右繞三匝三禮拜中稽首等者如論註記云長跪合掌以頌讚曰

光顏巍巍威神無極如是燄明無與等者日月摩尼珠光燄耀皆悉隱蔽猶若聚墨如來容顏超世無倫

四讚佛發願中此四初明與讚方便次光顏下嘆佛功德三願我下明已所求四幸佛下請佛證知初文中頌者玄贊云梵云伽陀此翻為頌頌者美也歌也頌中文句極美麗故歌頌之故訛略云偈已次歎佛中亦二初讚歎次人雄下結歎初文亦三先歎身業次正覺下歎口業三戒聞下歎意業初文中總有十句初句總讚身光高勝後之九句別顯上身光勝別中初七顯光明勝後之二句顯身相勝威神等者光發所依由威神故能放光明日月等者比校顯勝玄云日月皆以摩尼所成上或是日月與摩尼也餘文應知

正覺大音響流十方二口業中響流等者大論三十二云佛音聲所到無有限若如對面已然大論意秘密音聲無有有限量不密音聲至佛邊聞

戒聞精進三昧智慧威德無侶殊勝希有深諦善念諸佛法海窟深盡奧究其涯底無明欲怒世尊永無

三意業中亦有十句初之八句是菩提德亦是智德後之二句是涅槃德亦是斷德菩提德中初之四句明教行勝次之四句讚證行深戒聞等者戒定慧業依多聞生依精進成多聞是教戒定是行進慧通二如是教行唯佛圓滿故云無侶問戒是色法何攝意業答戒體雖有色心等諍心能導戒故屬意業又懷與云戒即業體以思種故聞精進等即業眷屬已深諦等者依深諦觀如來藏理證得菩提究盡法性故云究底又懷與云深諦等者即後得智故云善念窮深等者無分別智故云盡奧意無明等者三毒即是諸惑之本舉本攝末又玄云約根本故約三毒明斷德問餘處中云貪瞋癡何故此中無明為先瞋為後耶答餘處約起多少而明次第謂貪數起瞋次不共無明是瞋之次今文中約本末而明次第謂無明最本故先說貪是次謂通一切處故瞋唯欲界

入雄師子神德無量功勳廣大智慧深妙光明威相震

動大千

二結歎中即有六句初二總結後四別結別中初句結向口業化他功勳極廣大故音流十方次之一句結向意業諸德皆是以智為主故偏舉智後之二句結向身業此依淨影懷與不爾功勳已下二句總屬向意業結光明威相為身業結震動大千為口業結各據一義並不相違人雄師子者玉云雌鳥母雄鳥父也老子云雄以譬尊雌以喻卑上佛名人雄即於人中英雄健故上云世雄亦其義也或名師子如大論云佛為人中師子乃師子獸中獨步無畏能伏一切佛亦如是於九十六種外道一切人中降伏一切得無所畏故已功勳者玄云王功曰勳國功曰功民功曰庸事功曰勞治功曰力戰功曰多義寂云積善之力名之為功破惡之用稱以為勳已智慧者義寂云慧謂簡擇智謂決斷願我作佛齊聖法王過度生死靡不解脫

三明已所求中亦三初求佛身次譬如下求淨土

三我當下求攝生初文亦三先上求菩提二吾誓下下
化衆生二假使下比校顯勝初亦二先求佛果二布施
下求佛因初文中過度等者問過度解脫有何別耶
答過度棄苦解脫離業

布施調意戒忍精進如是三昧智慧爲上

次求因中調意者淨影云修施除憊名爲調意
調意之言流至智慧下五度可治五弊故必有調
意今文無者舉初顯後如是等者問爲指上爲
指下耶答云云一指前四度名爲如是或指下
文例如彼云云如是我聞爲上者嘉祥云五度爲行
不能出離生死要須智慧達解本原方皆過
出故云最上也淨影今謂六度之中禪智爲勝此止
觀法如鳥兩翅一闕不成如上文云如來定慧究暢
無極上此佛德中就勝爲語今亦如是故云云
如是四度以定慧爲上管也此釋契文既如是
下置二味言豈除之耶問若爾何故金剛般若論云
福不趣菩提二能趣菩提上所言之二者是般若故

答彼論正了相對今經勝劣相望所望不同不可一
槩

吾誓得佛普行此願一切恐懼爲作大安

二下化衆生中普行此願者云云行此願者如次下
云一切恐懼爲作大安名爲此願上問成佛之後何
行此願答所言普行非指果後謂自今日一至
得佛果一行此願也如憬興云舉果求因故
假使有佛百千億萬無量 大聖數如恆沙供養
一切斯等諸佛不如求道堅正不卻

三比校顯勝中無量大聖者問爲佛爲僧答淨影云
初之二句舉其佛寶次之二句舉其僧寶次之二句
供養僧供佛謂供養一切供養僧寶斯等諸佛供養佛寶
也後之二句對願比校取今謂不然言大聖者亦
是佛寶非舉僧寶故覺經云假使有百千億萬那術
佛如是佛之數如恆河水沙上然上佛者爲簡
餘衆下大聖者爲譬恆沙故非重疊指此諸佛
云一切等何以一切別屬僧寶覺經中既不舉

僧寶今亦可爾故又憬興云佛者所供養大聖者能供
養無量大聖雖供多佛而有邊故不如求佛心
不退還以無邊故上此亦不然夫按量法若有
人作此功德不及彼善是名比校如法華布
施校量般舟經中供佛校量能施能供俱是一人若以
多人爲能供者豈成比校設雖欲集功德多
數可增所供增於能供有何要乎況違淨影
經不足依用但彼有邊無邊校量其義可然淨影
亦爾又解興釋無失謂強爲覓其功德多增能供
數有何過耶但覺經者且單舉彼所供之數只是
異譯不具而已況次下云一切皆供養未必一人何
忽云違或一切者可能供數若所供者應言供養
一切等故若言大聖亦是佛者上既有佛以下一貫
舉數可譬于恆河沙重更舉佛有何要耶若言
爲足句者可云無量無邊何云大聖知大聖言
有其意也但覺經文猶以難消文言明故謂一切言
有必多人又屬所供更無相違一切下
順上之句故此之兩義取捨隨意如恆沙者如事讚

記云求道等者指向上求下化願也卻者退也

譬如恆沙諸佛世界復不可計無數刹土光明悉照
徧此諸國如是精進威神難量

二求淨土中二初舉所超諸土次令我下求能超
自土初文中初之四句汎舉諸土次之二句明其土
佛放光莊嚴後之二句明其土佛神通莊嚴精進等
者憬興云其土佛常於彼土勸作化事故云精
進現化算表故云難量淨影

令我作佛國土第一其衆奇妙道場超絕國如泥洹而
無等等雙

二求自土中初之二句總求最勝謂於前所舉諸
佛國土中我國第一矣次之四句別求最勝於中初
句明衆第一次一句明成佛第一次之一句明快
樂第一後之一句結衆佛樂而成國土第一義也
其衆奇妙者嘉祥云五通自在悉不退轉已準宗
家者六通自在云道場超絕者宗家釋觀經當座道場
文云因圓果滿道場之座豈餘上今亦可爾指

其佛果一名道場也故嘉祥云亦是道樹超勝亦可下是修道速疾成佛故云超絕已國如泥洹者憬興云如泥洹者快樂第一梵云匿縛南唐云圓寂泥洹者訛略也彼土快樂可次涅槃故以譬之我當哀愍度脫一切十方來生心悅清淨已到我國快樂安穩

三求攝生中心悅清淨者淨影云歸心純也幸佛信明是我真證發願於彼力精所欲十方世尊智慧無礙常令此尊知我心行假令身止諸苦毒中我行精進忍終不悔

四請佛證中有十二句依淨影者初之二句請自土佛為己作證次之二句更與願心次之四句請十方佛為己作證後之四句重起誓心幸佛等者淨影云幸猶願也懷與真證等者淨影云佛證不唐是故言佛是我真證同寂發願等者指上法身淨土攝生之三願也問上來發願為是總願將為別願若總願者既有攝身攝土攝生正當六八若別

願者四十八願初地所發今是地前何云別願況彼別願於諸佛土選擇攝取未見土前豈選擇耶答若依憬興應是別願四十八願之略說故非今所用推淨影意如一邊難容總願攝未發六八故但一邊難者雖有身土攝生之別只是淨佛國土成就衆生分齊全非六八故總願攝問若爾何云國土第一答對於化土求報淨土故云第一然而未超諸佛報土故總願攝又解縱雖地前何無別願攝生願志故終遂志請其別願以此義故可別願攝忍終等者如事讚云一一諸佛從初發意至曾無退念已初發尚爾況十向上來地前發心已竟

佛告阿難法藏比丘說此願已而白佛言唯然世尊我發無上正覺之心

二佛告阿難下明地上發心中大分為九初明法藏請說次佛告阿難下明如來返答三比丘白佛下明法藏重請四爾時世自在下明如來為說五時彼比

丘下明聞法發心六如是修已下明詣佛說願七佛告阿難爾時下明立誓請證八佛告阿難法藏下明現瑞證誠九於是法藏下總結誓願初請說中亦二先結前生後次唯然下正請中亦三初牒前起後次願佛下正請宣說三我當下章已所求初文中我發等者淨影云向前偈中求身求土名發無上正覺之心已上則牒前地前發心起後地上發願而已願佛為我廣宣經法

次文可知

我當修行攝取佛國清淨莊嚴無量妙土令我於世速成正覺拔諸生死勤苦之本

三所求中亦有二別如淨影云初我當下是彰所行一次攝取下是彰所成謂攝取等是所成土令我於等是所成身後拔諸下彰所攝也意是則正請地上別願願志在內請問顯外預有願志故見土後選擇身土攝生諸願佛國清淨者是總相當往生論清淨功德莊嚴無量者是別相當經三種論十七也今無

量者就廣說耳拔諸生死等者淨影云拔生死者出生死果一拔勤苦本離生死因由因數受生死之苦故名彼因為勤苦本懷與

佛告阿難時世饒王佛告法藏比丘汝所修行莊嚴佛土汝自當知

二如來返答中世饒王者自在王佛異名而已憬興云饒者即釋自在之言已汝所修行者指自分修行

比丘白佛斯義弘深非我境界唯願世尊廣為敷演諸佛如來淨土之行我聞此已當如說修行成滿所願

三法藏重請中斯義弘深等者淨影云彰己不知前佛據其自分所修善其自知法藏今就勝進所習言非己境不相乖違弘謂大也此前所請出世之行其義大深非我境界為是得請與師亦許地上淨土之行身行略無與師破云如來淨土即相違釋如其次第身土行故今私救云如來淨土即依主釋非

爾時世自在王佛知其高明志願深廣

四如來為說中亦二初明說由次即為下正說初文可知

即為法藏比丘而說經言譬如大海一人升量經歷劫數尚不可窮底得其妙寶一人有至心精進求道不止會當剋果何願不得

次文亦二初舉譬勵心次於是下說法現土初文中譬如等者義寂云喻說意者生死海中妙覺寶在有人發心志願為器欲盡其原雖煩惱深廣劫數長遠若能至心精進求道中不止息其所志願皆應得遂有如何願事而不能得懷與云會亦必也剋者遂也得也寂云會者皆也

於是世自在王佛即為廣說二百一十億諸佛刹土天人之善惡國土之麤妙應其心願悉現與之
二說法現土中二百一十億等者問寶積經云為其廣說二十一億清淨佛土莊嚴經云八十四百千俱胝

那由他佛刹已相違如何答識謙兩譯皆同此經由多分者餘譯不正天人之善惡等者淨影云天人善惡汎說一切諸土因國土粗妙汎宣一切諸土之果與之問所現佛刹為限淨土將通穢土若限淨者既云塵惡識謙亦同知通穢土若通穢者法藏請開俱云淨土寶積亦云清淨佛土答嘉祥云唯淨淨影與義寂三師俱云通穢如玄一者說通淨穢現限淨土又說現俱通淨穢土而初為勝云然今所用淨影等也即淨影云說惡說穢令其捨離說善說妙使其修習與寔知願中既有無三惡趣等誓所見土中若無穢者以何而為選捨之士故悲華中通現淨穢彼經二云或有世界嚴淨妙好乃或有世界有大火災已即其證也但淨土者法藏在攝取淨國從之云淨寶積亦爾不可相違問此中淨土報化中何答可通報化故悲華說所現土云或有世界純諸菩薩徧滿其國無有聲聞緣覺之名已是則報土又云或有世界清淨

微妙無諸濁惡已當化淨義寂云二百一十億諸佛刹土者應其器量廣說諸刹此即通說受用變化及淨穢土以下穢土中有天人別淨土之中有麤妙異塵即變化妙即受用上但此師意天人善惡總屬穢土國土麤妙俱為淨土黑谷不爾天人之惡國土之塵以為穢土天人之善國土之妙以為淨土故選擇云選捨其有三惡趣塵惡國土選取其無三惡趣善妙國土已上同但論註中皆對穢土而修起者且從強釋非遮化淨問法藏比丘未登地上何見報土答由佛力故如義寂云此時法藏雖未登初地然由佛力亦得暫見故已章提凡夫猶依佛力一見報土況向滿乎悉現與之者問覺經云世饒王佛說經竟法寶藏菩薩便一其心則得天眼徹視悉自見二百一十億諸佛國中諸天人民之善惡國土之好醜又大論云阿彌陀佛先世時作法藏比丘佛將導徧至十方示清淨國令選擇淨妙之國以自莊嚴其國已相違如

何答經論異說不須和會或異譯經舉能見德非佛不現今舉佛現非無見德論顯將引設雖如來將導令至十方必有見德佛現之義有何相違問未登地上何備見德答如義寂云然此天眼非自力得由佛加力已問說土可足何重現乎答問說尚聞見質稍明欲明令選故現與也時彼比丘聞佛所說嚴淨國土皆悉觀見
五聞法發願中亦四初明聞法見土次超發下明發勝願三阿難下問答決疑四時法下結發願初文可知
超發無上殊勝之願
次發願中亦二初正明發四十八願次其心下彰發願位三具足下彰發願時初文中超發等者賢位見土聖位發願故云超發如義寂云超發無上殊勝願者正發願也此時既在解發心終於世間中更無有上因此便能得入證位故云超發無上殊勝願已又超諸佛願故云超發相傳五十四

其心寂靜志無所著一切世間無能及者
次文中其心等者發願何位即在初地爲顯此義
云其心等謂證二空理絕衆相故云寂靜四住
已盡更斷無明故云無著今入初地超地前境
故云無及大師云初地已上雙修福智人法兩空豈
是不可思議抄

具足五劫思惟攝取莊嚴佛國清淨之行
三文中五劫等者發願幾時即經五劫爲顯此義
云五劫等如莊嚴經云作法慈菴開佛所說八十
四千俱胝那由他佛刹功德莊嚴之事明了通達如
一佛刹即時會中頭面禮足拜佛而退往一靜處獨
坐思惟修習功德嚴淨佛刹發大誓願經於五
劫詣如來言如是佛刹功德莊嚴所行之願已
又義寂云經具足五劫思惟攝取至其佛壽命四十二
劫述曰此即思惟成就就其願又云經時法藏比丘
至我已攝取莊嚴佛土清淨之行述曰此下第四如
所思惟對佛宣願上此釋願經最爲妙判所以

五劫攝取諸佛淨土行已白佛所行佛即勸說爾時
法藏說已所願四十八願文相鉤鎖義理無違以
下說願一校上淨行即以發願而名行也斯乃因
位若願若行總以名行非是行願別論之意例如
十度行中即有願波羅蜜起信論義記下云皆因十
度深行之熏已即其例也又顯要記清云彼佛往昔於
世自在王如來所爲法藏比丘請彼如來說諸佛
淨土妙莊嚴行於是具足五劫思惟攝取乃發四
十八願已此師亦判發願之時然彼淨影法位玄
一懷與等師判修行時非今所用如決疑鈔云
問五劫思惟爲通六八爲局名號答有云思惟
名號不通六八云此義非也以說願文校思惟
文總通六八故覺經云則選心所欲願便結得是
二十四願經已思惟選擇云二十四豈限名號問
聖種性智不可思議於一念頃辯一切事何送五
劫答本願深重豈容易耶釋尊尙有三七思惟況
初地耶攝取等者如選擇集云

阿難白佛彼佛國土壽量幾何佛言其佛壽命四十二劫

三問答決疑中四十二劫者淨影云問曰若彼得壽多劫劫盡之時居住何處而修行耶釋言餘人見其劫盡其法藏等見彼國土安穩不動故得起修與法華中衆生見劫盡大火所燒時我此土安穩天人常充滿其義相似已懷與破云此恐不然法華所說論自釋云報佛如來真實淨土即知彼土是他受用他受用佛壽必無量不可言四十二劫故今即四十二劫者蓋歲數劫故經五劫攝淨土行非劫盡也大通佛壽不可數劫尙非淨土如四十二劫可云淨土已此破未了如淨影者法華今經淨穢雖異且引劫盡不見邊與此類同釋佛化久故云相似非以饒王即爲報佛然彼自義猶未盡理所以者何經上文云無央數劫又下文云成佛已來凡歷十劫前後文既非歲數劫中間今文何約歲數一又五劫等是歲數者法華論說歲數劫

云劫有五種一日二夜三月四月五年云若爾成佛已來劫數唯十年耶上下之劫不可違故若言爾者不應理也是又若言依小乘性相者俱舍論云何故減百無佛出耶五濁極增難可化故上準之五劫若五年者阿難不可致此疑問佛出不減於百歲故又佛壽命四十二歲者亦違性相減百不出故又以小乘一途性相判一切者向難如何又依大乘大通佛壽既以五百四十萬億那由他劫何妨今佛四十二劫五玄一同與亦招此難然義寂云凡出世佛上不過八萬下不減百歲云何得經五劫思惟爲決此疑故次問答所言佛出唯八萬時者此是迦多衍尼所說非是釋子通方之論故大乘中不限八萬由此故說其佛壽命四十二劫淨土可爾穢土云何其穢土中住劫增減位分決定云何得至四十二劫所言住劫二十等者此據常途無佛時說若佛出世由佛本願各差別故住世久近亦說不同如樓至佛住賢劫半其

餘諸佛久近不定。此師意云若依大乘。若依願力。佛出時分住世久近皆悉不定。何故偏執一途。性相及無佛時。定是一切。故饒王佛四十二劫亦未為難。云如長阿含。人壽八萬四千歲時。毗婆尸佛出世。成道又悲華經。日光菩薩當來人壽五十歲時。成道號曰不思議光明佛。當來人壽二十歲時。勝日光佛當出於世。云此說豈非八萬已上百歲已下有佛出耶。又立世阿毗曇論。九云。長極八萬。短至十年。若佛不出世。次第如此。若佛出世。正法住時。衆生壽命暫不減。隨正法稍滅。壽命漸減。佛出世。尊說如是。我聞。已依正法住。劫猶不減。況佛住時。劫不延乎。又樓至佛住。半賢者悲華經云。爾時佛告。特力捷疾。言半賢劫有千四佛。出現於世。特力捷疾言。彼賢劫中。乃一千劫。佛於半劫中。出世涅槃。正法滅已。然後我當成。阿耨菩提。乃爾時佛即讚。特力捷疾。言。乃賢劫中。汝當成。阿耨菩提。號樓至如來。壽命半劫。汝之所得。聲聞弟子如千四佛。所有弟子等無差別。

所化衆生般涅槃。後正法滅。已賢劫俱盡。已問藥王。藥上經云。此中千佛者。俱留孫佛。爲首。下至樓至如來。今賢劫中。次第成佛。佛名經云。何云一千五百佛等。耶。又樓至佛在第二十增劫。出世。故劫章頌云。乃後住劫。欲終中。樓至如來。方出興。上何云。半耶。答經經異說。不須和會。時法藏比丘攝取二百一十億諸佛妙土清淨之行。四文可知。如是修已。詣彼佛所。稽首禮足。繞佛三匝。合掌而住。白佛言。世尊。我已攝取莊嚴佛土清淨之行。六詣佛說願中。亦有初二初明。法藏演願。次佛告。下明。如來勸說。三比丘白佛。下明。法藏說願。初文可知。佛告。比丘。汝今可說。空知是時發起。悅可。一切大衆。善薩聞已。修行此法。緣致滿足。無量大願。次勸說中。汝今等者。淨影云。汝今可說。正勸。宣說。空知是時。催令速說。發起悅等。明說所爲。爲益諸衆。故須宣說。發起悅可。一切大衆。爲益。凡夫二乘。故

無量壽經鈔卷第一畢

說由彼法藏自說己願。令衆同喜。願生其國。名發悅可。一切衆矣。菩薩聞下。爲益菩薩。由彼法藏自說己願。令諸菩薩學之。同發。故云。聞已。修行此法。滿足大願。聞已。修行起願。始也。緣致。滿等。願心成也。大與同。法藏比丘五劫。思惟發本願。竟其願在。心誰能得知。故佛勸催。一一令說。以益五乘。說雖在。今聞傳來際。故須說之。

無量壽經鈔卷第三盡第二十願

望西樓沙門 了慧述

比丘白佛。唯垂聽察。如我所願。當具說之。三比丘白佛。下法藏說願中。亦二初請聽察。次設我下。正說本願。初文中。聽察者。切韻云。察是非之貌。所願者。義寂云。發願以希求。爲義於未所得中。要心希求。故同之。又云。願體是何擇法。爲性十度中。後五度說。是根本後得智。故有義以欲勝解及信。爲性願。以此三爲自性。故已。又十住論云。願名心所貪。樂求欲。次說願中。設我等者。將釋。此願。卽有二門。先總次別。先總釋者。淨影云。四十八願。義要唯三文。別有七義。要三者。一攝法身。願二攝淨土。願三攝衆生。願四十八中。二十二及第十七。是攝法身。第三十一。第三十二。是攝淨土。餘四十三。是攝衆生。文別七者。初十一願。爲攝衆生。次有兩願。是其第一。爲攝法身。次有三願。

是其第二重攝衆生次有一願是其第四重攝法身
 次有二十三是其第五重攝衆生次有兩願是其第六
 爲攝淨土下有十六是其第七重攝衆生與義寂
 引用淨影釋矣然依宗家可有二意總而言
 之四十八願俱通攝身攝土攝生故玄義云發四十
 八願一一願言若我得佛不取正覺今既成佛即
 是酬因之身也爲攝禮讚云四十八願莊嚴起超諸
 佛刹最爲精淨土散善義云四十八願攝受衆生
 爲攝別而言之應如淨影故觀念門抄出十八十
 九二十二十五等別爲攝凡攝身攝土準之應知
 又義寂引淨影已云此亦多從願相而說若委細
 論一一具三如初願中設我得佛是攝佛身國言攝
 土無地獄等是攝衆生此從二分而云具二攝
 他土願無攝土故問以第一願爲攝生願其義不
 明看下諸願攝生願中或云人天或云聲聞
 或云衆生或云女人或云菩薩皆舉正報攝土
 願中直舉土相不舉正報今願亦爾直云國有

等明知攝土也答三惡趣者是有情數如光記云五
 趣唯是有情數攝不通外器以此外器亦容五趣
 共受用故還成雜亂已故今願不可通器但
 至難者餘願之中舉正報者所以爲誓於正報
 上有別益也今願不然直除惡趣受苦之體趣
 即正報故翻顯攝生也問唯識論云或諸趣言通能
 所趣諸趣資具亦得趣名上此許諸趣通外器
 也加之嘉祥云此願分爲二明之有三願願淨
 土有四十二願願得眷屬有三願願得法
 身已既云三願知如初願又澄憲云二者佛土願
 無三惡趣等是也如此文義如何會通答唯識文者
 非實體通相從名趣故述記云何故能趣亦名爲
 趣趣是所趣業惑中有相從名趣至謂器世間是趣
 所須趣之資具相從所趣故亦名趣上餘師釋等恐
 不應理問淨土私記云四十八願分爲三初十六願
 莊嚴淨土次十六願勸進自他後十六願名號利益
 初就莊嚴爲四初二願清淨土已此師之意設以三

惡約有情數猶可攝土以下無三惡莊嚴土上
 故此義順理答以所捨法翻顯所益定可攝生
 取捨相對必可然故餘願相對類例可知問攝生願中
 幾凡幾聖幾攝自國幾攝他國答依願文及智光等
 釋初十一願及第十五六八九二十二十一七二十三
 四五七八九此二十四箇願攝凡夫餘十九願是攝聖
 人第二十八通凡聖也或看經現文他土凡夫皆名衆生
自他土聖皆名菩薩
或或名女人自土凡夫悉名入天
 四五八十五二十一三十四七九此十一願餘經多
 云菩薩等也今攝聖中第十四二十二三五六九二十
 六四十四十一二五此十一願餘經亦云衆生等也
 至別釋中如此異說今經爲正餘經不同不須和
 其文可知又此等願通凡聖否求理校文更可思擇云
 又第十八九二十二二十三三三三三三三三三三
 四五七八此十六箇願攝他土餘二十七願攝自土也
 然他土中第三十六七四十二五此四箇願餘經中云
 自國益也至別釋中譯者見別非適今也問此中攝

凡通十信一耶答且舉薄地不論十信以本願
 文十信已上名菩薩故攝菩薩願總名攝聖若尅
 體者如攝論云十信已還是凡夫十解已上是聖人
 問法身無相非色非心何壽光等名攝法身答理路經
 云法身有二一果極法身二方便法身已今則第二又
 密教中四種法身亦其例也問四十八願有來意耶答
 一願文雖無生起大意有次謂本願意正被凡
 夫傍通聖人一依正意故先說攝凡傍後後聖故
 元曉云四十八願初先爲一切凡夫後兼爲三乘聖
 人故知淨土宗旨本爲凡夫兼爲聖人亦同問論註
 之中以彼二十九句莊嚴皆云本願何願攝耶答
 註意但知但義寂云由攝淨土願得國土莊嚴十
 七功德由攝法身願得佛身莊嚴八種功德由攝
 衆生願得菩薩莊嚴四種功德應知四十八願爲
 因得二十九功德莊嚴或多願合得一功德或以
 一願得多功德因果感起少多不定是故願德其數
 不等隨所相應應當配屬已一一配當可俟

別釋總釋已竟次別釋者有四十八起盡可見見
第一無三惡趣願釋之有三

設我得佛國有地獄餓鬼畜生者不取正覺
初釋願意次出諸師解後正解願文下去亦然初
願意者四十八願選擇之義如選擇集云然此願意
六道雖苦三途最重法藏慈悲先緣重苦選擇此
願攝衆生也雖就重者不捨人天舉重攝
輕是故彼土五道俱無如義寂云理實淨土五趣俱
無經說橫截五惡趣惡趣自然閉論云勝過三界
道故上問若爾何有人天鳥類答今約實業云
無五趣彼非實業如禮讚云鳥群非實鳥天
類豈真天上況彼化鳥非有情乎又義寂云天人
兩趣因餘方而有名地獄等三名體惡而俱絕依一
向無故唯說三已又澄憲云分段人天彼土亦無故
云勝過三界道而有相似人天非如惡道故有
此願問有鳥鴈鴛鴦又非相似惡趣乎答身帶七
寶之色聲出五根之轉故全異惡道已此義一往

設帶寶色亦出法音形全鳥類何非相似若
言勝故非相似者彼土人天亦超此土可非相
似相似之義天畜全同不可簡異次諸師解者感師
云永絕三塗淨影云初有兩願願生無苦後之九
願願生得樂願無苦中初一願其自國無苦義寂
云令國無惡趣願法位玄一同名無三惡趣願
真源之懷與云無苦苦願智光云國土嚴淨無諸惡趣願
御同光又云就人天衆願上此中法位等之當願立名
似勝是故黑谷亦名無三惡趣願也三解文者分
而爲二初明發願次不取下明立誓也下去準之
如懷與云況言願者即怖求義設我得佛等又言誓
者即邀制義不取正覺是也淨影云諸願不滿終不
成佛假設所願不滿得成誓終不取懷與初願
中設我得佛者設猶若也故寶積云若我得佛同我
流布語佛他受用內證成道雖不相離發化他願
時還指化他身而云得佛等令增機化故禮讚
云彼佛今現在世成佛當知本誓重願不虛已又

有二義云問下文云我建超世願必至無上道已誓
心決定何云若耶答下文云斯願若尅果大千應
感動已準此之文能求願心雖是深重諸願成否
未得證瑞故云若也又解今在因位指佛果故
表不輒相顯卑下言而已地獄等如要集記云
次文可知

第二不更惡趣願

設我得佛國中人人壽終之後復更三惡道者不取
正覺

初願意者所見土中有壞劫國諸有三塗定受業者自
國中無三惡趣故業力引置他方惡道或土不然
法藏愍念更惡有情選擇此願攝衆生也委如
選擇及決疑鈔云此願亦是舉重攝輕理實不更
人天二趣故稱讚云必不復墮諸險惡趣邊地下
賤蔑戾舍中已邊地等者是人間故天趣準之間一切
淨土不更惡道今發此願何要耶答一切菩薩
淨佛土時縱無別願亦有不更惡趣之德今發別

願利益廣大衆生憑願欣越多故次諸師解者淨影
云命終不向他國受苦義寂云命終復不更惡趣願
眞源之懷與云法位玄一同名無惡趣願懷與云無壞苦
願智光云有情命終展轉增上願願今依寂等黑谷
亦名不更惡趣故三解文者人天者大彌陀經云諸菩
薩異譯不問下去準之壽終等者問小經云及其人
民無量無邊阿僧祇劫已何云壽終何況亦達第
十五願答義寂云設命終生他方不復更生三惡
趣也已意云爲立此願舉假令言今謂初願之時
猶有更義至此願時除更惡義此願時猶雖有
死義長壽願時除壽終義願願互助願體各顯統束
諸願究了其義義寂云由此二願得清淨功德
也

第二悉皆金色願

設我得佛國中人人悉皆金色者不取正覺
初願意者所見土中或土人天黃白黑等顯色不同
由不同故互生勝劣常懷憂惱或土衆生純一色

中或土衆生具通自在或土衆生不具神通故不自
 在法藏愍念不自在類發此六願於中哀愍諸有
 衆生不識宿生但著現境造作衆罪上選擇此
 願攝衆生也如澄憲云分段穢國流轉含識不
 知宿命故於善不進於惡不恐萬善懈怠衆惡
 造作只爲不知宿業也彼羅漢憶泥梨苦流血
 汗福增見先身骨忽開悟不知先生母以爲妻
 不知先世怨養爲子不知先身父以爲美食
 等皆迷宿命事著今世樂忽聞本緣皆生厭
 心者也利生方便只宿命智知其恩濟度衆生專
 知宿世行業誘引之聖教多其例不能具之
 上問今願六通何不次第答一一願文隨安立無別
 生起況律名句以他心通置於第二六度集經神
 境第三如妙樂云然此六法修無前後證無次第
 亦任時故衆經列次不同上然靜照云已具外相
 亦須內照若識宿命則不自高憶念過去無
 諸功德但依佛誓得生此國上澄憲云往生彼

土者先知宿命深仰佛德如照公釋故先列
 之歎如彼天衆生天先憶宿業以報往因上已次
 諸師解者義寂云令遠識宿命願澄憲云大智與靜照
 智光云宿命證明照了往事願御廟真源云宿住能憶願
 上此等諸師名異義同三解文者人天者大彌陀云諸
 菩薩羅漢上下至等者選擇集云從多至少以下對上
 之義也上私云以無數劫之多對那由他之少而
 云從多至少等也十四願云下至三千大千世界聲聞
 緣覺已準之即以那由他等爲下爲少佛壽願意
 亦以可爾謂有量之無量爲上他劫爲下而顯壽命
 無所至也問若爾何故不云下至一劫等耶答既
 云那由他其一劫等理在絕言此未決定學者思
 擇有云以少爲上以多爲下從少之少多置下之
 言準下願云下至不照百千億那由他成就文云
 或照二三四五由句如是轉倍乃至照於一佛刹土云此
 義非也遠選擇故百千等者問凡夫宿命不過八
 萬何緣無數答佛力故也下去準之

第六天眼智通願

設我得佛國中人不取正覺
 那由他諸佛國者不取正覺
 初願意者所見土中或土衆生以不見於諸苦果故
 不恐苦因亦以不見諸樂果故不修樂因法
 藏愍念此等衆生選擇此願攝衆生也靜照云
 愍諸衆生不見塵色迷於遠近不見細色
 而失因果只悲北芒煙早滅不見中陰魂獨逝
 澄憲云凡夫肉眼不見一紙外嗚呼悲哉不見地
 獄餓鬼之苦果不見父母師長之受報厭離心緩報
 謝思怠龍樹說地獄苦云若見圖繪聞佗言一如
 是知時以難忍云面見彼苦報誰深心不恐乎
 又經云男女非聖無神通不見輪迴難可報云
 孝子面見父母苦果者寧甘哺安席上求下化之要
 厭苦報德之道其唯在天眼照視者歟上諸師解者
 義寂云令天眼徹視願諸師三解文者諸佛國者通淨穢
 土下去準之

第七天耳智通願

設我得佛國中人不取正覺
 他諸佛所說不悉受持者不取正覺
 初願意者所見土中或土衆生縱生佛世胡越隔堦
 不聞梵音除密以不聞故不能受持不聞持
 故苦輪恒轉況滅後乎法藏愍念此等衆生選擇此
 願攝衆生也澄憲云以天眼雖見形色以天
 耳不聞言音者其恨尤深故此通至要地獄衆苦
 之聲餓鬼飢渴之聲聞之鎖增大悲之心乾闥緊
 那之樂神仙誦經之音聞之常樂寂靜之洞況諸佛
 說法聞悉受持菩薩對談聽併渴仰哉上諸師解者
 義寂云令天耳洞聽願諸師三解文者下至聞者問不
 得天耳何聞百千諸佛說耶如今文者不不得
 天耳亦不受持然而聞佛之所說故答此難寶爾
 不悉不字可在聞上然在下者迴文未盡故寶積
 云不獲天耳乃至不聞億那由他百千踰繕那外
 佛經法覺經云不悉徹聽已又解聞上亦可有不字

無者脫也故安樂集引此願云十方人天來生我國
不得天耳通下至不聞百千億那由他諸佛所
說不悉受持者不取正覺已後義為正受持者
信力故受念力故持

第八他心智通願

設我得佛國中人不見他心智下至不知百
千億那由他諸佛國中衆生心念者不取正覺
初願意者所見土中或土衆生聞他心故恐怖聚身
侍養背情以惡為善以善為惡法藏惑念此等
衆生選此願攝衆生也澄憲云世俗萬事猶以
知他心為最要況出世利物化他不知衆生心
何為轉法輪寶女摩衣知情侍者阿難無違
佛心奉養父母以從氣色為先朝三暮四以
叶民心為要況掩鼻殺寵姬捕蜂戮愛子
不知是瞋不測親反疎皆是不知人情之
過也何況利生方便之道哉次諸師解者義寂云明鑒
他心願諸師三解文者人天者大彌陀云諸菩薩阿羅漢

況隨意到諸佛國法藏惑之選擇此願攝衆
生也澄憲云身如意通其德非一然而餘事皆置之
往生極樂奉仕彌陀值遇衆聖本願既滿巨益亦
足剩以一身通一念之頃往來他方佛國實是不慮
大幸也諸佛國土昔唯聞名一佛一刹不見不至今
生淨土忽得神通一念遊十方佛國須臾遇無
數大聖彌陀願力不可思議猶不可思議已次諸師解
者義寂云令神足迅速願諸師三解文者一念頃者問
依俱舍論神境有二一運身通論云謂乘空二勝
解通論云謂極遠方作意二意勢通論云謂極遠方舉
引婆沙云有說異生成一謂運身二乘成三除意
勢聲聞運身所顯獨覺勝解所顯佛具成三意勢所顯
已然今凡夫所得神通何同意勢答佛願他力之所成
故問新生舊住之五神通有勝劣耶答觀經云七日
之中乃得見佛雖見佛身於衆相好心不明
了於三七日後乃了了已準之可有明昧不同
云問上來五通為是生得將修得耶答順前句答

衆生心念者問言衆生者為通凡聖答且俱舍中
明他心智所取之相略有八種一欲色界繫簡無色
上緣二他相續中簡於自身三現在無作用故四同
類簡於異類法分知法分類分知類分五心心所法簡於
光云知彼心時不觀彼心所緣不觀彼心家能緣行
相故謂他心智但知彼心有染等心不知彼心家所染色
等亦不知彼心家六簡於二等謂但知七實簡於假
能緣行相已上六簡於二等謂但知七實簡於假
知假八自相簡於共相不簡於共相識了別名自
不觀多法準之可知問新天人亦知佛心答彼
土新生未登聖位所得他心可有漏若是凡
心何知佛心不上緣故若有漏何緣無漏
非同類故若約如來會得等心彌猴猶知況新生
耶若約如來未曾得心見分心者聖人猶聞況凡夫
耶但依佛力不可定量

第九神境智通願

設我得佛國中人不見他心智下至不知百
千億那由他諸佛國中衆生心念者不取正覺
初願意者所見土中或土衆生海路勞船陸路疲步何

是故要集釋五通云不於百大劫中而種相好
業不於四靜慮中而修神通因只是彼土任運生
得之果報不亦樂乎已問既生得者華合之時亦可
具之何無見佛聞法等耶答雖具其德華合
之障未除盡故不施作用例如胎內雖具諸
根未施作用

第十速得漏盡願

設我得佛國中人不見他心智下至不知百
千億那由他諸佛國中衆生心念者不取正覺
初願意者所見土中或土衆生具諸漏故作輪迴業
受生死苦出離無期法藏惑之選擇此願攝衆
生也今漏盡者約四住盡如妙樂釋別教六通
云且語斷見思盡名為無漏通已私云若約小
機在第四果故觀經說中輩凡夫漏盡通云應時
即得阿羅漢道三明六通具八解脫上若約大
機可在初地依真諦意初地入心盡四住故觀
經上輩得益是也本願意云衆生者速得漏盡未

分大小大小在機漏盡速疾乘於本願例如下第十九願不分大小而來迎也云次諸師解者淨影意云漏盡通願大義寂云令不起漏染願此是漏染不起非是漏盡通此必從修而得不通生所得故前五通者皆通生得及修所得此中所說多是生得說生彼國皆能得故憲照大同澄法位云無貪著願玄同智光云離諸妄想薩迦耶等願謂我土中無起妄想念貪瞋等計我我所已御廟引興寂兩師而不評取慧心云不貪計身真源云離諸妄想願遠離我所無有諸妄想又云不起想念貪愛身已今之所用淨影義也願有次故願悲華故願宗家故謂一願雖無生起適五通後有此之願豈非漏盡故事讚云到彼華開入大會無明煩惱自然亡三自然乘佛願須臾合掌得神通已依佛願力故云自然亦不運劫故云須臾雖有延促所言佛願恐指此願若不爾者爲何願耶故悲華云天人無別皆得六通至乃解無我及無我所悲分陀利問若

爾何故觀經中說經三小劫住歡喜地經一小劫成羅漢耶答私云彼二劫等比此娑婆猶是速疾非一阿僧祇劫故非六十及一百劫故問對利根者一往可爾若對鈍根三四生者猶是長遠答機根不同其說非一如中上品當華敷時即得無學可鈍根依今願力速疾證果凡隨機品雖有延促總比此土莫不速疾豈非願力難思益耶云問今看文勢全同五通知生得願若生得者非漏盡通故義寂釋專應文理依之澄憲云憬師判此願屬漏盡通專不可也漏盡通者無學所得也豈生極樂者皆忽無學聖哉九品階級大以相違歟生彼土已經劫數後始有證須陀洹如造逆之人纔雖往生十二大劫蓮華不開敷以前凡夫不可疑寂師釋應理但是彼土人緣妙境雖令適悅不爲貪著是彼土不共德又則清淨願力所成也例如北州人雖異生不起我執彼國人亦如是未斷結漏而無貪著此願來意尤有其

意上願身相皆金色無好醜別次說五神通之德如此等勝德須起計著致高慢然依菩薩願力永無此事若忽證漏盡通者還似無秀句歟此等文義如何會通答雖是修得以速得邊爲此願德何無秀句但此願文似生得者顯速疾故三解文者人天者大彌陀云諸菩薩阿羅漢已想念等者舉見修惑寶寶經云起於少分我所想者不取菩提悲分陀利悲華經云解無我及無我所已舉身見而攝餘見覺經云有愛欲者我不作佛大彌陀云無有姪妹之心終無念婦女意終無有瞋怒愚癡已此舉修惑以此等說按今願文應是人執謂想念者即見惑也貪計身者是修惑也貪言所表可修惑故或想修惑計身見惑身言所表可我我所之身見故故智光云無起妄想念貪瞋等計我我所

第十一住正定聚願

設我得佛國中人不住正定聚必至滅度者不取

正覺

初願意者所見土中或土衆生雖修佛道多退入邪定或土衆生皆悉不退終成正覺法藏悲憐退墮衆生選擇此願攝衆生也問不退成佛由盡諸漏若爾與上漏盡通願有何別耶答憬與云得漏盡樂有二此初漏盡體也私云指第十願此後漏盡位也此釋未了得體入位入位得體不可別立今謂此願處不退故兩願永異故要決引此經生彼住正定文判處不退又小經云衆生者皆是阿鞞跋致慧心略記釋此文云此處不退已群疑論云初往生時即名不退者此約處不退說已若言定聚即位不退者彼土可有不定聚耶若云有者何故經說無不定聚以此義故處不退也問大乘論等多以十信爲不定聚然大師云法侶將衣競來著證得不退入三賢已三賢已前何非不定答豈不前言不約地位然經說無不定等者設雖薄地非是或進或退者故亦非不信業果者故問處

不退者與第二願無差別何答第二願者只局不退未約成佛當願意者不退而亦必至菩提以之爲異例如安住堪達不同光記云安住法者離勝退緣雖不自防亦能不退離勝加行亦不增進多住自位故名安住堪達法者彼性堪能好修練根速達不動已今復如是彼第二願不墮不進之不退故如彼安住此願增進之不退故如彼堪達是故寶積覺大等中但言成佛不云定聚即其意也又有二義如探要記云問若爾何今不名必至滅度願耶答必至之言通不退如云煥必至涅槃者非是不退正定之言必在不退成佛即是不退之功一切名目不可具名故今從本偏名而已問若處不退者何莊嚴經云一切得住正信位已知十信位答異譯不同用否在時或正定聚之別名歟謂定即是信之德故次諸師解者感師云住正定聚義寂云令住正定聚願清淨覺經云人民住正盡般泥洹其意同也法位玄一眞憬興云得漏盡樂又云漏盡位

也十信已去皆名正定聚故言住者通正當之言也已上言十信者入位十信非言三賢乃至佛果智光云住正定聚必至菩提願御願同靜照云住正定聚願已伏貪見須至滅度已又澄憲云一超苦輪適生淨國如來願力也縱雖往生若再退還生死者如入入仙家爲半日客三尊迎接一夢喜悅歎小阿彌陀經云皆是阿鞞跋致此經云皆悉到彼國自致不退轉上同第四願釋云正定聚者聖位論之已此中約位非今所用三解文者不住定聚等者不言流至于至滅度住正定聚終成佛故故智光云謂我土中住正定聚而不退轉必至菩提已言定聚者要決云不退正定名異義同已滅度者是大非小故寶積云若不決定成等正覺證大涅槃者不取菩提大彌陀經云令得佛道已問此經說有諸聲聞衆故可通小如義寂云悲華經云皆得不退於阿耨菩提此文偏說大乘定聚不可引彼論此亦爾彼經不說有聲聞衆此經說聲聞衆故發心時別土有純

雜不可一已答天親既云無譏嫌過宗家亦判轉向大乘何故亦有二乘滅度若如寂者寶積等文云何會通只會悲華今經相違不辯譯異同文而已問若爾何故大彌陀經云諸阿羅漢般泥洹去者無央數耶答彼經又云諸天人人民蜎飛蠕動之類皆令得佛泥洹之道已準之如來大涅槃也義寂云上來九願亦是大義門功德

第十二光明無量願

設我得佛光明有能限量下至不照百千億那由他諸佛國者不取正覺初願意者所見土中或有佛土教主光明有能限量或有國土教主光明無量無邊法藏菩薩爲攝取十方世界念佛衆生選擇此願攝佛身也問何必選取無邊光明答豈不前言攝十方虛空無邊故國土亦無邊國土無邊故衆生亦無邊衆生無邊故大悲亦無邊大悲無邊故光明亦無邊光明無邊故攝取益無邊以要言之欲益無邊故光無邊問所

言佛光爲現起光將常光耶答此是常光故悲華云常光照於無量無邊百千億那由他諸佛世界已又靈芝釋小經彼佛光明無量文云佛光有二一者常光二者現起光今此乃是彌陀常光已委如決疑鈔云問般舟讚云不爲餘緣光普照唯覺念佛往生人上已云唯覺可現起光答雖是常光光益但在念佛行者故云唯覺問莊嚴經云我得菩提成正覺已所有衆生令生我刹一切皆得無邊光明而能照曜百千俱胝十方諸佛刹土已此約所化相違如何答異譯不同非適今也次諸師解者義寂云得勝光明願法位云自身光無限同之自餘諸師其義大同澄憲云光明無量者阿彌陀一義也至觀經云光明遍照十方世界念佛衆生攝取不捨不捨之力正由光明故此佛光於行人爲最要上三解文者光明者問爲是頂光爲舉身光若頂光者何觀經云八萬四千相好光明若舉身者大彌陀經云令我頂中光明絕好勝於日月之明百千億萬倍上已

答舉身光也但異譯文不必正說違觀經故諸佛
國者問觀經云照念佛衆生即是正報今何依報答舉
國令知光照無際意在照正故不相違義寂云
此願能得光明功德已此釋未了彼光明功德依報光
明故今謂身業功德攝也

第十三壽命無量願

設我得佛壽命有能限量下至百千億那由他劫者
不取正覺

初願意者所見土中或土教主壽命短促化事不久所
化空過而悲歎也又知東方日月佛壽一日一夜或土教主
壽命延長利生無盡法藏爲欲盡盡未來利衆生故選
攝佛身也例如下法華說山海
慧如來壽云壽命無有量以愍衆生故也是則
一得永不失壽更非有量之無量矣問大彌陀經云八
方上下無央數佛國諸天人民乃悉作辟支佛阿羅漢
乃共欲計數知我年幾千萬劫歲數皆令無有能
能極知同之翻顯大聖應知故悲華云無能

知者除一切智悲分陀利云除薩波若智已何非
有量之無量耶答彌陀即有入滅不滅之二德故今
願文者約不入邊彼異譯等依入滅邊故不相違
次諸師解者義寂云得壽久住願法位云自身壽無限
玄一自餘諸師其意大同澄憲云無量壽德者即名號
一義也乃佛壽無量化道至德也誰不渴仰此願哉
如釋迦牟尼佛雖發五百之本願唯限八十之壽
命戀慕悲歎言而盡南無無量壽佛南無無量壽佛
已三解文者下至等者如前已釋又直指淨土門無爲
云下不至上意那由他爲所至也今謂不爾無不
字故實積經云壽量有限乃至俱那由他百千及算
數劫者不取菩提已此文同今何存異義義寂
云此願得主功德法王善住持者長時化故

第十四聲聞無數願

設我得佛國中聲聞有能計量下至三千大千世界聲
聞緣覺於百千劫悉共計校知其數者不取正覺
初願意者所見土中或有佛土唯化菩薩無二乘

及異生弟子自力或有佛土雖亦記小大化不遍
多取滅度猶如或有佛土但說三乘不令會二
乘須多等或有佛土齊有三乘皆悉成佛報力
法藏菩薩既發光壽無量之願此是報身何有二乘
雖爾爲引他方小聖令速成佛選擇此願攝
小聖也故論註云聲聞以實際爲證計不應更
能生佛道根芽而以本願不思議神力攝令生
彼必當復以神力生其無上道心已言本願者
指今願也如大師云若論小聖去亦無妨又云
正由託佛願以作強緣致使五乘齊入已此
中二乘託今願也又莊嚴經云我得菩提成正覺
已所有衆生令生我刹雖住聲聞緣覺之位往
百千俱那由他寶刹之內遍作佛事悉皆令得
阿耨菩提已但此經文似攝凡願同中輩生學者
思擇問若爾爾何故悲華經云無有聲聞辟支佛乘所
有大衆純諸菩薩無量無邊悲分陀答義寂意云悲華
說報此經明化云今謂不爾經有光壽無量願故

無量壽經鈔卷第三

非化身也準宗家者此經從始悲華約終故不
相違問宗意不明以終轉向大名報土者娑婆
亦爾可報土耶答此難非也娑婆亦有灰身入滅
之二乘故問諸佛報土眞善極妙是故不置二乘屍
骸何言惡惡而選捨之西方既有二乘凡夫還
是惡惡何稱善妙答法門廢立所望不同今對二乘
不成佛國以成佛土名爲善妙例如台宗云闡
提有心猶可作佛二乘滅智心不可生法華能治
復稱爲妙已法華涅槃雖同醍醐涅槃不明二乘
成佛故不名妙今亦可然雖同報土簡二乘故
名惡惡土有何失耶如彼華嚴雖是報土隔二
乘故判爲惡等之意亦其例也次諸師解者義寂云
攝多眷屬願與法位云願衆無限玄一智光云眷
屬聖者無數衆多願與法位云願衆無限玄一智光云眷
是諸師衆多爲奇如澄憲云阿彌陀佛弟子無量
三無量中其一也如小經所說聲聞無量故非一一
者中三品皆小果人也二者水鳥樹林多說苦空聞者

八五

證レ小レ是以レ彌陀初發心時發願我亦三乘レ度レ衆生レ見レ智レ二レ是穢土聲聞厭心猛利壽命短促故多證レ論レ小果レ即歸レ涅槃彼國衆生壽命無量又無レ厭心故多證果者多レ留住者四者穢土中不定性雖レ迴心若定性於有餘土入レ佛慧故皆唱レ滅度極樂聲聞於小不レ住必還入レ大故不レ取レ滅度先證後來有增無減故聲聞無量レ抄レ今謂非レ音數多爲レ奇亦有レ玄旨如レ向已辨レ三解文者聲聞者此舉レ聲聞攝於緣覺故莊嚴經レ雙舉レ緣覺問今此聲聞彼法華論四種聲聞中爲レ何耶答玄レ云此是應化聲聞爲レ莊嚴レ徒衆故如レ彼無レ惡趣而有レ好鳥爲レ莊嚴令レ法音無レ絕故レ上レ此未盡レ理他方來中設有レ應化此願及以中輩聲聞非レ應化故今謂義準退大聲聞レ準レ台宗レ云初從レ此佛菩薩結レ緣還於此佛菩薩成就レ已彼諸聲聞既信レ彌陀往生成佛計知此輩第九王子結緣之者若無レ往日一乘種レ者爭有レ西方成佛脫レ乎情以我等亦信レ彌陀當レ知昔值レ

第九王子レ下レ一乘種レ脫期在レ近歡喜幾レ乎又準レ台宗レ迴心已去佛道聲聞如レ法華云レ我等今者真是聲聞以レ佛道聲レ令レ一切聞レ上下至等者無數爲レ上三千爲レ下大千世界聲聞等者意云滿中聲聞等也故寶積云大千世界滿中有情及諸緣覺於レ百千歲盡レ其智算亦不能知大彌陀經云八方上下各千億佛土中諸天人民蜎飛蠕動之類皆令レ作レ辟支佛阿羅漢レ乃共欲レ計數レ至無レ有レ能知レ同レ之レ

第十五眷屬長壽願

設我得佛國中人人壽命無レ能限量除レ其本願脩短自在若不爾者不取レ正覺レ
初願意者所見土中或有レ國土有情短命世間生憂出世退緣レ五退緣レ中或有レ佛土衆生長壽無レ死魔恐レ增進佛道レ五勝緣レ中法藏菩薩欲レ令レ人天除恐レ增進道選レ擇此願攝衆生也縱生レ淨土若短命者彼土快樂有レ何要耶諸樂根本只在此願如レ澄憲云レ人民壽命無量淨土第一德也乃非レ只貪レ生

惡レ死修レ行佛道者死魔爲レ恐生死間隔退緣根本也見佛聞法值レ遇衆聖供レ養諸佛親レ近善友自然快樂無レ有レ衆苦其德非レ一若壽命短促者遺恨幾計如レ玉坏無レ底故此願最至要者也レ次諸師解者感師云壽命長遠義寂云眷屬長壽願レ眞源全レ同大レ法位云願レ壽無限レ已自餘諸師其意亦同三解文者人天者大彌陀云菩薩阿羅漢レ已脩短等者義寂云謂爲レ化他捨此生彼レ師彼土也彼土雖レ離レ分段生滅依レ已本願爲レ利生故自在生滅如レ群疑論云レ命極長遠レ乃縱令凡夫還入レ變易究竟成佛無レ死苦捨彼命願生レ穢土救苦衆生雖レ死非苦也以レ忻樂願捨報修レ慈悲故レ已此釋恐由レ今願文レ歎若爾長命由レ佛願力修慈捨報任レ已宿願レ矣

第十六無諸不善願

設我得佛國中人人乃至聞有レ不善名者不取レ正覺レ
初願意者所見土中或有レ國土二乘根缺惡人女人等

之名體於中充滿或有レ國土無レ如是等不善名體法藏菩薩憐レ愍惡故選擇此願攝衆生也問現有二乘何云無體亦有レ羅漢白鶴等稱レ豈非レ有名レ答不善名者指レ譏嫌名非レ鶴等名無レ二乘義如レ玄義分レ始也又如レ論註云レ次諸師解者感師云無諸不善義寂云眷屬善願法位云願衆無惡名レ玄レ憬興云離譏嫌願智光云離諸非愛不善音聲願レ眞源云不聞惡名願眞源云遠離不善願澄憲云淨土無レ不善惡道等名者其義如何惡法皆是法門也忘レ之不說歎若爾法門名義皆可闕レ之有人通云體上名也不遮レ但名云未見レ人師解釋レ更可レ思擇レ已有人違論存レ但名故レ是但名故憲公忘レ註不レ準知レ故以レ譏故諸又法位等似レ忘レ願文乃至之言但約レ名故三解文者乃至等者從レ體至レ名說爲レ乃至往生論云淨土果報離レ二種譏嫌過レ應知レ一者體二者名體有レ三種一者二乘人二者女人三者諸根不具人無レ此三過故名レ離體譏嫌レ名亦有レ三種非レ但無レ二體

乃至不聞二乘女人諸根不具三種名故名離名
譏嫌已實積莊嚴直云無有不善之名不云云乃
至覺經但云莫有惡心而不舉名直單說也悲
華分陀利云無女人及不善名名體俱舉然而猶
闕餘之不善又龍樹云彼尊佛刹無惡名亦無女
人惡道怖至無有諸趣惡知識已此中惡道及以諸
趣第一願攝餘此願攝惡知識者覺經惡心惡心可
通能所故亦闕二乘及根缺矣如是惡體皆攝
今經乃至之言最為巧說義寂云此三願得眷屬功
德已今謂十四十五可爾此願不然可是大義門功
德攝經論分明學者應解

第十七諸佛稱揚願

設我得佛十方世界無量諸佛不悉咨嗟稱我名者不
取正覺
初願意者所見土中或有教主不為諸佛所悉讚
嘆或有教主廣為諸佛被咨嗟故名聞十方
法藏便欲名稱普聞利眾生故選擇此願攝佛

身也六八願中此願至要設彌陀佛有超世願若
無此願何聞十方我等今值往生教者偏此願恩
善思念之次諸師解者義寂云諸佛同讚名字願慧
心云為諸佛讚云自餘諸師名目雖異其意亦同三
解文者十方等者問澄憲云諸佛同稱讚之群生舉
欣求之乃但釋尊一代對娑婆勸極樂者人師多
釋云宿緣厚故由物機故云未知彌陀機緣十方同
等歟未測十方眾生同有西方緣歟十方一同有宿
緣者此義頗難信又娑婆獨有緣之義專為虛設
若十方眾生必不有緣者諸佛咨嗟之願無用歟此義
可思擇已此疑何通答娑婆即是彌陀如來發心國
故宿緣殊厚物機偏多故處處云娑婆有緣化十方
者亦有緣故謂本願中多云十方為遂此願發願
已後遍至十方與物結緣故諸佛讚有情生也然而
非如娑婆多厚云諸佛等者問為淨穢穢穢答多
分穢土少分淨土例如小經證誠諸佛咨嗟者懷與
云咨者讚也嗟者嘆也已稱我名等者稱謂稱嘆問寶積

經云咨嗟稱嘆我國已相違如何答御廟會云依世俗
門依正雖異依勝義門依正不二故此彼又無
相違也已今謂爾文各舉一意實互通故覺經云
嘆我功德國土之善已義寂云此願得妙聲功德

第十八念佛往生願

設我得佛十方眾生至心信樂欲生我國乃至十念
若不生者不取正覺唯除五逆誹謗正法
初願意者如選擇集及以鈔記宗要等釋云即是選
擇生因之行攝眾生也次諸師解者義寂云攝取至
心欲生願觀經下品下生中云乃至十惡五逆乃臨命終時
乃至具足十念稱南無佛稱佛名故至即得往
生極樂世界準此等文經十念頃專稱佛
名為十念也此言念者謂稱南無阿彌陀佛經
此六字頃名一念又云一念中自然具足慈等十
念已此師意者今願十念與下下品十念同故攝下
下品但除逆者具謗法故法位云此是上三品此中
十念者是依十法起十念非是稱名十念之懷

與云攝上品願有說下品非也證經引與又云有說
此經十念依十法而念非佛名故即彌勒所問十念
是也此亦不然彼經十念既非凡夫非上品三生
所能修故今即還同觀經十念上輩亦修十念無
違故欲說一二等言乃至故又釋願成就文云
而前十念此言一念者最少極多互綺舉故不相
違智光云諸緣信樂十念往生願御廟云聞名信樂十
念定生願若準下品下生文者經十念頃專稱
佛名為十念也真源云十念往生願靜照云念佛往
生願至觀經說五逆往生雙觀經引一類往生以
勸其心此說決定誓願不取不定者已此諸師
中法位玄云非稱名此義有違願成就失
自餘諸師除照雖云稱名只限十念是則有捨
一形之過或限上品或限下品此亦相違三輩
等文宗家不爾今之十念但是口稱上盡一形下
至一念通于三輩攝於九品莫不皆往云云
解文者十方等者但限穢土不通淨土攝凡願

故不除十惡破戒人故所言衆生廣通善惡男女衆機問若通女者三十五願招繁重過答有云女人障重故從總開別也云今謂不爾此願攝行而非攝機彼別攝機而非攝行女人障重別發一願攝女機也至心等者行者安心觀經三心如觀經釋云此經三心即同本願三心爾故至心者至誠心也信樂者深心也欲生我國者迴向發願心也其三心相如疏及記云今至心者存略爲言故無誠字三輩文中具云至誠與觀經同今信樂者約信相觀彼深心者約信分齊今欲生者當彼發願然不言迴向者下舉行時迴向自備故成就云云至心迴向言迴向者迴所修善向極樂故故觀經云迴向發願願生彼國又云以此功德迴向願求生極樂國已除此以外更無別體問信樂義何答信謂忍許樂謂愛樂如光記云信亦有二種一忍許相或名信可一名異義同一欲樂相或名信樂或名信愛一名異義同又百法論疏云云何爲信實德能深

忍樂欲心淨爲性能治不信樂善爲業上準此等文可以愛樂爲深心主如聖道人於淨土教雖有忍許無愛樂故不欣往生無信果故信不滿足不名信樂於忍許上起愛樂者具足信因及信果故信心滿足是名信樂亦云深心唯識論云忍謂勝解此即信因樂謂樂欲即是信果同述記云樂欲並是欲數樂希境故即是同時信所果或忍樂欲異時因果已問此至心等何心爲體答有云言信樂者當信心所言欲生者即欲心所至誠無體於欲信等起行相故云今謂二心之體可然至誠不爾如傳通記云問可云三心即本願耶答三心雖要別非本願故禮讚中引此願文略三心文知非願體今案經釋具願之行爲往生因離願之行無往生能例如彼云離隨眠業無感有能論然今取生因行爲願體時爲簡不具三心唯行舉此三心若從行論容屬本願離而論之更非本願若本願者即有一願兩體失故乃

至十念者行者起行口業稱名禮讚云本發深重誓願乃上盡一形下至十聲一聲等以佛願力易得往生已從多向少故云乃至亦云下至約其滿數故云十念亦云十聲如婆沙云若過若減皆存大數已故十念言含一念等願成就云乃至一念即此意也問何以得知念是稱名既說云一念明知意念答蓮華谷云次上願云稱我名等次之云念故知稱念云今謂不爾成就文云聞其名號乃至一念已願文何違況寶積云聞我名已覺經云聞我名字莊嚴經云念吾名號亦其證也念者唱義如選擇等云唯除等者唯等八字釋迦所置在正覺下故若法藏語者可在此正覺上如彼十五二十二願除言在上問若爾何故寶積經說十五願云下有性壽量有限量者不取菩提唯除願力而受生者已答異譯不正須依此經

第十九來迎引接願

設我得佛十方衆生發菩提心修諸功德至心發願

欲生我國臨壽終時假令不與大眾圍繞現其人前不取正覺

初願意者所見土中或有佛土由佛迎接即便往生或有佛土雖無佛迎亦自往生無佛迎者多爲邪業而所障礙有佛迎者諸邪業繫無能礙者法藏愍念臨終障礙選擇此願攝順次機也問既以諸行爲佛迎因明知諸行生因本願何云攝機答委細料簡如宗要等云舉要言之爲攝念佛及諸行機而臨終時令心不亂現其人前故云攝機如悲華云諸佛世界所有衆生若發阿耨菩提心修諸善根欲生我界者終臨之時當與大眾圍繞現其人前其人見我即於我所得心歡喜以見我故離諸障礙即便捨身來生我界悲分陀稱讚經云臨命終時無量壽佛來住其前利同之稱讚經云臨命終時無量壽佛來住其前慈悲加祐令心不亂大師云命欲終時佛與聖衆自來迎接諸邪業繫無能礙者故名增上緣讚經及此釋但機既佛力加令正念由正念故即得

往生豈非攝機但言修諸功德等者設雖佛力無因不救故舉諸善為來迎因緣因緣和合必往故然而非是其願體也故莊嚴經云彼命終時來迎彼人不舉諸行即其證也問此猶不明看經文勢舉來迎果勸諸行因例如下十八舉往生果勸念佛因若爾因果俱可願體何捨捨行因若捨因者彼第十八可捨念佛彼既不捨此亦可然答例難不齊謂此願意諸行是因往生是果佛來迎是資因勉果之增上緣然今取緣而為願體不取因果何以外緣例往生果問如為往生之念佛故念佛為體亦為來迎之諸善故應以諸善為願體也答如彼念佛亦為往生之來迎故即以來迎為願體也彌陀願意往生為懷故問法事讚云報體則元來不動已今何來迎答感應道交譬如水月華嚴經云復次佛子譬如三千大千世界大梵天王以少方便大千世界一切衆生各見梵王現在已前亦不分身無種種身佛子如來亦復如

是亦不分身無種種身於一切衆生隨所應化示現其身已自餘諸佛威神尚爾況吾彌陀有本誓乎又台宗有應色遍義况報色耶云次諸師解者義寂云攝取修德欲生願前者苦迫不違念佛故唯專稱十念得生此即容預可兼餘善故具修德方得往生此師未配品位法位云但令發心修福願生皆得往生此是中三品同與又云有說攝上品非也智光云行者命終現前導生願謂修德願生命終佛與大衆現其人前御廟慧心云臨終迎接靜照云臨終現前願釋曰雖聞稱名皆得往生然命終時心多顛倒弘誓大悲不得晏然故與大衆現其前真源云聖衆來迎願欲生彼國佛與聖衆來迎已此中義寂雖兼餘行稱名為正又與師意十八二十既云稱名而屬上下義推此願亦可稱名若爾各招重發失也法位屬餘行未云來迎此違莊嚴一玄不明自餘諸師其義雖殊同名來迎三解文者發菩提心者問為是安心將

起行耶答有云先指安心云苦提心次明起行云諸功德云今謂不爾準宗家者發等二句同是起行至等兩句是安心也若今發心屬安心者招中下輩不預來迎之失故也故選擇集以三輩中菩提心判屬起行豈存異義或通心行謂此願中有多類故亦有發心為安心機故論註云三輩生中雖行有優劣莫不皆發無上菩提之心樂安集問前義不明三十五願說菩提心而為安心今亦可然何云起行答如天台云語言雖同其心則異已至下可知問諸功德句含念佛耶答爾也諸言所表雖互萬行推其元意念佛為長本願行故來迎勝故莊嚴經約念佛行而明來迎又三緣中增上緣文即其證也至心等者何故略信至心欲生從信生故不別說也假令等者不現非實故云假令大衆等者是明所與即是菩薩比丘二衆故大彌陀具云菩薩阿羅漢等今經悲華總名大衆然寶積經覺經莊嚴但云比丘不舉菩薩文不

委也或九品生來迎異故各舉一品來迎相歟謂實積等約中品生大彌陀經約上品問臨終見佛為定為散若定心者何故禮讚云如入禪定聖衆現前已既云如入知非定心何況死生必住散耶若散心者觀念門中引九品生臨終見佛而為見佛三昧之證加之餘願中亦有臨終發定而見佛例答如一邊難散心見也故悲華及分陀利云彼見我已除諸障礙稱讚經云來住其前一令心不亂小經云現在其前心不顛倒既見除顛倒等障豈非散心但觀念門如彼記釋云又餘聖者是誰人耶若師子香菩薩願者其文不謂臨終時散心見佛聞法歡喜後得三昧還是散心見佛之證其得定者見佛後故悲華經說彼願云我成阿耨菩提已十方無量阿僧祇世界中所有衆生若聞我聲發願欲生我世界者是諸衆生臨命終時悉令見我與諸大衆前後圍繞我於爾時入無翳三昧以三昧力故在於其前而為說

法以開法故尋得斷除一切苦惱心大歡喜
故得寶冥三昧以三昧力故令心得念及無生
忍命終之後必生我界悲分陀利

第二十係念定生願

設我得佛十方衆生聞我名號係念我國植諸德
本至心迴向欲生我國不果遂者不取正覺
初願意者所見土中或有佛土攝結緣機令速果
遂或土不然法藏愍念結緣衆生久久流轉選擇
此願攝順後機也委悉料簡如宗要等云取要言
之攝結緣機能促長劫於二生等令速果遂往
生係念故大彌陀云若前世作惡聞我名字欲來
生我國者即便反正自悔過爲道作善便持經
戒願欲生我國不絕壽終乃即生我國
同案此文意居于現世指前前世謂前世聞名
是過去也壽終即生是未來也中間作善是現在也既
互三世知非順次問縱互三世聞我已下可屬
現世答既云欲來生我國者言所表聞名定是

應過去生若如難者言可在作惡下也問大
經釋云上來迎等願中及次三輩文明助念往生諸
行往生已所言等者等取二十既云十九二十願
明諸行往生即知此願亦是諸行生因本願何云順
後攝機願耶答此難非也雖言十九二十同明諸行
往生而十九既名來迎願之二十可有別名
故上文名係念定生不云諸行往生願也若如難
者兩願同是諸行往生之本願耶若云爾者招重發
失彼釋意者雖非願體同有諸行往生之意故云
爾而已次諸師解者義寂云攝取聞名欲生願清淨覺
經云他方人民前世爲惡聞我名字反正爲道欲
生我國壽終皆令不更三惡即生我國此願
位法位云若聞稱讚修得迴向願生者皆得往生此
是下品同云下品又云若諸衆生起願念佛即
生化土故智光云聞名係念修福即生願謂聞我名
繫念我國積諸功德即生我國御廟云聞名繫念
修善定生願乃若於娑婆有決定業者雖念彼

國如何忽往生爲釋此疑故有第二十願由此
故云欲生我國不果遂者不取正覺此意
顯云若於此界有決定業不可轉者雖無順次
生我國土而令順後業定得生矣靜照云欲
生果遂願釋曰雖復臨終現前而未知係念必意
別既云十念往生知不必兼修惡諸衆生行願
不遂菩薩自修不虛佗求以與衆生而發此願
眞源云繫念定生願聞名繫念願生無不果遂
澄憲云此願於衆生廣濟勝前歎縱雖不稱念但
聞名欲生依此願樂遂必得生至此願意趣
雖云植衆德本志但發願爲先乃三心十念皆願上
助成也若發願者必得果遂故最要也問發願
無一行者何時得往生答願必引行全無行者
遂爭得生至問介爾發願尋即忘失况復隔生如水
上沫何會憶念何時引接生先浩然往生無期不果
遂言有名無實歎答凡心微願實少力用實如所
問果遂長遠但不如不發如來悲願加護衆

生如魚母念子不捨少弱乃有心者聞彌陀名
必可發一念弘願必遂往生彼刹普賢十願文深
與此義符合已此中義寂御廟眞源澄憲等師意少雖
殊俱云順後往生願位與一等同爲稱名順次之
願自餘不明難定屬也今之所用御廟義也問有
云諸行往生願云此願願文答妙樂云能解經文豈
過龍樹於一文作衆解佛意多故今亦可然
佛意多故諸師異解不可是非但據宗師各解
本經諸宗通例且如法華或云方便或云眞實
是皆各據宗師之故也然吾大師作唯念佛本願定判
未造諸行本願之釋若二十願諸行生因之本願者
豈如此乎冀諸學者由釋解願文勿以經會釋
非通例之故况看願文如五通願五通雖異說相
一準十八二十俱順次者行體雖殊說相可同
然十八云乃至十念若不生者二十願說植諸德
本不果遂者明知意別依之黑谷判云餘行非本願
也云三解文者即有二門一過現門謂初明過去

次至心下明現在後不果下明未來大綱陀等約二
 現未門謂初明現在一次至心下明未來也於中初
 是第二生等次不果下第三生等約之二門雖殊順
 後是一初文中係念等者欲生心也然懷與云係念我
 國者即往生行也此師今願云念佛願然以植德本者
 顯宿善義故云植也委如宗要云問係念安心德
 本起行心行相須何不順次答如宗要云又或退者
 或不定等退者不定等之二機又感師輕重均等不生慧
 心一念十念不定如此等類雖有心行成順後機
 皆乘此願於三生等果遂宿願風聞天下幼稚
 小兒臨終往生即此類耳凡於宿善或有係念而植
 德本或復有無係念宿善此通淨土強弱雖殊
 皆成下值遇此教之因此願宿善局係念善故云
 係念果遂等也問所言德本為局機熟將又為
 通順後生因答私云正在機熟如向傍通生
 因一定亦應有順後業之故例如別時意之遠因願
 行雖殊遠因是同今攝順後生因之機令速果遂

無量壽經鈔卷第三畢

昔係念故意尚在機非關業體然而正因遠在過
 去今生心行助宿因耳云次文中迴向等者迴向狹
 善雖有願行非順次願準向可知上來三願委
 悉料簡在宗要等故不重釋七四十七

無量壽經鈔卷第四盡第四十八願

望西樓沙門 了慧 述

第二十二相願

設我得佛國中人不悉成滿三十二大人相者不
 取正覺
 初願意者所見土中或土衆生具四八相或土不具
 法藏慳念醜陋衆生選擇此願攝衆生也依此
 願故衆生者皆具諸相不假修得如慧心云
 相好彼土生得果報略抄具問具足此相為華開
 後將為前耶答不待華開是生得故問何必四八
 不多不少答觀佛經說應佛相云同人相故上今亦
 可爾爾同輪王故云大人相又大論云佛以三十二
 相莊嚴身者端正不亂故若少者身不端正若
 多者佛身相亂上已次諸師解者感師云三十二相義寂
 云令具諸相願已自餘諸師名目雖殊其意大同三解
 文者人天者寶積覺經同云菩薩三十二者大彌陀

經云三十二相八十種好已餘譯之中不說好也

第二十二必至補處願

設我得佛他方佛土諸菩薩衆來生我國究竟必至
 一生補處除其本願自在所化為衆生故被弘誓
 一積累德本一度脫一切遊諸佛國修菩薩行供
 養十方諸佛如來開化恆沙無量衆生使立無上正
 真之道超出常倫諸地之行現前修習普賢之德若
 不爾者不取正覺
 初願意者所見土中或有佛土菩薩多經十地階次
 從一至一或土不然菩薩皆悉超至補處法藏比
 丘慳諸菩薩不至補處選擇此願攝菩薩也前
 對凡夫發漏盡願今約菩薩立超證願機益雖
 殊意趣是同問千手經云我於是時始住初地
 一聞此呪超第八地上法華亦有八番增損如
 止觀云若是六根淨位進破無明是相似發若更增
 道損生亦是證發此約圓家論入不定輔行釋云
 相似發證故云相似證發於證復發故云亦發至乃

次第增進名之爲定若超證者名爲不定已依此等文設非本願有如此超若爾今願有何要耶答此土少分彼土全分不可比校況彼千手但至第八法華增進多非補處西方不爾生彼菩薩除其願外悉至補處豈非佛願難思益耶加之起信論云或示超地速成正覺以爲怯弱衆生故或說我於無量阿僧祇劫當成正覺以爲懈慢衆生故能示如是無數方便不可思議而實菩薩種姓根等發心則等所證亦等無有超過之法以一切菩薩皆選三阿僧祇劫已依此論文超證多劫俱是方便若論實者皆經三祇若不依託佛本願者爭速超入等覺位耶問入初地時證得平等法界之理根無利鈍如台宗云眞修體顯即無差降初指住若爾何有願無願別被除取耶答證平等理其根雖等或依意樂或酬往因有超次別例如諸佛所證平等願有異也其意樂者釋迦阿難同時發心阿難常樂多聞故未成佛道釋迦常勤精進

故今日成佛今願亦爾例而可知以此義故楞嚴先德引此願文卽爲意樂不同誠證而立超次不同之義云其往因者如疏記云乃至本門位登無垢不差不差毫末稱其往因已法身菩薩尋本緣佛應生界內爲助佛化弘通經典以通經故有熟他益由利他故化功歸己自行增進然其機緣有或多或少故歸己之益亦有淺深由淺深故或有超證或有次第台宗一義若準此義以尋本緣可名本願然此菩薩於他方者或容有超今所除者淨土超也云雖有二義初親願文學者思擇又鸞師釋此願文云案此經推彼國菩薩或可不下從一地至一地言十地階次者是釋迦如來於閻浮提一應化道耳他方淨土何必如此已此釋者經歷十地以屬教門超證十地以爲實義若爾法藏對應佛教門願報土實義問一佛所主淨土何有多補處耶答大論七云問曰若彌勒菩薩應稱補處諸餘菩薩何以復言紹其位

者答曰是諸菩薩於十方國土皆補佛處已準之可知故略記云一生補處者或有補處過利塵劫成佛無期如文殊等或不久成佛如賢劫諸佛故知但約斷惑證理隣近妙覺名爲一生不約時分遠近差別彼土菩薩速成佛者理應往他方隨緣國土耳已次諸師解者義寂云令至補處願玄云願衆生德滿已此之兩師廣解一生補處之義恐繁不載欲知往見澄憲云一生補處種種義全非此願要除本願者示現下位義全不叶經意此師總不悟願意許歎此願高勝也謂心可思其故者法身菩薩進道不定或從生身佛邊或於法性土此中多專可在法性土身相說法俱可勝界內故然應來界內菩薩聞應佛說法增進此事可爲希彌陀願力獨殊勝來生彼國菩薩於此國必至一生補處位豈非最勝願哉法身大士普現三昧之力一時遍十方淨穢土聞諸佛說法而於極樂必至增進實是佛願力奇特也餘佛利益理須似無

力歎除其本願等者此文地住以上菩薩意樂不同誠證也慧心先德以之證誠住上超次不同義佛願力實雖爾菩薩意樂又不同故爾下位不樂增進之人乍在彼土必不至一生補處也乃自餘諸師同云補處而未細判又玄一師從二十一至第三十同名衆生德滿願斯中憲公其義甚深但身土相不同宗家三解文者諸菩薩者分陀利莊嚴同云衆生今菩薩者唯限地上不通三賢至下可知一生等者指等覺生名曰一生故華嚴云一生補處住灌頂位灌頂位者或等覺又法華云餘有一生在當得一切智已自在所化者是指菩薩化物之德名曰所化以次下云爲衆生故被弘誓鎧者如法華者或云當著忍辱鎧或云被精進鎧所譬不定今譬悲願入迷情障可被大悲誓願鎧故遊諸佛國者靜照云文有二意一者從他方遊諸佛國由本願故雖至極樂不至補處二者從法身地遊諸佛國已菩薩行者六度等也下去亦

爾超出等者問爲補處德將約所除答舉補處德謂依佛力超越常人所逕十地故然憐與云常倫者即凡夫之屬故諸地亦初劫之地已此釋意者超出三賢一僧祇劫證入初地名補處歟然看經文所除菩薩必是地上有願故除若無願者必可攝之令至補處以之準知所取菩薩亦是同位等行大聖又大乘補處常約因滿今願補處何違常途問地上菩薩自然流入薩婆若海佛何悲傷捨凡入聖大事因緣佛最可利上品益即其義也答地上雖有自然之義而於七地有大怖畏佛何不感如論註云菩薩於七地中得大寂滅上不見諸佛可求下不見衆生可度欲捨佛道證於實際爾時若不得十方諸佛神力加勸即便滅度與二乘無異若往生安樂見阿彌陀佛即無此難已以此義故攝大聖時有此願也捨凡入聖攝凡願益非今願意彼上品益未名補處不足爲證普賢德者在華嚴經如序分引此十大

願非局自願總發一切菩薩大願有誰菩薩不修習之普賢有二一理普賢如理趣分云一切有情皆如來藏普賢菩薩自體遍故二事普賢如法華云普賢菩薩以自在神通力至從東方來普賢經云普賢菩薩乃生東方淨妙國土已今此願文就事爲言問普賢爲是法藏已前若爾何故久居因位答大智門時新新成佛大悲門日永不成佛如觀音等云

第二十二供養諸佛願

設我得佛國中菩薩承佛神力供養諸佛一食之頃不能徧至無數無量那由他諸佛國者不取正覺初願意者所見土中或土菩薩遍供諸佛或土不能自在供佛法藏愍念於佛行未得自在之菩薩故選擇此願攝菩薩也案起信論解行發心之中不說供養諸佛證發心文始說一念供養十方一切諸佛然而觀經上中上下於三賢位歷事供養十方諸佛非佛力者解行菩薩豈一食頃自在供

養無數佛耶次諸師解者義寂云令奉遍侍諸佛願懷興云承力供養願已自餘諸師名目雖異承力供養之義大同又澄憲云上神境通願中於一念頃下至不能超過百千億那由他諸佛國與今願有何別答上衆生自力下教主加被是爲差別又問以自力一念至無量佛土理須供養又蒙佛力供養佛供佛是同別時可供養歟一時之中兼二義歟答上只顯身通力用一念超過德爲事未云供養今別顯供養之德也差別顯然不須疑問至諸凡夫生彼土忽蒙佛力一念供養無量諸佛豈非勝願乎但既云菩薩若不令被初生凡類歟可思之三解文者國中菩薩者問爲是何位答難知恐三賢歟十地自有供佛德故不勞佛願或復可通十信位歟問莊嚴經云所有衆生悲華分陀又小經云其土衆生供養他方十萬億佛抄何局菩薩答諸譯之中此經爲正本願分別專應依之四十八願所對各別攝菩薩時始有此願非對一切以益互通不

可亂於所被機分故小經文不闕此願若是神通之所致歟然觀經中三賢供佛正當此願一食頃者寶積經云每日於晨朝供養至即以食前還到本國覺經云日未中則還悲華云於一食頃供養於佛於食頃還悲華今願文略還本國也

第二十四供具如意願

設我得佛國中菩薩在諸佛前現其德本諸所欲求供養之具若不如意者不取正覺初願意者所見土中或土菩薩雖欲供佛不得供具一如常啼等或土菩薩供具如意法藏愍念無供具而不遂心願選擇此願攝菩薩也言供具者依願成就及莊嚴經一香華音樂幡蓋四事以此等具供養諸佛而植德本但覺經云諸菩薩欲飯時則七寶盆中生自然百味飯食在前食已盆皆自然去同此說自身飯食如意非今願歟然而義寂引彼證之若通自供供他二歟更可思擇次諸師解者義寂云所求供養具如意願清淨覺經云所引自

餘諸師名目雖異其意大同云云三解文者現其德本者如云云其所求名華香等之供養具名為德本以下衆功德由供養而起故言德本彼安樂國菩薩隨樂現前供養之具若不爾者不取正覺又澄憲云持本土供具如意供養他方猶為勝況在諸佛前現自福力得所欲供具哉已兩師少別在文可見

第二十五說一切智願

設我得佛國中菩薩不能演說一切智者不取正覺

初願意者所見土中或土菩薩雖能說法未順佛智或土菩薩願入佛智說一切智法藏惑念淺智偏說選擇此願攝菩薩也彼土風俗水鳥樹林皆悉說法是則為令新生人天增進佛道依報尚爾況正報是故菩薩必可說法說法若不順佛智者定有違失故發此願而已澄憲云尋云極樂教主現轉法輪音聞一國彼土衆生不遑聽法何際菩薩

薩又說法乎答試決之能化說法實遍一國菩薩說法然何有妨水鳥樹林猶唱法音聞者得益釋尊在世聲聞菩薩處處說法是則機緣無定佛亦許之極樂如此近佛邊者聽佛說法遠住之輩相從菩薩經行遊戲何不說法是然化主鑿機聽之菩薩趣緣化之抄次諸師解者義寂云說一切智如佛願清淨覺經云我國諸菩薩說經行道不離佛者我不作佛真源憬興云說法慧勝願約能說玄云演說一切智之境故悉演說證不二理甚深般若此師似自餘諸師大都不出寂興之意今依寂意三解文者菩薩者大彌陀云菩薩羅漢悲分陀利云衆生問何位菩薩答曰知或可地前所以者何地上菩薩分證法性設無佛願應說佛智何發此願如地前者未證中道雖然說法不順佛智只乘佛願願入佛智以順入故說一切智全同地上故寶積云說諸法要不善順入一切智者不取菩提莊嚴經云成就一切智慧善談諸法秘要之義已但

第二十六那羅延身願

設我得佛國中菩薩不得金剛那羅延身者不取正覺

初願意者所見土中或土菩薩身力堅固能持心力或土菩薩不具身力故非容持大心力器法藏惑念不具身力選擇此願攝菩薩也夫有情身執受色故色心相依不離而住身有苦樂心必憂喜心有憂喜身有損益隨心力分亦有色力身心二力若不齊者豈有相持乎如俱舍云大德法救說諸如來身力無邊猶如心力若異此者應不能持無邊心力已彼土菩薩亦復如是依佛願故具佛心力願是也若無身力難持心力故有此願靜照云一切智智須依勝身即是法身或是生身不可破壞已問如來二力若齊同者何故婆沙云心力雖無衰退身力即有衰退耶答二力雖等異熟果報先業所感故有衰退問淨土身力亦可然耶答彼土不爾佛願力故次諸師解者感師云得那羅延

今經中舉所顯能而已或復可通七地已前此之菩薩未證淨心故發此願令彼同於淨心說法一切智者問為是三智中一切智答不爾總指佛智一名一切智故大彌陀經云說經行道皆如佛既云如佛如來說法豈限初智又悲分陀利云皆說佛藏悲華又大般若說一切智智云一切智道相智一切相智云三智總名一切智智即是佛智今單智者從略言也澄憲云一切智之言未審定道理不必三智之中一切智歟寂師所引清淨覺經文說法行道不如佛者云佛何一切時說初智哉已問三智體何答大論二十七云道種智了諸法別相又一切智是二乘諸法總相一切種智了諸法別相又一切智是二乘事道種智是菩薩事一切種智是佛事又理趣分疏云觀空性智名一切智即正體智觀有智中分之爲二一觀無漏道名道相智二觀所餘法相相者相狀差別之相即後得智此智觀無漏道名道相智觀所餘法名一切相智一切種智分為二故

力義寂云令得堅固身願金剛取其體堅那羅延取其力固彼土菩薩體力堅固不可破壞憬興云身得堅固願已自餘諸師大都亦同又澄憲云上悉成滿三十二相備此相人身力不可如凡人輪王獨覺大覺身力皆殊勝展轉相勝蓋是身備相好故也然別立此願者何心哉答三十二相中以身力體堅不爲其數故別立此願歟已三解文者菩薩者即是未證淨心菩薩地前及以又悲分陀利云一切衆生金剛等者金中精牢名曰金剛是則堅密不壞之物以譬體堅異譯等中闕金剛譬那羅延者此翻勝力亦云堅牢天上力士方是故同得那羅延名以譬力固俱舍論云凡象受用象香象戰時用摩訶諾健那神名此云鉢羅塞建提亦是神名鉢羅此云伐浪伽亦是神名遮怒羅亦是神名那羅延後後力增前前十倍有說前六十倍增歟那羅延半身之力此力一倍成那羅延已又云有說佛生身力等那羅延有說佛身支節一皆具那羅延力大德法救說諸如來身力

無邊光云上來總有三說如來身力論王評取法救所說故言於三說中唯多應理上然今願中且舉分喻未必校量問莊嚴經云所有菩薩身長十六由旬得那羅延力已此文不明所化身量可與其土教主相應上例如此土教主丈六所化四肘今何能化所化身量大增大減答諸土行相不一準不可例難義寂云上來九願能得一切所求滿足功德以下衆生所取樂一切能滿足上故

第二十七所須嚴淨願

設我得佛國中入天一切萬物嚴淨光麗形色殊特窮微極妙無能稱量其諸衆生乃至逮得天眼有能明辯其名數者不取正覺
初願意者所見土中或土衆生所須萬物處惡乏少或土人天所須諸物善妙甚多法藏愍念所須處乏常懷愁憂選擇此願攝衆生也問何以得知是攝生願既云萬物嚴淨極妙知攝土願故寶積云周遍國中諸莊嚴具大彌陀云令我國土自然七寶等悲華

經云世界莊嚴利同之諸經皆爲國土莊嚴答文中先舉能須之人而云人天其萬物者人天所須嚴身等具如大彌陀云所居舍宅被服飲食同成就文云華衣服火妓樂抄此等所須名萬物也既以萬物被于人天豈非攝生但異譯者舉其所須而顯能須故不相違次諸師解者義寂云令物嚴淨願此願能得四種功德謂量形種種事觸此文云攝衆生願若爾今且約所法位云願物絕倫上文云憬興云攝自須遊歟
土菩薩願又云光色特妙願智光云殊秘珍彩嚴飭絕妙願至此一願就人天衆御廟云天人莊嚴深妙絕妙願靜照云嚴淨無量願釋曰不止身體須嚴萬物願真源云萬物殊妙願又云萬物嚴淨無稱量澄憲云彼國莊嚴皆酬佛願力四十八願莊嚴淨土蓋此意也故佛福力無量所感莊嚴隨無盡也一光明一名數實可無限量如彼天帝宮羅網互浮光無齊限自在天子寶女樂聲中又出聲無限量有漏十善所感猶爾無漏萬德所現誰辯名數此願總顯依

報國土極妙耳已此中位源憲等之師屬國土願若爾與彼三十二願有何別耶故非所用三解文者分文爲三初舉能須人是則爲攝生義也次一切下明所須萬物於中亦二初明體相勝次其諸下明名數多餘文可知義寂云四功德攝如上引今云或是受用功德之攝所以知者大彌陀云飲食自然願成就云飲食盈滿故或亦所求滿足功德之所攝也

第二十八見道場樹願

設我得佛國中菩薩乃至少功德者不能不見其道場樹無量光色高四百萬里者不取正覺
初願意者所見土中或土凡聖不見緣道樹以不緣故難得勝益或土凡聖不見得益法藏愍念不見道樹選擇此願攝凡聖也問彼土凡聖皆具神通設無此願何不見菩提樹乎答如此土教主觀禮道樹者成道之初七日諦觀其德勝故也極樂亦爾於依報中道樹最勝雖得神通難知

見見聞覺知但依佛力如澄憲云佛樹高遠也衆生不能見極之依如來別願必知見已緣道樹者六根清徹亦證法忍蓋斯樹德抑亦佛力而已次諸師解者義寂云道場高勝願此能得三種莊嚴中地功德以最勝故別說法位云願少功德者增上憬興云攝菩薩願見道場樹願照真智光云見菩提無量光色願又云此之一願就一切衆御廟云菩薩皆共見道場樹願已三解文者少功德者問爲是菩薩將爲人天若人天者實積經云諸菩薩中有善根劣者若不能知不取正覺已若菩薩者既云乃至少功德等乃至之言所表明知菩薩之外況願成就云彼國人天見此樹者得三法忍已答順後句答如智光云言乃至者指聲聞衆少功德者即是人天上凡案道樹彼土道樹豈隔人天但異譯者彼經之中不非凡聖云菩薩等非適今願智見等者知則意見見今舉初後顯中間四願成就文具說六根云道場樹者依悲華經

則菩提樹之異名也案西域云前正覺山之西南行十四五里有畢鉢羅樹佛坐其下成一正覺故名菩提樹現諸神變施作佛事準之彌陀坐此樹下成一佛道故名道場樹悲華經云於此樹下坐道場時於一念中成一阿耨菩提已即其義也高四百里者諸譯不同謂寶積云高百千由旬已此與今同所以者何言百千者即十萬也西域云舊傳一踰繕那四十里矣印度風俗乃三十里聖教所載唯十六里已依舊傳者十萬即是四百萬里故不相違然彼經願成就文云高十六億由旬合本願文十五億倍似前後違或百千者只舉數多不必十萬故不相違願成就文又悲華經云縱廣正等一萬由旬已言縱廣者東西南北名爲縱廣非高名縱又悲分陀利云高十千由旬已量同悲華橫高亦異又莊嚴經願成就云高一千六百由旬已如是異說譯人見別不須和會問此道樹量與佛身量不相應也答此事難知玄一會云觀經所明佛約他受用門而顯

一〇六

殊勝此經所明樹約變化邊故無相違謂若變化身者短於樹故云佛德不可思議彼廣長身蔭於一尺樹於佛非難況四百萬里者也云此云四百萬里者佛頂已上去佛足量若辯佛身相稱之長即是六十萬億那由他恆河沙由旬有餘四百萬里也亦可彼佛尺出於所計四百萬里已上要集一說此三義中亦可已上第一全同憬興自義第二義似與師所破彼破文云若爾所餘宮殿不應各稱其形大小故上今謂初義未盡理也本願之中既有壽光無量之願知非化身何至此願更約化身第三之義亦未了知諸文之中無能別言何恣云約佛頂已上然第二義強無失歟法體融即故佛事難思故淨名室內誰云不爾經千歲野干入丈車尺塚見佛力耶又義寂會云佛事難思不可以世情測然以一途求其相者由旬與里隨方不定乃觀經由旬仍依此方爲初業習觀說彼佛量故若不依此方量數如何知佛身大小此中里者

依彼方說此經說觀非爲初業故直依彼數量而說若不爾者如何頂光如合十方恆沙世界之佛身量而得宿坐一萬由旬之樹下也若固執云四百萬里依此方里亦應相好光一尋者依此問尋便違經說頂光之量是故不可隨文局定已今謂此未決定所以者何下卷經云菩薩光明照二百由旬有二菩薩最尊第一威神光明照三千大千世界已所言由旬若約彼方有二菩薩光最劣失大千世界者必此方故又說菩薩所散華云其華周圍四百里者如是轉倍乃覆三千大千世界已所言里數亦約此方若不爾者何次下云轉倍大千耶加之說彼邊地壽量云五百歲異譯中云此間五百若爾此經所指數量多約此方道樹數量何定彼方例如慧心以佛身量證時劫也或明數量若不定者雖非此經亦引證於義不違又靜照會云機見不同功德淺深不須和會已義寂云地功德攝今謂知見爲願體故猶是所求滿足攝也

無量壽經鈔卷第四

一〇七

第二十九得辯才智願

設我得佛國中菩薩若受讀經法諷誦持說而不得辯才智慧者不取正覺

初願意者所見土中或土菩薩雖讀經法不得智辯或土菩薩依讀誦等即得智辯法藏愍念雖疲讀誦不不得智辯選擇此願攝菩薩也澄憲云我等生在釋尊末法雖值遇若干聖教雖卷舒讀誦全不解深義不發智慧如虫食木牛聞琴蓋是不由佛別願住自智力故歎彼國衆生讀誦經法即得智慧辯才誠奇妙也先發慧次得辯辯即慧德也無智慧者不可得辯才不可相離故上問大彌陀云使某作佛時令我智慧說法行道十倍於諸佛已此約教主與今相違答餘經同今彼經獨異譯人見別恐難爲正或推功歸本而約教主歎前義爲正次諸師解者義寂云受法令得辯慧願與云四辯無礙願已自餘諸師名目雖異其義大同三解文者菩薩者實積經云衆生悲華下分陀利同之受

讀等者五種法師中舉四種而闕書寫問淨土爲有經卷耶若言有者穢土在世尙無色經彼土教主常住說法何有經若言無者今願文云受持讀誦實積經云讀誦經典知有經答經文分明有何異義彼土精華莊嚴無盡於中何無黃紙朱軸彼雖無閣說有燈火是爲滿足其莊嚴也今亦可爾設雖在世並在色經有何失耶然此土中多分雖無少分即有故光記云已上三論佛在世造已言三論者一集異門足論二法蘊足論三施設足論準之應知又解彼土不可有經卷如來常住而說法故但言讀者未限向文亦通暗誦故玉篇云讀者誦也沙彌經疏云誦者讀也若爾今文言讀誦者受讀他言諷誦者自暗誦也覺經說此願成就云諸菩薩悉皆却坐聽經聽經竟則悉皆諷誦通利已問何無書寫答準向二義有無可知辯才等者即四辯也謂一法無碍解緣能詮法名句文身二義無碍解除名句文緣所詮義三詞無碍

第三十智辯無窮願

設我得佛國中菩薩智慧辯才若可限量者不取正覺

解緣諸方域種種言詞四辯無碍解緣應正理無滯碍說此無滯碍名之爲辯及緣自在任運現前定慧二道由有道故善應物機能無滯碍道是辯因亦名爲辯云智慧者光云決定名智簡擇名慧已慧與疑俱簡擇推尋諸法理趣乃成疑故智能決定其理趣故今言智者一切智等之三智歎三智如前已辯

國聖衆就同位等行隨分無其限量歎已次諸師解者義寂云慧辯令無限量願大同三解文者菩薩者大彌陀云諸菩薩阿羅漢已智辯等者實積經中但說辯才大彌陀經單舉智慧此譯者略今經具明以爲妙說又大彌陀兼舉光明莊嚴經云或樂說法此舉智辯之作用耳義寂云此二願得受用功德能令愛樂佛法味故

第三十一國土清淨願

設我得佛國土清淨皆悉照見十方一切無量無數不可思議諸佛世界猶如明鏡觀其面像若不爾者不取正覺

初願意者所見土中或土依報不清淨故不現十方或土莊嚴清淨如鏡十方佛刹於中而現法藏欲令國土清淨選擇此願攝國土也問莊嚴經云所居佛刹廣博嚴淨光瑩如鏡悉能照見無量無邊一切佛刹衆生觀者生希有心不久速成阿耨菩提已既云衆生觀者成佛知攝生願故智光屬

攝菩薩願一答寶積悲華分陀利等同約國土諸師亦云攝國土願不可異論但莊嚴經者如鏡見刹是其願體衆生已下因舉見者得益之相故不相違智光解釋恐難依用次諸師解者淨影云攝淨土願義寂云國土光色徹照願此願得妙色功德法位云願國界嚴淨玄二十一同一國土嚴淨憬興云形色功德願智光云淨如明鏡照見十方願又云就菩薩願靜照云土如明鏡願真源云徹見十方願澄憲云上有天眼徹視之願是約能見衆生之德今有猶如明鏡之願理須約國土之德但所願顯現諸土之相乃顯虛空歟顯地面歟顯宮殿歟顯寶樹歟可思之若非此等相徹見他方者與眼德似無別已三解文者清淨者彼土莊嚴皆有光明故云清淨照見十方者問爲以光緣而見中十方將爲諸土於光中現故見之耶答願後句答例如勢至寶冠中現十方國土是故今經及寶積經同譬鏡像悲華亦云而於中現悲分陀利又寶樹觀云是寶蓋中

映現三千大千世界一切佛事十方佛國亦於中現同疏云四明寶蓋圓明內現三千之界至五明十方淨土普現蓋中已又往生論云宮殿諸樓閣觀十方無礙同註云宮殿樓閣鏡納十方已如此等說此願成就以一察萬但樹觀亦諸佛世界者問爲通淨穢將限一種答願前句答寶樹觀文亦其證也又見論註可俟次下問何功德攝答寂云妙色與云形色此當第四形相功德以此兩師按論註文其義不然彼二德中不言照見十方刹故今謂地功德攝如論註云莊嚴地功德成就者至此莊嚴事如淨明鏡十方國土淨穢諸相善惡業緣一切悉現彼中天人見斯事故探湯不及之情自然成就

第三十二國土嚴飾願
設我得佛自地已上至于虛空宮殿樓觀池流華樹國中所有的一切萬物皆以無量雜寶百千種香而共成嚴飾奇妙超諸人天其香普熏十方世界菩薩聞者皆修佛行若不如是者不取正覺

初願意者所見土中或有國土所有依報非衆寶之作亦無有妙香或土依報以衆雜寶而嚴飾之亦帶妙香法藏欲令國土莊嚴香具足一選擇此願攝淨土也如澄憲云淨土功德彌妙彌奇也其故者穢土之習金銀未有妙香沉麝未有妙色珠玉者只以光爲寶沉檀者只以香氣爲寶而彼國土莊嚴雜寶而即究香也究香而即有光暉實可謂奇妙蓋是法藏比丘因行帶清淨光明之上具法界萬德之香色香具足未曾闕減故衆寶具足妙香芬馥聞水樹之音者皆開悟道理又嗅香之人可增妙行如香積佛土而已已問既云菩薩聞之修行知攝生願故智光屬攝菩薩願答色香合成以爲願體聞者等者舉其香德非顯攝生故異譯等但說香熏不明聞益智光所解用否在時問莊嚴經云我所居寶刹所有菩薩以百千俱胝那由他種種珍寶造作香爐下從地際上至空界常以無價栴檀之香普熏供養十方諸佛寶積經云衆

寶香燈香氣普熏已相違如何答異譯參差非適今也况復彼土莊嚴無量豈無香爐故別舉耳次諸師解者淨影云攝淨土願與義寂又云國土嚴飾妙願法位云願宮殿寶飾憬興又云莊嚴功德願智光云衆寶妙香合成宮殿願又云就菩薩願靜照云香熏十方願釋云土如明鏡亦須馨香真源云妙香合成願所有萬物百千種香合成三解文者大分爲五初舉莊嚴在處即是地上虛空而闕地下次宮殿下明地空所有莊嚴三皆以下明一一莊嚴色香具足四嚴飾下比校顯勝五其香下別舉香德第五段中十方等者可通淨穢香熏不可隔穢土故機緣不可限淨土故又其香氣雖通自土且舉他土令識自土菩薩等者或通凡夫機熟不可限菩薩故今文就勝但舉菩薩義寂云此願得三種莊嚴功德謂地水空并雨功德性功德無諸難功德通上諸願得此等諸願能是慈悲善相應故皆能令得無惱害故上三十二願得國土莊嚴

功德竟已此釋意者此之一願得諸功德謂經虛空當虛空功德經宮樓樹當地功德經池流華當水功德經香普熏當雨功德國中萬物則正道大慈悲出世善根生故當性功德莊嚴奇妙無違奪事故當無諸難功德也上三已下總結諸願謂上諸願總攝十七種功德竟

第三十三觸光柔軟願

設我得佛十方無量不可思議諸佛世界眾生之類蒙我光明觸其身者身心柔軟超過天人若不爾者不取正覺

初願意者所見土中或土教主雖有常光未施光攝或土教主無邊光用照益十方法藏菩薩欲以下光明攝化十方選擇此願攝眾生也如禮讚云彌陀世尊本發深重誓願以光明名號攝化十方已名號化導指十八願光明攝取指今願也問與第十二有何別耶答總而言之彼攝佛身此攝眾生是其異也別而言之就彼佛光有二願

別謂十二光體十八光名今願光用以此義故若有稱名之眾生者名體不離而施光用攝取護念片時不捨故禮讚云唯有念佛蒙光照當知本願最為強往生論云稱彼如來名如彼如來光明智相如彼名義觀經云光明遍照十方世界念佛眾生攝取不捨言不捨者非令念佛行者不退只是攝護片時不捨說名不捨觀念門云彼佛心光常照是人攝取不捨念緣文即其義也又十二是緣十八是因今願化益故黑谷云光明之緣名號因緣和合而蒙攝取不捨之益故禮讚云若以願行來收非無因緣至光明名號攝化十方抄當知不捨光益局在念佛別願益故不通餘行黑谷又云因緣和合攝取不捨光明常照不捨信心彌增長眾苦悉消滅臨終之時自來迎接抄因緣合時光益如斯因緣若分離不捨益焉在譬如油盡火即滅也問覺經云見我光明莫不慈心作善來生我國不爾者不作佛大彌陀今何不說往生益耶答此亦不違謂文雖略義必有故例如第十九願而已

令機柔軟之本意者為往生故因熟果成必然理故舉因顯果也次諸師解者義寂云光明攝益願大位位與云蒙光獲利願玄云願光普益智光云光明觸身得勝柔軟願御廟靜照云光明柔軟願真源云觸光柔軟願澄憲云光明攝取之文冥利益也故人不知之只仰冥利如大鵬影覆其子已三解文者蒙我光明者實積如是約冥應大彌陀云見我光明覺經是約顯應冥顯雖殊光益是同身心柔軟者準成就文三毒消滅得三善根今柔軟者且舉無瞋而顯餘二得此無瞋名為心軟心無瞋者七支不犯十惡加行故云身軟無貪無癡準之可知念佛行者皆由三毒故云身軟無貪無癡準之可知念佛行者三業惡行隨分微薄常懷慚愧是光照驗或前五識名為身也超過等者既得柔軟豈同常人義寂云此願得莊嚴佛功德中身業功德已此義可爾論註下釋身業功德云眾生見阿彌陀如來相好光明身乃至身業繫縛皆得解脫已此當身軟今謂亦得心業功德故同註云是諸眾生若遇阿彌陀如來平等光

第二十四聞名得忍願

照若聞阿彌陀如來平等意業至乃意業繫縛皆得解脫已此當心軟
設我得佛十方無量不可思議諸佛世界眾生之類聞我名字不得菩薩無生法忍諸深總持者不取正覺初願意者所見土中或土眾生雖聞佛名未得無生或土眾生聞佛名字即得總持法藏惑念聞名空過選擇此願攝眾生也問以聞名力豈得無生答佛願力故如十住論云過去無數劫有佛號海德今現在十方各得成正覺皆從彼發願聞名定作佛已餘諸佛名尚以如此況吾彌陀有超世願又雖云聞必有起行例如大師釋次下願聞名而云稱佛名也如彼勢至菩薩等者念阿彌陀佛此通入無生忍今亦可然以念佛故得無生忍非是但聞約凡夫者必可稱名若許菩薩未必念佛謂聞名者舉所歸體於起行者應不定故問此願所被為凡為聖若言凡者

所得之益既足菩薩法忍總持能得之人豈下凡耶是故異譯實皆云菩薩若言聖者總看願文衆生之言皆被凡夫何至此願忽改詞乎故智光云就人天願已答應是攝凡既於所得云菩薩忍若機法俱是菩薩者豈置能別之言而云菩薩等耶當知凡機得聖法也但異譯者如此相違非適此願譯者見別不須和會或從入聖後名菩薩也一義云可攝聖願如一邊難但衆生言通凡聖故菩薩之言簡異聲聞無生智故故不相違云澄憲云問彌陀名號得法忍總持之人何國誰人哉答有機有緣之人得之不可疑一經其耳衆病悉除亦何土誰人哉五濁惡世無機無益盲者常聞何疑日光乎此義不可限彌陀之願上次諸師解者義寂云音聲攝益願法位云願聞名者得無生忍益玄一已下四願同名名普益願憬與云聞名得益願又云法忍總持願已自餘諸師其義大同智光云聽我名字證無生願又云就人天衆願又云六往生作聖願謂十方界

修善欲生皆使來生而作菩薩與第二十四願相似已三解文者衆生等者莊嚴經云聲聞菩薩已無生等者問所得無生在何位耶答玄一云言無生法忍者初地無生忍凡言無生法忍者基云由無法教而起忍可心故言無生忍也憬法師云無生忍者顯人空智無生法忍者顯法空智上法空亦可在地上故可初地也問莊嚴經云聞我名號證無生忍成就一切平等善根住無功用離加行故不久令得阿耨菩提已既云無功用知證第八地答對于地前指於地上云無功用一如妙樂云前云功用無功用即約地住前後已或初無生者顯初地也次成就下次第增進至無功用後不久下至佛果

第二十五女人往生願

設我得佛十方無量不可思議諸佛世界其有女人聞我名字歡喜信樂發菩提心厭惡女身壽終之後復爲女像者不取正覺

初願意者所見土中或有淨土不攝女人或有淨土亦攝女人法藏惑念重障女人選擇此願攝女人也問第十八願通接男女今何重發答彼法此機更非重發委如前釋大經釋云付此有疑上念佛往生願不嫌男女來迎引接誓即互男女繫念定生願亦然也今別有此願其意云何倩案此事女人障重別不約女人者即生疑心其由者女人過多障深一切處被嫌道宜引經云十方世界有女人一處即有地獄加之內有五障外有三從至無量梵王之居全以女身無登高臺閣至何況往生哉可疑之故別發女人往生願已除女人疑而令生信即是此願攝機力也大論四云初僧祇中永離女身上已俱舍論意百劫離女今依願力順次轉女身非大利問今看願文但云轉女不云往生明知轉女是穢土益故悲華云阿僧祇世界有諸女人聞我名者即得第一信心歡喜發阿耨菩提心乃至成佛終不復受女人之身悲分陀依之澄

憲云藥師誓願現身轉女成男法華云盡是女身後不復受彌陀誓願亦同永捨女身再不復受穢土勝利也離惡趣生善趣初番勝利也捨女質永爲男子者第二番利也爲男之後修佛道尤難得而已已答宗家所判既約往生不可不信何況莊嚴經云一切女人若有厭離女人身者聞我名號至即生我利成男子身大彌陀又覺經成就文云女人往生者則化生皆作男子亦同彼悲華等亦不可違以乃至言含往生故但憲公釋用否在時次諸師解者義寂云令離穢形願法位云願女人聞名者得離女益憬與云遠離穢機願智光云聞名發心轉女成男願御廟靜照云不復女像願真源云聞名轉女願女人聞名生生不爲女身已源公意似不許往生若爾未了三解文者觀念法門釋此願云義曰乃由彌陀本願力故女人稱佛名號正命終時即轉女身得成男子彌陀接手菩薩扶身坐寶華上隨佛往生入佛大會證悟無生又一切女人若不因彌陀名

願力者千劫萬劫恆河沙等劫終不可得轉女
 身應知今或有道俗云女人不得生淨土者
 此是妄說不可信也信之有三初釋此願意次
 又一下明女難轉三今或下破妄說也初文亦二先
 總標願力次女人下別明願相於中亦四初明轉
 女之因聞名之言雖在此願行體之功德在第十八
 二正命下明轉女身即今願體言轉女者即往生義
 生彼國者永離女身故三彌陀下明轉女之緣即
 是指彼來迎本願依佛迎緣而往生故四入佛下
 明生後益問準二十願今聞名者可求何
 屬去行答豈無轉女成男行因故含去行天台亦
 爾如十疑云四十八願云設我得佛十方世界一切
 女人稱我名號厭惡女身但此師屬凡案諸經
 雖云聞名必含稱念如藥師願云聞我名已
 一切皆得轉女成男已同願成就云若是女人得聞
 世尊藥師如來名號至心受持於後不復更受女
 身已即其例也但二十願別說行故通諸行故聞

屬所求問發菩提心即可去行何云無行答今菩
 提心可是安心如觀念記云

第二十六常修梵行願

設我得佛十方無量不可思議諸佛世界諸菩薩眾聞我
 名字壽終之後常修梵行至成佛道若不爾者不
 取正覺
 初願意者所見土中或土菩薩雖修梵行隔生即忘
 難可相續或土菩薩梵行相續速至佛果法藏菩
 薩愍念梵行退轉菩薩選此願攝菩薩也光法
 師云三生六十據相續修若有間斷無妨多劫
 已準彼思之菩薩三祇若有間斷道場妙果多劫
 難成今雖淺位乘佛願力梵行相續正覺豈
 次諸師解者義寂云令立梵行願法位云願聞名者修
 行不退益懷興云常修梵行願靜照智光云聞名梵行皆
 證正覺願御廟全同真源云聞名梵行願澄憲云女人者是愛
 染器也離彼身為男若不修梵行者何為不
 離淫欲者必定亦可受女身既離女身理專可

修梵行願次第九有由哉已三解文者諸佛世界者
 悲分陀利云願使眾生來生其中者乃至菩提際
 常具梵行悲華是約自土菩薩者莊嚴經云聲聞菩
 薩悲華經云眾生利聞我名號者準上願意舉
 聞顯念夫適得聞至德名號何不都念故非但
 聞聞聞名功深何無其益尊勝陀羅尼經云諸飛鳥
 畜生含靈之類聞此陀羅尼一經於耳盡此一
 身更不復受涅槃經云譬如世間有善咒術若
 有一聞却後七年不為一切毒藥所中蛇不能
 螫至是大涅槃亦復如是若有眾生一經耳者却
 後七劫不墮惡道已法寶無願尚以如此本願佛
 名豈無益耶答非謂聞名無其功力如觀經云
 但聞佛名除無量罪即其義也但今願意非是但
 聞含稱念也壽終等者壽終之言以顯多生常修
 之文以顯相續雖在穢土還歷多生梵行相續
 終成佛故問若爾何故悲分陀利云願使眾生來生
 其中者乃至菩提際常具梵行已況大師釋次上

壽終之後文屬往生淨土今亦可爾何云穢土答
 此願之意如前已釋異譯之文皆同此經有何異
 論但分陀利者經經異說不須和會次例難者語言
 雖同其心則異況如生尊貴家願者壽終之後猶在
 穢土可例此願梵行者梵者翻淨淨行之義雖通
 三學今別指戒如平地故莊嚴經云聞我名號
 修持淨戒堅固不退已又藥師經云修行梵行一切
 皆令得不缺戒具三聚戒已此亦指戒名梵行
 也或梵行者離欲行也如憲公釋

第二十七人天致敬願

設我得佛十方無量不可思議諸佛世界諸天人民聞我
 名字五體投地稽首作禮歡喜信樂修菩薩行諸天世
 人莫不致敬若不爾者不取正覺
 初願意者所見土中或土眾生雖敬禮佛修菩薩
 行人天不敬還致輕毀如彼常不輕菩薩也或土
 眾生禮佛修道人天悉禮法藏愍念被他輕毀廢
 退佛道還擇此願攝眾生也若有眾生聞彌

陀名歡喜信樂一心歸命修菩薩行迴願往生依佛願故為諸人天共所敬禮身心安樂佛道無障如般舟經云持是三昧者為諸天龍神皆共讚譽擁護瞻視敬仰思欲相見者諸天如斯世人準知問若爾者何故法事讚云見有修行一起瞋毒方便破壞競生怨上人若敬重何生怨耶答事讚意者出濁增失然而濁世多敬順輩是佛願驗而已次諸師解者義寂云令成尊德願法位云願聞名行行得他敬益憬興云聞名得益願又云作禮致敬願智光云聞名修行衆所敬重願御廟靜照云人天致敬願釋云雖復聞名而不致敬則無深益乃上之三願皆應言除不致敬者有此願故不說除言下之諸願願聞我名字者例亦爾此願意通故真源云聞名敬重願聞彼佛名一切人天皆敬愛又云聞名信樂得禮敬已上來諸師其義不同謂寂興釋其文不明法位智光真源等師聞名行人以為所禮諸天世人以為能禮是今所用云三解文者大分為二初舉行者聞

名修行次諸天下明得他敬初文中諸佛世界等者大彌陀經云令我國中諸菩薩阿羅漢皆令心相敬愛終無相嫉憎者上此約自土寶積莊嚴皆舉他土亦云菩薩異譯不同須和會或約因果故舉其自土約於因故舉其他土因果雖殊其意互存菩薩行者指六度等故寶積云修菩薩行已問此中亦有念佛三昧答可有謂萬行中之一行故問凡夫豈堪六度行耶答隨分修之不問菩薩或唯念佛名菩薩行大乘行故勿例餘願第二十二此被凡故問為聖道行為淨土行答案六八願攝凡夫時多約往生今既攝凡豈以聖道行為得敬因乎故大彌陀約彼土說學者思擇

第三十八衣服隨念願
設我得佛國中人人欲得衣服隨念即至如佛所讚應法妙服自然在身若有裁縫擣染浣濯者不取正覺

初願意者所見土中或土衆生為衣服故苦勞身心

而造衆罪或土衆生自然法衣在身隨念法藏惑念辛苦衣服選擇此願攝衆生也澄憲云娑婆衆生為衣服盡百種功勞造十惡重罪飼蠶子入鑊湯曳丈頭織機婦練之擣之或染或張裁之縫之著則易汚汚又難全洗洗而多有煩求索而不易然彼土衣服者淨妙自然也易得難失珠色而奇香隨念即至况如來所讚應法衣服云是則可慚愧衣信樂服可忍辱衣解脫服早生彼土可著其衣已問二十七願亦含衣服今何重發答彼則極妙數多為體此則生得隨念為體不可混亂問大論二十四云欲界天衣從樹邊生無縷無織譬如下薄水光曜明淨有種種色色界天衣純金色光明不可稱知俱舍論十一云色界天衆於初生時身量周圍具妙衣服已依此等文欲天無營色天生得若爾此願全非出過三界果報答鮮衣妙服人間所欲生得天衣欲天所無故對欲界而發此願例如第二願但對壞劫土况彼土寶衣應法妙服乎

次諸師解者義寂云衣服自然願法位玄一已下二願同名願人天受樂位又云衣服隨念願真源憬興云衣服應念願智光云衣服隨念現前不整願御廟云衣服隨念自然在身願靜照云應法妙服願已三解文者國中人人天者問莊嚴經云所有衆生發淨信心為諸沙門婆羅門染衣洗衣裁衣縫衣修作僧服或自作或使人作作已迴向是人所感八十一生得最上衣服隨身具足於最後身來生我利已相違如何答異譯不同不須和會或非今願歟或往生而預此願益由彼宿因歟隨念即至者問生得衣上隨願重得耶答寶積經云所須衣服隨念即至如佛命善來比丘法服自然在體已如善來者指生所得云隨念至所著衣服隨念改故非營造故應法妙服者即袈裟也如悲華云尋於生時著新袈裟悲分陀法量二衣名為應法三衣相等如六物圖等利同之法量云心地觀經云袈裟是佛淨衣永斷煩惱罪業消除猶如良田能普增長菩薩道故猶如甲冑

煩惱毒箭不能害故抄是故今云佛所讚也

第二十九受樂無染願

設我得佛國中人所受快樂不如漏盡比丘者不取正覺

初願意者所見土中或土衆生著刹那樂忘永劫苦或土衆生快樂不退而無著心法藏惑念著樂衆生選擇此願攝衆生也澄憲云穢土快樂皆是麤弊也亦不如意得難失易初樂後苦凡夫著之猶如塵著膠著始樂不知後苦受少樂又遇多苦如洗癰而即樂煮疥暫悅何著之何耽之如彼淨土者受三禪樂無一念著如漏盡比丘豈不欣之乎已次諸師解者感師云唯受樂義寂云受樂無染願憬興云受樂無失願智光云常受快樂勝如漏盡願靜照云樂如漏盡願真源云常受快樂願已三解文者人天者莊嚴經云所有菩薩已如漏盡等者顯無著樂故寶積云心淨安樂淨言所表無著義也謂諸羅漢斷盡諸漏於一切法無著無執故以為

譬聞持記云受三禪樂無一念著如漏盡比丘已聞成就文云皆得快樂譬如比丘得滅盡三昧已相違如何答亦不相違同無著故禮讚云樂多無廢道者無著故也

第四十見諸佛土願

設我得佛國中菩薩隨見十方無量嚴淨佛土應時如願於寶樹中皆悉照見猶如明鏡觀其面像若不爾者不取正覺初願意者所見土中或土菩薩不如願見十方佛土或土菩薩任願照見法藏比丘欲令菩薩遂見土願選擇此願攝菩薩也問與三十一有何差別答異義不同照公云上如明鏡照見十方穢土今此中照見十方淨土不可足下而見衆聖功德莊嚴或彼總此別憲公云上願總見諸佛國土今隨願即見總別釋當理歟凡此二種願專似無別其義難辯又云上猶如明鏡之願未必穢土只可諸佛國土以今端彼可屬穢土歟何必爾哉已今謂不

然上願約國土德攝淨土故故標國土清淨等矣此願說菩薩益攝衆生故故標菩薩隨意等也二願水火不可混亂次諸師解者義寂云隨意得見十方國土願法位玄一已下九願同名大士獲益法位又云願照見十方益憬興云普見佛土願智光云隨意照見十方諸國願靜照云隨意照見願真源云見諸佛土願已諸師意同三解文者菩薩者寶積經云群生嚴淨土者問寶樹觀文通現淨穢今但云淨相違如何答樹觀經釋明通淨穢若爾今文且從勝云嚴淨土歟復次據今會彼言三千者指安養界因順穢土故云三千私云異譯等說皆云淨土故不通穢但樹觀者若論樹德遍現淨穢觀經約之若論機欲只願見淨故於樹中照見淨土今願約之故不相違若爾樹觀即是兩願願成就也學者思擇於寶樹中者問悲華經云於寶樹下悉皆遙見諸佛世界已樹中樹下相違如何答有云言樹中者所現佛土依止所也言樹下者能見衆生依止所也云

又或本云中若爾不違義寂云此七願隨應總得餘七功德已今依此釋按論註文第三十四願當口業功德即註上釋口業功德云我成佛妙聲遐布聞者悟忍同下卷云衆生聞阿彌陀如來至德名號說法音聲至口業繫縛皆得解脫已六願六德未別屬若是總不虛作住持功德攝歟即論偈云觀佛本願力遇無空過者註上釋云使我成佛時值遇我者皆速疾滿足無上大寶同下卷云不虛作住持者依本法藏菩薩四十八願今日阿彌陀如來自在神力至力願相符畢竟不差故曰成就已但二師意未必不可同今且以彼合此許也

第四十一諸根具足願

設我得佛他方國土諸菩薩衆聞我名字至子得佛諸根闕陋不具足者不取正覺初願意者所見土中或土菩薩雖行佛道未離諸根缺陋之報或土菩薩雖居淺位而備諸根完具之德法藏惑念根缺之難選擇此願攝菩薩也

諸根不具八難隨一他方菩薩誰不厭耶案俱舍等
 第三僧祇猶有諸根缺陋之障況其餘耶今依佛願
 乍在淺位永離根缺豈非大利次諸師解者義
 寂云聞名令得端嚴報願法位又云願諸根具足益
 興云諸相貌妙願智光云聞名至佛具足諸相願
 御廟之靜照云諸根具足願真源云聞名具根願澄憲云
 藥師又有此願縱非別願聞諸佛功德名者諸根具
 足衆苦消滅必然也況於別願哉已三解文者諸菩
 薩者寶積經云衆生問何位菩薩答恐是住前及
 三祇歟未離根缺故問案法華經喜見菩薩雖
 入眞位猶失兩臂答小乘百劫猶離根缺大乘
 眞位何不具根但喜見菩薩自在供養非是業報故
 願人天憂惱而誓必當得佛金色之身兩臂忽生
 設雖此願可除如此自在願樂例如必至補處
 願中除意樂也

第四十二住定供佛願

設我得佛他方國土諸菩薩衆聞我名字皆悉逮得清

淨解脫三昧住是三昧一發意頃供養無量不可思
 議諸佛世尊而不失定意若不爾者不取正覺
 初願意者所見土中或土菩薩事理未融事行妨定入
 定廢事或土菩薩不起滅定現諸威儀法藏比丘
 惑念定散隔礙菩薩選擇此願攝菩薩也問住定
 供佛在何位耶答約常途者初地已上問若爾何故
 論註云八地已上菩薩常在三昧以三昧力身不
 動本處而能遍至十方供養諸佛教化衆生
 已答初地已上雖有此德八地已上是無功用論註
 約之七地已前是功用位今願望之勝劣雖殊俱具
 此德然則三賢等之菩薩依佛願故能具地上德
 焉可思議或通七地以前菩薩亦無違也次諸師
 解者義寂云聞名令得清淨解脫三昧願法位又云願
 得三昧益憬興云止觀俱行願智光云聽名得淨解脫
 靜慮願御廟靜照云解脫三昧願真源云聞名得定願
 如是諸師多約得定不存供佛並非所用然與
 師意三昧名止供佛名觀止觀俱行以爲願體非

是唯定爲願體矣今之所用憬興義也三解文者大分
 爲三初明得定次住是下明供養佛三而不下結
 定供也初中他方菩薩者悲分陀利云使其中衆生
 生已得善分別諸三昧乃至此約自土而云衆生
 清淨解脫三昧者玄一云八解脫中第三解脫名爲淨
 解脫乃又說所有三昧離繫縛故名淨解脫已初
 釋不願異譯等文謂寶積云善分別勝三摩地悲分陀
 莊嚴經云寂靜三摩地上此豈第三淨解脫耶次釋無
 失云後文中不失定者供佛之時不失定心入定之
 時不休息供佛定散不妨故云不失

第四十三生尊貴家願

設我得佛他方國土諸菩薩衆聞我名字壽終之後生
 尊貴家若不爾者不取正覺
 初願意者所見土中或土菩薩於世世中常生卑賤
 化物不普或土菩薩常生高姓福智之家化他自在
 法藏愍念卑賤菩薩選擇此願攝菩薩也若依
 大論三賢菩薩常生貴家謂或生王家姓強或

生婆羅門家或生長者居士家化貧能利
 衆生若依俱舍住定菩薩種相始得五德一善
 趣二生貴家三具勝根四受男身五憶宿
 命此等菩薩始離卑賤然今依託彌陀願力大乘
 住前小乘三祇常生貴家遍化衆生誰之菩薩不
 歸命乎次諸師解者義寂云聞名令得生尊貴家願法
 位又云願生尊貴家憬興云化物高貴願智光云聞名
 死後生尊貴家願御廟靜照云生尊貴家願真源云聞名
 生貴家願已三解文者菩薩衆者指十信等問通二
 門機答或理但局淨土之機生貴家者其相如上夫
 帝王等若與佛法國悉可隨如後漢書云吳王好
 劍客百姓多疫瘡楚王好細腰宮中多餓死已人
 專帝慮以如此也興隆佛法豈不然而乎梁朝武帝
 和國上宮即其例也

第四十四具足德本願

設我得佛他方國土諸菩薩衆聞我名字歡喜踊躍修
 菩薩行具足德本若不爾者不取正覺

初願意者所見土中或土菩薩未成行德或土菩薩能具德本法藏愍念其無德本選擇此願攝菩薩也次諸師解者義寂云聞名令得具足德本願法云願修行具足益憬興云福智雙修願智光云聞名修習滿足德本願御廟靜照云具足德本願至愍諸衆生不取菩提或雖修行衆德不具菩薩自修因一度具諸度以與衆生而發此願眞源云聞名具德願上三解文者菩薩行等者六度行相名菩薩修行圓滿名之爲德佛果之因故名爲本

第四十五住定見佛願

設我得佛他方國土諸菩薩衆聞我名字皆悉逮得普等三昧住是三昧至子成佛常見無量不可思議一切諸佛若不爾者不取正覺
初願意者所見土中或土菩薩見佛甚難如彼師子吼菩薩等或土菩薩得見佛定常見諸佛法藏愍念不見諸佛選擇此願攝菩薩也澄憲云見佛尤難三祇菩薩送若干劫只見七萬五六七千佛一僧

祇時節實久所見佛不幾今蒙佛願力得普等三昧至子成佛常見諸佛實難思也問與四十二有何別耶答彼淨三昧此普等定得名既異定體豈一彼供諸佛此見諸佛見未必供其益何同況彼止觀俱行爲體此則唯定見佛爲體故不同也次諸師解者義寂云聞名令得普等三昧願御廟法位又云願常見諸佛益憬興云不離諸佛願智光云普等靜慮常見諸佛願靜照云普等三昧眞源云聞名見佛願上三解文者大分爲二初明得定次住是下明見佛初文中他方菩薩者悲分陀利云使其中衆生生已得普等三昧悲華之此約自土而云衆生普等三昧者寶積如今莊嚴經云三摩地悲華經云遍至三昧分陀利云三摩地悲華經云名異義同憬興云普者即普遍義等者即齊等義所見普廣佛佛皆見故所住定名爲普等玄一云由此三昧力普見諸佛世界故言爲普平等現見無所不見故言普等上兩師同以見佛爲名是則從果名爲普等若從

因者亦可名爲念佛三昧依念佛定見諸佛故如首經云大勢至法王子與其同倫五十二菩薩而白佛言我憶往昔恆河沙劫有佛出世名無量光十二如來相繼一劫其最後佛名超日月光彼佛教我念佛三昧譬如有一人專爲憶一人專忘如是二人若逢不逢或見非見二人相憶二憶念深如是乃至從生至生同於形影不相乖異十方如來憐念衆生如母憶子若子逃逝雖憶何爲子若憶母如母憶時母子歷生不相違遠若衆生心憶佛念佛現前當來必定見佛去佛不遠上此文至要行者措心

第四十六隨意聞法願

設我得佛國中菩薩隨其志願所欲聞法自然得聞若不爾者不取正覺
初願意者所見土中或土菩薩聞法甚希如常啼等或土菩薩隨願聞法法藏菩薩愍念不遂聞法志願選擇此願攝菩薩也次諸師解者義寂云隨願

得聞所欲聞法願法位又云願隨欲得聞益憬興云聞法自在願智光云隨意所樂聽受諸法願御廟靜照云自在聞法願眞源云隨意聞法願上三解文者自然得聞者澄憲云自然得聞之言義可詳之彼土教主說法鎮無止水鳥樹林又皆出法音音樂等亦如斯菩薩聖衆常演說一切智指此等即云自然得聞歟將又離此等有自然聞法事歟已今云雖無口請雖不身往應念自在聞所欲法故云自然

第四十七得不退轉願

設我得佛他方國土諸菩薩衆聞我名字不即得至不退轉者不取正覺
初願意者所見土中或土菩薩以退位故行願易退或土菩薩雖居退位行願不退例如台宗第五品位法藏愍念退轉菩薩選擇此願攝菩薩也佛法退失永劫悲歎然十信菩薩雖居退位乘佛願故永不退墮終至菩提豈非大慶乎問與定聚願有何別耶答彼攝凡夫而自土也此攝菩薩

而他土也問與二十四有何差異答彼攝凡夫此攝菩薩不可混亂若一義意者彼依佛力三賢菩薩證入地上此依他力不退十信故不同也次諸師解者義寂云聞名令得至不退轉願法位又云願聞名者即至不退地益懷與云加力不退願智光云聽名即至不退轉願御願靜照云得不退轉願真源云聞名不退願澄憲云聞名不退之願釋尊五百大願之中最勝願也西方蓮華眼如來爲止蓋大士宣說此義彌陀誓願準之可知歟又有別義歟可思慮之菩薩行願者難發易退所謂大經魚子菴菓之譬水月陣軍之比皆顯菩薩易退之義者也今若以種子名不退其益猶深況位行念三不退乎已今之所用懷與義也云云二解文者不退轉者只顯無退失非位不退等

第四十八得三法忍願

設我得佛他方國土諸菩薩衆聞我名字不即得至第一第二三法忍於諸佛法不能即得不退轉

者不取正覺

初願意者所見土中或土菩薩未證法忍願行數退或土菩薩證得法忍位則不退法藏慈念菩薩退墮云云選擇此願攝菩薩也問與次上願有何別耶答上願意者乍居退位以佛力故而不退轉此願意者退位菩薩由佛願力速證不退是故與師彼名加力不退此名自力不退意云佛加神力令退位者不退轉故名加力等佛以願力令退位者入不退位以證不退而不退轉故名自力雖言自力是他力益取要言之以佛願力令證三忍證三忍故得不退轉此願意也次諸師解者感師云得三法忍義寂云聞名令得至三法忍願御願法位又云願聞名得忍至不退地益懷與云自力不退願智光云聽名得忍諸法不退願靜照云得諸地忍願真源云至三法忍願已今之所用懷與義也三解文者大分爲二初明得忍即是願體次於諸下明得不退即忍用也初文中菩薩者十信位也第一第二等者諸師

不同法位云云懷與云有說第一第二三法忍者即仁王般若五忍中如其次第一伏忍信忍順忍也私云此舉也此恐不然信忍初二三地順忍即四五六地如何但聞彼佛之名得此二忍耶若謂聞名漸次得者亦應說獲五忍故今即伏忍三位名爲三法忍瑜伽亦說勝解行地有下中上品三忍故玄一引法位釋已云今謂即此經下所明三忍謂音響忍柔順忍無生忍是也已御願引懷與破立文已云今詳此判忍亦不然先住伏忍乃至順忍聞名猶得三伏忍者有何益耶故如前解即無妨難謂他方菩薩未入伏忍者聞彼佛名即入伏忍已入伏忍即入信忍已入信忍即入順忍古解意如是更何更改釋乎若爾已入順忍者應得無生忍已入無生忍者應至寂滅忍何故但言至三忍耶實應如是而不爾者應是經家存略故也又是舉初顯後故也今又釋云此三忍者約三教位應分別之通教八地已還菩薩聞彼佛名即悟中道是別接通

爲第一也別教地前聞名即得入歡喜地爲第二也圓教住前聞已即得入於初住爲第三也然此三忍若依仁王五忍以釋同是信忍若依圓家證道同義三位俱是無生忍上澄憲云一二三法忍之文未得明據若依仁王五忍者何除終只云一二三乎其義無故歟已此中憲公朋與師破而作疑問未述其義自餘諸師所述各異難辨是非今且可依與師自義問若爾者御願所破云何會通答欲知是非於今本願先可定判所被機分若約地前地上諸機彼難實爾若言唯局十信機者與義無失然今既云得不退轉得不退言必對退位菩薩何通伏忍已上諸機若言不退之言通舍位行念故無其失者此亦不然順忍非是念不退故故與師釋其義甚妙云義寂云此八願隨應總得莊嚴菩薩四種功德如是願德因果相配雖聖教中無文誠說隨相而求理應如是既非論判未敢輒定設有謬錯智者正焉已雖有此釋自他土異淺深

位別未_レ知_レ別屬_一但四十二_ト五與_二前三德_一行相相似
又四十三與_二第四德_一亦可_レ義類_一餘難_レ配當_一學者思
擇上來雖_レ有_二四十八別_一總釋_二第二正說本願之章_一
已竟_一
五十四

無量壽經鈔卷第五盡經上卷

望西樓沙門 了慧述

佛告_二阿難_一爾時法藏比丘說_二此願_一已而說_レ頌曰
七佛告阿難爾時法藏下立_レ誓請_レ證於_レ中有_二二初結
前生後

我建_二超世願_一必至_二無上道_一斯願不_レ滿足_一誓不_レ成_二正
覺_一

次我建_二下正明_一誓請_レ於_レ中亦_二二初立誓自要次斯願
下約誓請證初文亦_二二初舉_一自果_一立_レ誓次離欲下舉_二
佛德_一願求初文有_二二先約_一自德_一次我於_レ下約_二化他
德_一初自德中_レ超世願者問指_二何願_一耶答諸師不同淨
影懷與_レ指_二上攝身攝土五願_一名_二超世願_一義寂總指_二
四十八願_一法位_二大_一同_レ今且_レ可_レ依_レ義寂之意_一攝生正是超
世願故願滿不_レ可_レ限_二身土_一故加之實積經云今對_二
如來_一發_二弘誓_一當_レ證_二無上菩提果_一若不_レ滿_二足_一上諸
願不_レ取_二十力無上尊_一已_レ既云_二諸願_一何局_二身土_一問

無量壽經鈔卷第四畢

言_二超世_一者超_二何世_一耶答淨影所釋意不_レ分明_一義寂
意者超_二勝地前世間之位_一故名_二超世_一故彼釋云法藏
比丘於_二此佛所_一發心有_二二一者未_一起_二四十八願_一先
發_二世間有漏發心_一二者五劫思惟以後更發_二出世無
漏發心_一又云五劫思惟以後發_二證發心_一故後頌曰我
建_二超世願_一上有_二云淨影之意亦如_一義寂云今云法藏
選_二集諸土之中善妙_一建_二此願_一故超_二世流布諸佛本
願_一是名_二超世_一如下文云無量壽佛威神光明最尊
第一諸佛光明所_レ不能及_一又云清淨莊嚴超_二踰十
方一切世界_一已_レ身土兩願既超_二諸佛_一攝衆生願亦應
然故

我於_二無量劫_一不_レ爲_二大施主_一普濟_二諸貧苦_一誓不_レ成_二
正覺_一我至_レ成_二佛道_一名聲超_二十方_一究竟靡_レ所_レ聞_一誓
不_レ成_二正覺_一
次化德中大施等者問所_レ言施者爲_二是財施_一將法
施耶答諸師不同淨影云法施化益與師破云有人釋
言_二法施化益_一非也欲_レ濟_二貧苦_一必財施_一故我至成

佛等者法施雖_レ舉_二名聲_一意在_レ救_二故略_一此破_二一往聖教
常談貧苦之言不_レ必_レ乏_二寶如_一法華云見_二六道衆
生_一貧窮無_二福慧_一已_レ今經貧苦言何_レ定約_二世財_一況次
下云_二施功德寶_一今亦可_レ然故淨影釋其義無_レ失今謂
通_二二本願中有_一供具衣服稱名聞法等之願_一故超_二十
方等者問佳譽爲_レ超_二十方諸佛_一答淨影云我成佛時
名聞_二十方_一有_レ人究竟於_二我名字_一無_レ所_レ聞者不_レ取_二
正覺_一已_レ依_二此釋_一者超遠聞義或如_二所問_一有何失
耶所_レ謂佳名超_二諸佛_一故一切衆生究竟聞_レ之問此三
行願大意如何答四十八願必定滿足_一初行以_二此本願_一
濟_二衆生苦_一行意_二此本願名超聞_一十方_一行意如_二此三事
若不_レ成者誓不_レ成佛_一故義寂云一望_二滿願果_一二望_二
大施果_一三望_二名聞果_一已_レ問上本願中_二一各有_一不_レ取
誓約_二今何_一重說答夫再言者志之鄭重發願事重要契
豈輕

離欲深正念淨慧修梵行志_二求無上道_一爲_二諸天人師_一
次舉_二佛德_一願求中_二二初略次神力下廣初文中離欲等

者舉已善因一即是六度謂離欲者施戒忍也正念是禪淨慧是智進通五故不別說也指此六度總名梵行或三善根謂離欲者即無貪善正念無瞋淨慧無癡此名梵行又玄一云離欲深正念者顯定也四根本定離欲方得故問何故明定舉深正念答定品中念增上故又說得言方深正念故言淨慧修梵行者明慧也上志求等者求佛果也淨影云求無上道求佛恩德為天人師求利他德

神力演大光普照無際土消除三垢冥廣濟衆厄難開彼智慧眼滅此昏盲闇閉塞諸惡道通達善趣門

次廣說中二初舉佛德次願我下願求同佛初文亦四初舉佛化德次功祚下舉佛自德三為衆下重舉化德四供養下重舉自德初化德中消除三垢者淨影云小乘法化教斷三毒名除三垢同與小乘但斷煩惱障故三毒屬小開彼等者淨影云大乘法化同與大乘兼斷所知障故開智滅昏屬大乘也閉

塞等者淨影云人天法化同與功祚成滿足威曜朗十方日月載重暉天光隱不現

次自德中功祚等者此之一句舉佛德體威曜已下明佛德用且舉光明餘略不論祚廣韻云祚福也祿也位也作誤反戢斂也止也阻立反為衆開法藏廣施功德寶常於大衆中說法師子吼

三重化文相可見見供養一切佛具足衆德本願慧悉成滿得為三界雄如佛無礙智通達靡不照

四重自中二初之四句明福智因如佛已下明自在用德本等者玄一云萬行之中檀那為首四攝之行布施為初是以供養名衆德本願我功慧力等此最勝尊

次求同中功慧等者淨影云功是福因慧是智因願我以此福智之力等佛如來最勝之尊玄一云指世

自在王佛名之為此斯願若剋果大千應感動虛空諸天人當雨珍妙華二請證文其義易見佛告阿難法藏比丘說此頌已

八佛告阿難法藏下現瑞證誠於中有三初結前文次應時下現瑞應請三自然下出聲嘆記初文可知應時普地六種震動天雨妙華以散其上

次文中震動等者地神應瑞即酬初請雨華等者天人應瑞即酬後請六動之相如序中記自然音樂空中讚言決定必成無上正覺

三嘆記中自然等者非所作成故云自然空中讚聲何物聲耶為是佛聲為是樂音故舉樂音顯能讚體

於是法藏比丘具足修滿如是是願誠諦不虛超出世間深樂寂滅

九於是下總結誓願之中具足修滿等者當上六八願等誠諦等者當向瑞證超出等者當上超發無上

之願及以一切世間無能及者等文又當我建超世願等深樂等者當上其心寂靜志無所著等文上來所說不出之故以為總結上來第一勝因已竟

●第二阿難時彼下明勝行以可願行相須故也於中為二

阿難時彼比丘於其佛所諸天魔梵龍神八部大衆之中發斯弘誓建此願已

初修淨土行次不生下修法身行初文亦二先牒前次一向下起行初文中諸天等者舉八部中第一第一謂天龍等之八部也又玄一云神謂後六已發斯等者淨影云發斯弘誓牒前所發四十八願建此願已牒前我建超世願等上憬與破立云非也經稱前名願後言誓故今即弘誓者結反順之誓此願者結四十八願已今朋淨影建此願言順我建超世願文故與亦無失又法位玄一唯指六八非今所用除要誓故一向專志莊嚴妙土

次起行中二初總說

所修佛國恢廓廣大超勝獨妙建立常然無衰無變
 次所修下別說於中亦二初舉行果次於下正修
 土因初文中恢廓等者往生論云究竟如虛空廣
 大無邊際上然法位云此言廣大者即自受用
 玄一破云前所願國土是衆生所生如何得是自受用
 土一可說此應化土雖應化土而無須彌七金
 山等故言恢廓等已並非所用兩師或過或不及故
 恢廓者懷興云恢廓反大也廓古惡反大也玉云廓空
 也超勝等者如禮讚云四十八願莊嚴起超諸佛刹
 最爲精上然義寂云超以過地前異生位故獨妙
 以不二乘相交雜故法位云非諸菩薩境故與師亦
 非所用違諸文故云常然等者三常住中凝然常也
 如事讚云無衰無變湛然常上問既是修因感果之士
 而亦有始寧容得言非因果凝然常耶答修因
 感果是始覺智無爲凝然則本覺理始覺究竟無非
 本覺如釋大衍論云若得始覺還同本覺上談

能證日雖似有始至所證時始本不二本有常住
 故今經云次於無爲泥洹之道法事讚云極樂無爲涅
 槃界上加之大乘密嚴經云佛已超過彼而依密嚴
 住極樂莊嚴國世尊無量壽又云密嚴淨土超諸佛國
 如無爲性不同微塵此密嚴中諸佛菩薩并餘國
 土來此會者皆如涅槃同經疏云如無爲者密
 嚴土者即是諸佛他受用土於法性土以悲願力建
 立故此淨土如法性土離無常過以是故說如無
 爲性乃今此密嚴藏但於清淨如來藏心之所現故
 非微塵成已既如無爲離無常過當知凝然常
 住土也若約化相有爲無漏離對治壞故云
 常然問無衰無變其義如何答衰者異相變者滅相生
 亂修起住亂常然故略不舉以實而言四相俱離
 無爲土故若約化相簡穢土耳義寂云於內無
 有飢冷等衰於外無有水火等變法位云一得
 永常不爲三災之所散壞故云無衰無變同與
 若依此意可不斷常

於不可思議兆載永劫

次修因中亦二初長時修次積植下無餘修初文中兆載
 等者義寂云入初地後更經第二第三大劫故云
 不可思議兆載永劫兆之與載皆是算數之名也風俗
 通云十萬爲億十億爲兆十兆爲經十經爲該十該
 爲補十補爲選十選爲載兆即當於六十數中第七
 類底洛又載即當於第十二那與多法華經云至百
 千萬億那與他阿僧祇劫後重頌云乃無量百千萬億載
 阿僧祇故知載當那與多也玄云初兆載黃帝算
 三品今且舉一十千億爲兆十千兆爲京十千京爲
 該十千該爲掃十千掃爲四十四千爲載今案慧
 大論鈔漢地大數有十五一一二〇三〇四〇五
 萬六億七兆八景九段十俱十一間十二紫
 十三讓十四政十五載然即舉中間一數最後一
 數顯其長劫懷興云黃帝算有三品且舉其一
 全同玄
 積植菩薩無量德行

次文可知

不生欲覺瞋覺害覺不起欲想瞋想害想不著色
 聲香味觸法
 二不生下修法身行中亦有二初別起行次無央下總
 結行初文亦四初離煩惱次勇猛下修善法三遠
 離下離惡業四棄國下修善業初文亦二初明自
 行次無有下明化他初文亦四初離煩惱因緣次
 忍力下明法對治三無染下離煩惱體四三昧下
 明修對治初文中欲覺等者淨影云覺有八種如
 地持說一欲覺思財思色二是瞋覺亦名恚覺
 思欲瞋他二者害覺亦名惱覺於他人所念欲加
 害四者親覺追憶親緣五國土覺念世安危六不
 死覺謂身不死死廣集資生七族姓覺念氏族高下
 八輕誣覺念凌他人此八種中初二過重爲是偏
 舉已此中欲者與貪相應於有有具染著爲性能
 障無貪生苦爲業所言瞋者於苦苦具憎恚爲
 性能障無瞋而爲不安惡行所依以爲其業此

之貪瞋通於五斷亦遍六識其過最重故翻入淨品所言害者雖是隨惑猶非中大於諸有情無悲愍心損惱為性能障不害逼惱為業故過最重亦翻入淨如光記云於小惑中害雖不通五斷非遍六識而別翻者以過重故惱亂菩薩障趣苦提菩薩將證無上菩提仍起欲害害覺由斯過重所以別翻已以是義故今別舉也問如彼釋迦成道時者未斷惑故猶起二覺法藏菩薩既斷無明證入初地豈有欲等若夫無者何云不生答今約所無顯其行德下去準之欲想等者淨影云不起欲想瞋想害想重復顯之亦可前言不生二覺就始彰離今言不起欲瞋害想就終明離未對境界預起邪思名之為覺對緣生心說為二想已此有二解亦可已下又一解故憬與破次解云正對境界不生三覺無別等所以故今即二覺之因如次三想取境分齊方生欲等故然即不貪名利故不生欲覺不惱衆生

故不生瞋覺不損物命故不生害覺三覺不生必絕三想故亦兼之已今案之云覺者謂尋令心忿遽麤性而轉想者能取境界差別故俱舍釋尋心所云麤性名尋光法師釋心想心所云想謂於境執取男女等種種差別相上想取境時尋必相應雖是一聚俱起之法覺想體異故重舉之若爾淨影初義順理同時俱起法故憬與自義亦不違理二體別故今須依之不著等者憬與云內因既離外緣斯止故云不著淨影義寂
忍力成就不計衆苦少欲知足
次對治中忍等二句治上覺想少等一句治向色等忍力等者憬與云忍力者安受苦耐怨害察法忍也以此忍力能忍損惱故離二覺二想法位云忍有二種一者安苦忍謂於世違事能受故二他不饒益忍謂他於己有違損能受故三法思惟忍謂於法無分別故此三忍成就故言不計衆苦已少欲等者法位云於未來不多求名少欲於現在希望滿

名知足已舊云知足新名喜足即是對治不喜足大欲之貪今舉四聖種中初二故云知足四聖種觀者一飲食知足二衣服知足三醫藥知足四樂斷樂修又義寂引般若經云云何菩薩少欲乃至阿耨菩提尚不欲何況餘欲是名少欲云云何菩薩知足得一切種智是名知足此意不求他境名少欲安住自法名知足他境即是色等五欲自法即是現量之智

無染患癡
三離體中無染等者問看今文勢無染患癡是上句攝謂少欲等治貪此句治瞋癡故答染謂貪也故法位云無染患癡者絕三毒同之義寂亦引般若經中姪怒癡文而證今文上四聖種下三善根不可混亂
三昧常寂智慧無礙
四修治中三昧等者淨影云三昧常寂止行深也智慧無礙觀行勝也與師心住止觀三毒何起故成對治
無有虛偽諂曲之心和顏愛語先意承問

二無有下明化他中虛偽等者淨影云無有諂曲明離心過言和顏者明離身過愛語先問明離口過與師所言諂曲者是小煩惱光記云諂謂能令心曲為性由此不能如實自顯為諂彼人或矯非撥彼人怨家令彼歡喜為諂他人或設方便種種現相令解不明故名為諂上心離此惑身口豈惡故云和顏愛語等也雖舉身口終歸意業是故以為離煩惱段
勇猛精進志願無倦專求清白之法以惠利羣生
二勇猛下明修善法於中有三初無間修次恭敬下恭敬修三住空下行成證修初文中勇猛等者今依法位憬與等意精進有三一勇猛精進誓不怯故二加行精進加修進故三無息精進修不息故今之三句如其次第三精進也
恭敬三寶奉事師長以大莊嚴具足衆行令諸衆生功德成就
次文中恭敬等者憬與云恭敬三寶即福方便奉事師長

則智方便大莊嚴者福智二嚴已成就故備施等之衆

聖行也淨影

住空無相無願之法無作無起觀法如化

三行成中空無相等者如序中釋無作等者無作空

因無起空果如化用譬如義寂云因無作者果

無起者作起無實故如化也又憬興云因無實用

故云無作果無真體故云無起既無實體用故

觀如化抄但淨影云無作空果無起空因證法非無

故云如化意取

遠離塵言自害害彼彼此俱害修習善語自利利人

我兼利

三遠離下明離惡業於中有初二初明離過次

修習下明攝治也離過攝治俱有身口翻對可知

初文中麤言者問爲限惡口將通口四自善準之

答約對善語云麤言故可通口四身業亦爾對

利云害者只是損功德義故通身二又解於

口四中舉惡口一而顯餘二身過亦爾唯舉殺

業而顯盜姪

棄國捐王絕去財色自行六波羅蜜

四棄國下明修善業於中初二初明自利次教人

下明利他也初文中財色等者財謂財寶色謂女色淨

心誠觀云一切苦因果財色爲本已故絕去

教人令行

次文可知

無央數劫積功累德

二無央下總結身行如文應知

●第三隨其生處下明勝果即前二地已上習果之勝

用也於中有二

隨其生處在意所欲無量寶藏自然發應教化安立

無數衆生住於無上正眞之道

初明勝依果是則依前淨土之因先感此果次或

爲下明勝正果是亦依前法身之因先得此果初

文中隨其等者自得勝財以財利生令入佛道

或爲長者居士豪生尊貴或爲利利國君轉輪聖帝或

爲六欲天主乃至梵王

次文亦二初明功德果次於一下明智德果初文有

二先明生勝次口氣下明身勝初中亦三先列勝

生次常以下明勝行三如是功德下結初列中有三

類八種勝人類中有其四種一長者者觀音經疏下

云長者身者應釋十長者取外有仁德內合法

門頌疏云巨富長者韓子云重厚自居謂之長者

風俗通云耆年德艾事長於人二居士者觀音經疏

云居士多積賄貨居業豐盈助宣記下云淨名疏云

外國居財一億稱下居士乃至百億名上居士此

土居家德素亦名居士三豪姓者淮南子云智

出百人謂之豪千人謂之傑也四尊貴者釋迦譜

云刹利王種最爲高貴上如阿難等國王類中有

其二種一刹利者輪王以外大小王也刹利呼姓國

君呼名翻譯名義集云刹利帝利肇曰王種也秦言田主

劫初人食地味轉食自然粳米後人情漸僞各有

封植遂立有德處平分田此王者之始上二輪王

者俱舍云由輪旋轉威伏一切名轉輪王已有

四輪王云天人類中有其三種一欲天者其相可知

二梵王者淨名疏云梵是西音此云離欲或云淨行

又云梵王是娑婆世界主住初禪中間禪也毗曇云二

禪已上無言語法故不立王法璣珞禪皆有梵

王次第禪門云佛於仁王經說十八梵應有民

主之異又云四禪中有大靜王而佛於三藏中但

說初禪有大梵天王者以初禪內有覺觀心則

有語言法主領下地衆生爲便

常以四事供養恭敬一切諸佛如是功德不可

稱說

二三兩科如文可知

口氣香潔如優盜羅華身諸毛孔出梅檀香其香普

熏無量世界容色端正相好殊妙

次明身勝中亦有二初舉勝德次其手下明其勝

用二如是下結初文中優盜羅華者玄贊云青蓮華

正文梅檀香者梵云梅檀此翻與樂謂夏時冷冬

時燭故
其手常出無盡之寶衣服飲食珍妙華香繪益幢幡莊嚴之具

次文中其手常出等者準上四事供佛之文應言供養一切諸佛文無略也故淨影云手出供具供養諸佛義寂云施諸有情供養三寶如是等事超諸天人

三結文可知

於一切法而得自在
次明智果中一切法等者法得自在智所成故上來分科大旨依於淨影憬興然義寂釋配十地行謂從發斯弘誓已下至無衰者為初地行於中願因願果成就從於不下至觸法者為二地行戒度成故從忍力下至承問者為三地行忍度成故從勇猛下至成就者為四地行進度成故從住空下至兼行者為五地行定度成故從棄國下至令行者為六地行慧度成故從無央下至發

應者為七地行方度成故從教化下至稱說者為八地行願度成故從口氣下至世界者為九地行力度成故從容色下至自在者為十地行智度成故

●第二阿難白佛法藏下明所成中即有二

阿難白佛法藏菩薩為已成佛而取滅度為未成佛為今現在佛告阿難法藏菩薩今已成佛現在西方去此十萬億刹其佛世界名曰安樂
初明勝報次又其下明極樂也初文亦二先總明所成次佛告阿難無量下別明所成初文亦二先明佛身次其佛下約身明所居初中亦二先明果成次阿難又問下明久近初文中十萬等者實積小經同云十萬又稱揚諸佛功德經云西方去此十萬億佛刹有世界名曰安樂其國有佛號阿彌陀如來已問覺經云正在西方去是閻浮利地界千億萬須彌山佛國莊嚴經云百千俱那由他佛刹稱讚請觀音經云過二十恒河沙佛土十住斷結經云西方

去此無數佛土有佛名無量壽已相違如何答經經異說不須和會但義寂會云千億萬者謂千億至萬此就一四天下國土而說文云須彌山佛國故此經云十萬億者謂億至十萬此言億者應是千萬為億即當俱那之數舊經論中俱那之數多翻為億如三千大千世界舊經云百億新譯云百俱那故知此億即當俱那非洛叉也若十萬為億應云億億云何言十萬億觀音授記經云億百千者亦是十萬億也故此經與舊本不同者以億數中多少不同或以十萬為一億或以百萬為一億或以千萬為一億所言千億萬者依十萬為一億也千億即是一該此該至萬即是十那由他言十萬億者依千萬為一億也一億即是一經萬億即是一那由他十萬億者即是十那由他然則去此瞻部洲至安樂界過十那由他須彌山也一三千大千界中有百俱那須彌山十那由他須彌山即是十萬三千界也稱讚經云言去此世界過百千俱那

與多佛土者為千俱那與舊經同那與多言舊諸本無不可一會又要集會稱讚經云智光疏意云言俱那者此為億也那與多者當此間該數也世俗言十千曰萬十萬曰億十億曰兆十兆曰經十經曰該該猶是大數也百千俱那即十萬億億有四位一者十萬二者百萬三者千萬四者萬萬今言億者即是萬萬為顯此義舉那與多已但斷結經只舉數多不指分量故不可違請觀音經猶是異說不須和會

阿難又問其佛成道已來為經幾時佛言成佛已來凡歷十劫

次文中歷十劫者問覺經云十八劫相違如何答義寂會云八字應誤餘文皆多云十劫故憬興會云支謙經曰作佛以來十小劫意同此也而帛延云作佛以來凡十八劫者蓋其小字闕其中點矣已又玄一云因法師會小八別二說一云實小字而云八者是認何以故此經及小經皆言十劫故一云實十八然

小經中十者約大數耳若依此說無量清淨平等覺經爲正已問所言劫者大小中何答與云小劫又
 要記云今稱讚經云十大劫雙卷經云凡歷十劫
 大阿彌陀經云十小劫平等覺經云十八劫然
 有大小不同者寶唄云如雜心說六十四劫名一
 大劫俱舍云八十小劫爲一大劫依瓔珞經下卷
 亦明三劫一里二里十里乃至四十里石方廣亦然
 以天衣重三銖一人中日月歲數三年一拂此石乃
 盡名一小劫就小劫中自有一里二里乃至四十
 里也二八十里石方廣亦然以梵天衣重三銖梵天
 中百寶光明鏡爲日月歲數三年一拂此石乃盡
 名爲中劫三有八百里石方廣亦然以淨居天衣
 重三銖即淨居天百寶光明鏡爲日月歲數三年一
 拂此石乃盡名一大僧祇劫智度論攝論等云乃
 四十里城滿中芥子不樂合平百歲人取一芥
 子盡名一大劫望瓔珞經即是彼小劫抄說大
 小劫得名不定望大名小望小名大已上天台法
 要記

華疏四云從八萬至十歲爲小劫八十反爲大
 劫也已上法華玄問十劫成道爲是實成將迹佛耶
 答三部等說即明實成經釋分明然管經云昔恆沙劫
 十二光佛相繼出世如前文若對彼者可迹佛歟故靈
 芝小經疏云楞嚴勢至章云我於往昔恆河沙劫有
 佛出世名無量光十二如來相繼一劫準大本中
 即彌陀也今經大本皆言十劫乃是一期赴機之說不
 足疑矣已上問若依管經四十八願迹佛所誓迹則方
 便增上信心何得發耶答此難非也迹佛所作若無
 實者法華開權亦虛說耶本迹雖殊不思議一迹
 門顯實不違久遠故今亦可爾縱雖迹佛其願真
 實法藏悲智不違本地故況果上願豈有誤耶問若
 爾今經實成本願可不極成因位願故答此亦無
 誤已成佛故如禮讚云彼佛今現在世成佛當知
 本誓重願不虛衆生稱念必得往生已上久近他事
 於我何益只仰願力偏欣趣矣
 其佛國土自然七寶金銀琉璃珊瑚琥珀磤磤碼碯合成爲

一四〇

地依廓曠蕩不可限極悉相雜廁轉相入間光赫焜耀
 微妙奇麗清淨莊嚴超踰十方一切世界衆寶中精其實
 猶如第六天寶
 次約身明所居初二初明所有次又其下明所無
 初文中金銀等者問此文即是三十二願成就也然
 願中云無量雜寶今云七寶如何相違答實如願
 文但今且舉世之所貴故義寂云佛地論云就此
 所重且說七寶其實淨土無量妙寶綺飾莊嚴已
 曠蕩等者曠玉云苦滂反空也先也廣遠也蕩切韻云當
 朗反憬興云赫乎搭反切韻云亦也毛詩云赫赫師尹
 注云赫赫盛貌也焜胡本反切韻云火光又作焜由鞠
 反盛也曜也已上中精等者玉云精明也好也靈也正也神
 聖也已上如第六天者義寂云且舉世間欲界中勝非
 淨土寶唯如彼也故下文云設第六天王不可計
 倍正報既不相比當知依果亦然
 又其國土無須彌山及金剛鐵圍一切諸山亦無大海
 小海谿渠井谷佛神力故欲見則現

次明所無中二初正舉所無次爾時下問答決疑初
 亦有三先明無器穢次亦無地下明無趣穢三
 亦無四下明無時穢初文中大海小海等者外海名
 大內海曰小有水云溪無水名谷又寶積云亦
 無火光涌泉波湖已上但大彌陀云有燈火問觀經
 中說黃金爲渠今何云無答彼池支流此則古坎是
 故不同如憬興云注谷曰溝也渠巨居反廣雅故
 坎也字林小瀆深廣各四尺也已上欲見則現者問三十
 願長時照見十方淨穢彼穢土中有須彌等何故
 今云欲見則現答彼則影現譬如鏡像今是體現譬
 如化鳥機欲異故聖應亦別不可混亂
 亦無地獄餓鬼畜生諸難之趣
 次文中無地獄等者是第一願願成就也問地獄等亦欲
 見則現答有云山等可愛故隨樂現惡趣非愛故不
 可見現若欲見者可望樹樓無由重現云
 亦無四時春秋冬夏不寒不熱常和調適
 後文中無四時等者覺經云其國中無有一日二日

也無有十五日一月也無有五月十月也無有五歲十歲也實積云亦無日月晝夜之像
爾時阿難白佛言世尊若彼國土無須彌山其四天王及忉利天依何而住佛語阿難第三餓天乃至色究竟天皆依何住阿難白佛行業果報不可思議
次問答決疑中有五初阿難假問次佛語下如來反質三阿難下阿難實答四佛語下如來準說五阿難下阿難顯問意於中初三如文可知
佛語阿難行業果報不可思議諸佛世界亦不可思議其諸衆生功德善力住行業之地故能爾耳
四準說中衆生功德等者問覺經云佛言無量清淨佛國無有須彌山者亦如是第一四王天第二初利天皆自然在虛空中住止無所依止無所依因也上依業依空相違如何答覺經文且因順穢土說果當相今經約因明其實義住空不落有所以依業力故故能爾者問如下文者彼土實雖無人天體因順餘方有人天名何今云有四天

等耶答實如所難但今文者順阿難問且設無方適時答也懷興云日月猶有故覺經云其日月星辰皆在虛空中住止亦不復迴轉運行亦無精光也蓋雖無須彌既往生之宮故有而已以此即知彼土人空地不同諸有異釋唯勞虛言又云人天無別但遂穢土業以別人天故云因順餘方有人天之名
阿難白佛我不疑此法但爲將來衆生欲除其疑惑故問斯義
五問意文其義可知
佛告阿難無量壽佛威神光明最尊第一諸佛光明所不能及
二佛告阿難無量壽下別明所成於中有二初明佛身次聲聞菩薩下約身明徒衆初文亦二初明佛光次佛語阿難無量壽下明佛壽也初中亦四先釋迦讚嘆次無量壽佛光明下諸聖讚嘆三若有衆生下衆生稱嘆四佛言下總結嘆也初文亦二先明光明次

其有下嘆光益初文亦二先標次或有下辨初文中所不能及者第十二願願成就也問佛果平等光明何異答常同常別諸佛妙德內證雖同本願別故光有勝劣一如覺經云所以諸佛光明所照有遠近者何本前世宿命求道爲菩薩時所願功德各有自大至小至期然後作佛時悉各自得之是故令光明轉不同等諸佛威神同等耳大彌陀然吾彌陀即有光明無邊誓也
或有佛光照百佛世界或千佛世界取要言之乃照東方恆沙佛刹南西北方四維上下亦復如是或有佛光照于七尺或照一由旬二三四五由旬如是轉倍乃至照於一佛刹土
次辯中二初舉餘佛劣次是故下顯彌陀勝初文中照百等者自下料簡諸師不同淨影意云從諸佛下至刹土者舉餘佛劣從是故下至光佛者顯彌陀勝同法位義寂意云從或有一下至如是者明彌陀佛圓光之勝彌陀現身大小異故置或

言也從或有下至刹土者舉於餘佛圓光之劣從是故下至光佛者依光立名今之所謂淨影義也經文標釋願覺經及大彌陀故問照恆沙刹尙餘佛者與彌陀光有何別耶答既云恆沙刹知有限量故不可及彌陀無量無邊光也問所言佛光爲限頂光爲舉身光答今經總說舉身常光對十二光而云百界七尺等故彼十二光舉身光故然覺經及大彌陀云諸佛頂光不及彌陀頂中光明云是約圓光相對比技所以者何大彌陀云阿彌陀佛頂中光明所照千佛世界而觀經云彼佛圓光如百億三千大千世界已言千萬者即百億故知頂光即指圓光問彼佛圓光限百億者何莊嚴云無量壽佛若化圓光或一由旬二由旬乃至遍滿無量無邊無數佛刹上答化言所表似現起光若是頂中常光之外現起圓光或一由旬及無數歟
是故無量壽佛號無量光佛無邊光佛無礙光佛無對光佛燄王光佛清淨光佛歡喜光佛智慧光佛不斷光佛難思

至其然後得佛道時普為十方諸佛菩薩歎其光明亦如今也

後文中嘆其光者酬行因故

佛言我說無量壽佛光明威神巍巍殊妙晝夜一劫尙未能盡

四總結可知

佛語阿難又無量壽佛壽命長久不可稱計汝寧知乎

次明佛壽中二初標長遠次假使下寄事顯長即第十三願成就也初文可知

假使十方世界無量衆生皆得人身悉令成就就聲聞緣覺都共集會禪思一心竭其智力於百千萬劫悉共推算計其壽命長遠之數不能窮盡知其限極

次文中都猶總也禪思等者禪謂梵語即寂靜義思謂漢語即思惟義然憬興云有說梵云馱演那此云靜慮謂寂靜思慮昔禪那或訶那或云禪皆訛略也雖知昔禪那今靜慮未聞禪字復有所目良可

悲故今即禪思者專思之別言也上有說意者舊譯禪字一向屬誤興帥意者禪者專也用借音故今謂法華華嚴中說禪波羅蜜是存梵語當知西天或云馱演那或云禪那梵語輕重例如瑜伽男瑜祇聲輕重竭切韻云竭盡也

聲聞菩薩天人之衆壽命長短亦復如是是非算數譬喻所能知也

二約身明徒衆中二初明長壽次又聲聞下明數多初文中天人等者第十五願願成就也

又聲聞菩薩其數難量不可稱說

次文中二初總明多次佛語下別明初會初文亦二先舉數多次神智下嘆其德也初文可知

神智洞達威力自在能於掌中持一切世界次文中神智等者憬興云得他心智宿命說一切智智慧辯才之所成也今云說智智辯可爾攝菩薩故他心宿命其義不然攝凡夫故佛語阿難彼佛初會聲聞衆數不可稱計菩薩亦然

次別明中四初直舉多次如今下約目連辯多三譬如下開譬四佛語下合譬初文中初會等者彌陀成道最初說法爲初會例如釋迦初中後善當來彌勒三會說法問彌勒三會化度微少結緣三類之儀式也如法華義疏云彌勒有三會者度釋迦餘殘三根衆生也於釋迦佛持五戒人初會得道受三歸人次會得道一稱南無佛人三會得道復有獨與彌勒結緣更爲說法不止局於三會已上成佛經中第三梵摩越長者已外三會得脫皆淨土豈有如此別耶答因是釋迦後能植善根者也

順穢土且名初會欲顯多故初會猶爾況後會耶故嘉祥云初會尙非目連等所知豈況後兩會數可知乎又憬興云初會者偏舉不盡之言顯無數故已聲聞等者第十四願願成就也

如今大目健連百千萬億無量無數於阿僧祇那由他劫乃至滅度悉共計校不能究了多少之數

自下三科如文應知譬如大海深廣無量假使有人拆其一毛以爲百

分以一分毛沾取一滴於意云何其所滂者於彼大海何所爲多阿難白佛彼所滂水比於大海多少之量非巧曆算數言辭譬類所能知也佛語阿難如目連等於百千萬億那由他劫計彼初會聲聞菩薩所知數者猶如一滂其所不知如大海水

●第二又其國土下明極樂中大分爲二

又其國土初明依報土次阿難彼佛下約土明人初文有四

先明寶樹次亦有自然下明伎樂三又講堂下明宮殿四內外下明寶池也初文亦三先明諸樹次又無下明道場樹三佛告下比校顯勝初亦有二先列諸樹次清風下明出妙聲初文亦二先舉所依土次七寶下列能依樹初文可知

七寶諸樹周滿世界

次文有三初總標次金樹下別列三此諸下結初文應解

金樹銀樹瑠璃樹玻璃樹珊瑚樹碼碯樹磲磬樹

次文亦二初列二純寶樹二次或有二下列二雜寶樹二初文
 中玻璃樹者下除二玻璃二而舉二水精二同異思擇問所
 舉七寶其體如何答金梵云蘇伐羅即有銀梵云阿
 琉璃具云云狀琉璃此翻不遠謂去波羅奈城不少遠也
 神破之字以施入人頗梨新云三頗梨即或白或赤或火精
 故用字為寶矣頗梨亦水精即白俱舍論云日月輪下
 面頗梨迦寶火珠所成能照能照日月輪珊瑚是即寶樹此
 皆紅色也或生山中或生海底盤石之上欲取之時時
 網沉底能實出之之時有二三尺形如小樹色白
 而柔如毛宛如菌一年黃色三年赤色味甘馬腦色似
 無毒能醫目翳龍興云赤真珠蓋云珊瑚
 青赤白車渠此云勝也其色青白西國玉石之屬難云貝
 石之類今從其狀類今依三音義等略抄之而已
 或有二寶二寶乃至七寶轉共合成

次雜樹文亦二初標次或有金下列初文可知
 或有二金樹銀葉華果或有二銀樹金葉華果或琉璃樹玻
 瓊為二葉華果亦然或水精樹 琉璃為二葉華果亦然或珊
 瑚樹碼碼為二葉華果亦然或碼碼樹琉璃為二葉華果亦然
 或碼碼樹寶寶為二葉華果亦然或有二寶樹二紫金為二本白
 銀為二莖琉璃為二枝水精為二條珊瑚為二葉碼碼為二華碼

碼碼為二寶或有二寶樹二白銀為二本琉璃為二莖水精為二枝珊
 瑚為二條碼碼為二葉碼碼為二華碼碼為二寶或有二寶樹二珊
 瑚為二本水精為二莖珊瑚為二枝碼碼為二條碼碼為二葉紫
 金為二華白銀為二實或有二寶樹二水精為二本珊瑚為二莖碼
 碼為二枝碼碼為二條紫金為二葉白銀為二華琉璃為二實或
 有二寶樹二珊瑚為二本碼碼為二莖碼碼為二枝紫金為二條白
 銀為二葉琉璃為二華水精為二實或有二寶樹二碼碼為二本碼
 碼為二莖紫金為二枝白銀為二條琉璃為二葉水精為二華珊
 瑚為二實或有二寶樹二碼碼為二本紫金為二莖白銀為二枝珊
 瑚為二條水精為二葉珊瑚為二華碼碼為二實此諸寶樹行行
 相值莖莖相望枝枝相準葉葉相向華華相順實實相當榮
 色光耀不可勝視

次文中衆寶為葉者問準上應云珊瑚為葉一何云
 衆寶答上二寶樹下七寶樹今為欲顯三寶乃至
 六寶樹故總云衆寶二寶乃至七寶諸樹各有七
 七四十九本今舉少分得意應知枝條等者條玉
 云小枝也

清風時發出二五音聲二微妙宮商自然相和

二出妙聲中五音聲者法位一義云出五音聲者一諦了
 二易解三不散四無厭五悅可已興師破之云今云次
 下既云宮商一定知宮商角徵羽也故影寂興一同作
 此解法位一不可異解問五音相何答此之五音攝一
 切也謂宮土音土用也中央也王也商金音秋也西也臣也妙觀
 角木音春也東也民也大圓徵火音夏也南也人音也平調也
 萬物也成所作智也禮樂注曰宮為君商為臣角為民徵
 為事羽為物五者不亂則無怙懣之音矣上五音
 若亂天下危衰聲作佛事豈亂五音五會讚云問
 曰五會念佛出在何文答曰大無量壽經云乃出其
 音聲微妙宮商自然調和上問音聲何別答禮樂注曰宮
 商角徵羽雜比曰音單出曰聲

又無量壽佛其道場樹高四百萬里其本周圍五十由旬枝
 葉四布二十萬里
 次道樹中三初明樹相次微風下出聲說法三其聞下
 見聞獲益初文亦三先明量相次一切下明其體相

三以月下明莊嚴相初文中四百萬里者問此道樹量
 與佛身量不相稱何答如前已釋第二十八願
 成就故

一切衆寶自然合成
 次文可知

以月光摩尼持海輪寶衆寶之王而莊嚴之周而條
 間垂寶瓔珞百千萬色種種異變無量光燄照耀無
 極珍妙寶網羅覆其上一切莊嚴隨應而現
 後文中月光等者月光持海同摩尼名月光約用持海
 約德千手經云日精摩尼月精摩尼
 微風徐動吹諸枝葉演無量妙法音聲其聲流布
 徧諸佛國

次出聲文可知
 其聞音者得深法忍住不退轉至成佛道耳根清
 徹不遭苦患

三獲益中二初他方益次目親下自土益初文中聞音等
 者問他方亦有見智等耶答聲遍他方故有聞益

樹體未遍何有見等若約機空見知無方
目觀其色耳聞其音鼻知其香舌嘗其味身觸
其光心以法緣一切皆得甚深法忍住不退轉至
成佛道六根清徹無諸惱患

次文亦三初明緣樹得忍次阿難下列得忍別三
此皆下明得忍由初文中目觀等者第四十一願成就
也舌嘗等者問變易淨土何有段食答自然飽足且
名嘗味實無段食禪為食故

阿難若彼國人天見此樹者得三法忍一者音響忍二
者柔順忍三者無生法忍

次文中見此等者問上經六根結法忍益今何限
見答舉一顯餘音響等者諸師異解淨影云慧心安
法名之為忍乃三地已還尋聲悟解起聲知響名
音響忍三地已還捨詮趣實名柔順忍四五六地
證實離相名無生忍憬興破云初地已去皆已證
實應無尋聲趣實異故今即尋樹音聲從風
而有而非實故得音響忍柔者無乖角義順者不

違空義悟境無性不違於有而順空故云柔順
忍觀於諸法生絕四句故云無生忍法位又義
寂云音響忍者十忍品云若聞真實法不驚不怖不
畏信解受持愛樂順入修習安住是為第一隨順音聲
忍即是音響忍也隨順忍即彼文云此菩薩隨順寂
靜觀一切法平等正念不違諸法隨順深入一
切諸法清淨直心分別諸法修平等觀深入具足
是為第二順忍無生法忍者又彼文云此菩薩不見
有法生不見有法滅何以故若不生則不滅若不
滅則無盡若無盡則離垢若離垢則無壞若無
壞則不動若不動則寂滅至是為第三無生法
忍至乃又音響者即是五忍中第二信忍故至在初二三
地又可攝攝地前伏忍柔順忍即是五忍中第三
忍也此忍位在四五六地無生法忍即是第四忍位
在七八九地又可攝攝第十地中寂滅忍也上如
此釋者忍依華嚴位依仁王而判此經云一即
舉法位淨影而不取捨今且可依憬興之釋問

興意今忍在何位耶答今無所判若準上釋應
是三賢委如前引

此皆無量壽佛威神力故本願力故滿足願故明了願故堅
固願故究竟願故

後文中威神等者依此六由能得三忍然諸師釋或
同或異且淨影云威神力者由彼如來現在威力故

私云寂位下同本願力等由其過去本願之力故本
願是總餘四是別者即往誓願之力他方菩薩聞名得忍恐
亦自土滿足願者顯心圓滿故寂位與同云四十八願無
願減明了願者求心顯著私云寂位與同云四十八願無
堅固願者緣不能壞云無退轉進所成就故故一願之
願者終成不退私云寂位與同云四十八願無願減

三忍已問本願力者為通六八為指一願答舉
總顯別但憬興云其文意云指第四十八云本願
然彼他方聞名得忍此則自土見樹得忍彼此雖異
彼本願益恐亦可通自土益故乘彼願力得此法

忍云若爾上文約見樹邊為第二十八願成就
約得忍邊為第四十八願成就
佛告阿難世間帝王有百千音樂自轉輪聖王乃至
第六天上伎樂音聲展轉相勝千億萬倍第六天上萬種
樂音不如無量壽國諸七寶樹一種音聲千億倍也
三比校顯勝文可知

亦有自然萬種伎樂
次亦有下明伎樂中三初總標舉次又其下顯法音
妙三十方下明音聲勝初文中自然等者憬興云於
虛空不從樹風而有故云自然上伎樂者玉云伎
與也廣云舒散也
又其樂聲無非法音清揚哀亮微妙和雅十方世界音
聲之中最為第一

次文中清揚等者義寂云清者清淨聞者不生濁染
心故揚者宣揚由能宣揚實相法故哀者悲哀聞
者能生大悲心故亮者明亮由能開發智慧明故
微者微密其音微密如梵響故妙者妙善其音妙

善似鸞聲故和者調和音韻尅調宮商和故雅者雅正其音雅正順佛法故

又講堂精舍宮殿樓觀皆七寶莊嚴自然化成

三又講下明宮殿中二初明體相次復以下明莊嚴相初文中講堂等者於中說法謂之講堂言精舍者輔行云精者米春名也舍者逆之糟糠還詮佛道故云精舍已宮殿等者辯正論八云釋名云天子所居曰宮諸侯所居曰第曰宅止客曰館集賢曰觀今以都宮而爲觀者非其義也釋名云觀者於上觀望也

復以眞珠明月摩尼衆寶以爲交露覆盃其上

次文中眞珠等者問明月摩尼爲同爲異答此義難定大彌陀云明月珠鉢摩尼珠鉢云準此文者眞珠明月是一珠名非摩尼也又法華云眞珠瓔珞摩尼珠瓔珞難引大論云眞珠出魚腹中或竹中或蛇腦中已上林賦云明月珠子均璣江靡廣州記云鯨鮪目明月珠注云鯨魚死其目化爲明月珠圖經云廉

州邊海中有洲嶋嶋上大池謂之珠池探老蚌割取珠漢書云珠蚌中陰精隨月孕虛也今南海之交趾合浦所產已又千手經云月精摩尼準之明月摩尼一珠名也探玄記云摩尼者珠通名云交露者交露湯也字林云澆幕絃似垂露

內外左右有諸浴池或十由旬或二十三十乃至百千由旬縱廣深淺各皆一等

四內外下明寶池中二初明池相次波揚下出聲說法初文亦四先明量相次八功下明水相三黃金下明莊嚴相四彼諸下資用無礙初文中內外等者宮殿內外故覺經云所居七寶舍宅中外內處處皆復自然流泉浴池大彌陀又要集云宮殿樓閣內外左右各皆一等者十由旬池縱廣深淺亦十由旬如覺經云浴池長四萬四千里廣亦四萬四千里已上百千準之

八功德水湛然盈滿清淨香潔味如甘露次文中八功德者如定善義今舉三德湛然者玉云湛然露盛貌水不流也

黃金池者底白銀沙白銀池者底黃金沙水精池者底琉璃沙琉璃池者底水精沙珊瑚池者底琥珀沙琥珀池者底珊瑚沙碎磈池者底碼磈沙碼磈池者底碎磈沙白玉池者底紫金沙紫金池者底白玉沙或一寶二寶乃至七寶轉共合成

三文亦二初衆寶莊嚴次其池下衆華莊嚴初文中黃金池等者問所列寶池爲二寶池將爲純池若一寶者下文何云或二寶耶若純池者既以二寶莊嚴如何答覺經云純白銀池者其底沙黃金也又云有二寶共作一池者其水底沙皆金銀也中復有二寶共作一池者其水底沙者皆金銀水精也此約底沙說純雜也若準之者應是純池但金池等者約池岸歟小經云有七寶池八功德水充滿其中池底純以金沙布地事讚釋云底布金沙照異光已或今約岸說純雜歟名金沙等故如是衆寶合成莊嚴第二十二願成就也其池岸上有梅檀樹華葉垂布香氣普熏天優蓋羅華盃

曇摩華拘物頭華分陀利華雜色光茂彌覆水上

次文中香氣等者亦三十二願成就也天優鉢羅華等者所言天者褒美之詞被下四華其四華者法華玄贊云新譯經說青黃赤白四色蓮華云優鉢羅華拘某陀華鉢特摩華芬荼利華如次配之已上新譯華嚴音義云優鉢羅華具云尼羅烏鉢羅尼羅者此云青烏鉢羅華號也其葉狹長近下小圓向上漸尖佛眼似之經多爲喻其華似藕梢有刺也拘物頭華莖有刺色或赤白已大菩薩藏經云舊言波頭摩又作波頭暮此云赤蓮華也

彼諸菩薩及聲聞衆若入寶池意欲令水沒足水即沒足欲令至膝即至于膝欲令至腰水即至腰欲令至頸水即至頸欲令灌身自然灌身欲令還復水輒還復調和冷煖自然隨意四資用中五初淺深無礙次調和冷煖得中三開神下開神除垢四清明下淨無塵穢五微瀾下迴流相注初二可知

開神悅體蕩除心垢

三文中蕩除心垢等者問水除身垢何云心垢答懽
興云心垢者煩惱之名唯慧所除而言水除者觸
水為發慧蕩除故

清明激潔淨若無形實沙映徹無深不照

四文可知

微瀾迴流轉相灌注安詳徐逝不遲不疾

五文中安詳者法華音訓云詳似羊反審也

波揚無量自然妙聲

次出聲中四初正出聲次隨其下聲應物心第四十六
願成就也三隨順清下能生善物四無有下能生善
樂初文可知

隨其所應莫不聞者

次文中三初標次或聞下列三如是下結初標可知
或聞佛聲或聞法聲或聞僧聲或寂靜聲空無我聲

大慈悲聲波羅蜜聲或十力無畏不共法聲諸通慧聲無所
作聲不起滅聲無生忍聲乃至甘露灌頂眾妙法聲

次文中波羅蜜者此翻到彼岸六度用也十力等者
如傳通記諸通慧聲等者玄云言通慧音者六通
音言無所作音者無實因所作音言不起滅音者
無實果起滅故言甘露灌頂眾妙法聲者授佛記聲
謂第十地已又通慧者是定慧也
如是等聲稱其所聞歡喜無量
結文可知

隨順清淨離欲寂滅真實之義

三生善中二初明順果次隨順通下明順因初中亦

二先順涅槃次隨順三下順菩提初文可知

隨順三寶力無所畏不共之法隨順通慧菩薩聲聞所
行之道

次文中三寶者如傳通記

無有三塗苦難之名但有自然快樂之音是故其國
名曰安樂

四生樂中三初明無苦次但有下明其有樂二是故
下舉名結德文並應知

阿難彼佛國土諸往生者具足如是清淨色身諸妙音
聲神通功德

二阿難彼佛下約土明人中亦有二初明新往報

勝次其諸聲聞下明舊住報勝初文亦二初正報勝
次所處下依報勝也初文中清淨等者已下三句如其

次第一身口意也真金色故色清淨也即第三願成就
也具諸相故身清淨也即二十一願成就也辯無礙故

音聲妙也即第三十願成就也具六通故意功德也第
五六七八九十願願成就也

所處宮殿衣服飲食眾妙華香莊嚴之具猶第六天自然
之物

次文亦二初資具勝次若欲下資用勝也初文中所處等
者第二十七願成就也猶第六天者問下文云第六天王

比菩薩聲聞不相及逮不可計倍今何云如第六
天耶答欲界天中第六勝故且舉分喻然淨名疏二

云西方淨土亦同居淨也彼經舉第六天為類故其
寶猶如第六天寶是恐不然何故但執今之分

喻忘下按量依正二報應相稱故況莊嚴云又他
化自在天等及色無色界一切威勢對極樂土悉皆不
現

若欲食時七寶蓋器自然在前金銀琉璃磲碼碼珊瑚
瑠璃珀明月真珠如是諸蓋器隨意而至百味飲食自然盈

滿雖有此食實無食者但見色聞香意以為食
自然飽足身心柔軟無所味著事已化去時至復現

彼佛國土清淨安穩微妙快樂次於無為泥洹之道
次文中次於無為等者論註云不斷煩惱得涅槃分已故

云次也如淨業記云泥洹亦云涅槃此云滅度
次猶近也

其諸聲聞菩薩天人智慧高明神通洞達咸同一類形無
異狀但因順餘方故有天人之名

次舊住報勝中二初正報勝次佛告阿難無量壽下依報
勝也初文亦三先明內外勝次顏貌下明超羼土

三佛告下比按顯勝初文中智慧高明等者乘智慧願
故高明也乘六通願故洞達也乘第四願故一類也

如是等願願成就。故問若爾何分菩薩聲聞人天別乎答菩薩聲聞約其內證薄地凡夫名為人天人天之名因順餘方云因順等者義寂云問人天雖無別因餘方故有亦可男女雖無異順餘方亦有答女必為穢器五礙故彼無人天更互勝因餘彼並有因順餘方有其二義一隨本業謂往生者或有資人業生或有資天業生雖生彼時無異狀因順本業有人天名二因居處謂彼土中或有依地居或有空居雖彼果報無異狀隨其所處有人天名故舊本云其國中無有須彌山其日月星辰第一四天王第二忉利天皆在虛空中因順二義與師亦同如前引也顏貌端正超世希有容色微妙非天非人皆受自然虛無之身無極之體

次文中非天等者覺經云亦非世間人之身體也又非天上之身體也自然虛無等者義寂云非胎藏所生育故自然非飲食所長養故虛無非老死

世不植德本積財不施富有盈但欲唐得貪求無厭不百修善犯惡山積如是壽終財寶消散苦身聚積為之憂惱於己無益徒為他有一無善可怖無德可恃是故死墮惡趣受此長苦罪畢得出生為下賤愚鄙斷極示同人類所以世間帝王人中獨尊皆由宿世積德所致慈惠博施仁愛兼濟履信修善無所違諍是以壽終福應得昇善道上生天上享茲福樂積善餘慶今得為人適生王家自然尊貴儀容端正衆所敬事妙衣珍饈隨心服御宿福所追故能致此

次文中底極下者憬興云底者最也下者陋下也食趣者大般若音訓云趣僅也人理殆盡者切韻云理者分也正也道也義寂云雖在人報人業垂盡故殆盡者猶垂盡也憬興云殆徒改反近幾也玄一皆坐等者玄一云坐謂罪也謂相緣罪也蒼韻篇云坐辜也鹽鐵論曰什伍相連親戚相坐若引根本而及葉華傷小指而累四體是也即是相由義同與唐者憬興

所殞沒故無極嘉祥云以神通無所不至故無極之體如光影故虛無之身憬興云虛無無極者無障故希有故如其次第玄一云言虛無者橫無礙障故言無極者縱無衰退故

佛告阿難譬如世間貧窮乞人在帝王邊形容容狀寧可類乎

三比校中五初貧人比粟散王次計如下粟散王比輪王三轉輪聖王威相下輪王比忉利四假令下利比他化五設第下他化比聖衆初文亦三先如來問次阿難白佛下阿難答二佛告阿難下如來述成初文中帝王等者問指何王耶答淨影云將貧人對粟散王憬興轉輪聖王以外皆名粟散王四分律云壹摩至淨飯七代皆粟散又補註云人王中輪王為大餘粟散王為小

阿難白佛假令此人在帝王邊羸陋醜惡無以為喻百千萬億不可計倍所以然者貧窮乞人底極下衣不蔽形食趣支命飢寒困苦人理殆盡皆坐前

云虛也無善可估等者問善德何別答善者十善德者五德憬興云估胡古反福也示同等者義寂云謂視外相同於人類內實無有人道可錄示者視也享茲等者義寂云響茲福樂者謂受此福樂或云響當作享享者當也受也又案字書響訓亦屬此福樂義亦無爽已服御者有云服謂衣服御謂車馬云今謂不爾準上句者服謂著服著妙衣也御謂勸御勸珍饈也切韻云御進也

佛告阿難汝言是也

三述成文可知

假如帝王雖人中尊貴形色端正比之轉輪聖王甚為鄙陋猶彼乞人在帝王邊也

二比輪王文亦可見

轉輪聖王威相殊妙天下第一比之忉利天王又復醜惡不得相喻萬億倍也

三比忉利中比之忉利等者玄一云今此輪王醜忉利天好然餘經云頂生王與忉利王無別所以不同

者因法師二說一云約實大別就對餘人一殊勝
故不能別見一耳一云亦有輪王與天王無別如
頂生王然此文從多故此而明勝劣
假令天帝比第六天王百千億倍不相類也設第六天
王比無量壽佛國菩薩聲聞光顏容色不相及速百千
萬億不可計倍

四五兩科文並可見

佛告阿難無量壽國其諸天人衣服飲食華香瓔珞繪盃
幢旛微妙音聲所居舍宅宮殿樓閣稱其形色高下大小
或一寶二寶乃至無量衆寶隨意所欲應念即至又以
衆寶妙衣徧布其地一切天人踐之而行

二佛告下明依報勝中亦六初資具稱身次或一下衆
寶隨心三又以下寶衣布地四無量寶下寶網羅覆五自
然德下德風吹鼓六又衆寶下寶華充滿初二三段如
文可見

無量寶網彌覆佛土皆以金縷真珠百千雜寶奇妙珍
異莊嚴交飾周匝四面垂以寶鈴光色晃耀盡極

嚴麗

四寶網中晃者切韻云晃故廣反明貌玄一云晃明也
自然德風徐起微動

五德風文一初總標德次其風下別列德於中亦四
初風體調和次吹諸下出聲說法三風觸下觸身生樂四
又風吹下吹華滿國

其風調和不寒不暑溫涼柔軟不遲不疾
初文可知

吹諸羅網及衆寶樹演發無量微妙法音流布萬種
溫雅德香其有聞者塵勞垢習自然不起

次文中溫雅等者憬興云得中之狀
風觸其身皆得快樂譬如比丘得滅盡三昧

三文中風觸等者玄一云約實而論對前衣服等而
生勝樂然且約一相故風中方說上第三十九願
成就也

又風吹散華徧滿佛土隨色次第而不雜亂柔軟
光澤馨香芬烈足履其上陷下四寸隨舉足已還

復如故華用已訖地輒開裂以次化沒清淨無遺
隨其時節風吹散華如是六返

四文中馨香等者唐云香之遠聞玄一云馨音賢映盛香
也上芬烈者玄一云上音敷雲香和下音力哲光也美
也略陷下四寸等者覺經云華墮地皆厚四寸華適少
萎則自然亂風吹萎華自然去寶積經云華飄成聚

高七尺乃至若諸有情足踏彼華沒深四指隨其舉
足還復如初過晨朝已其華自然沒入於地舊華
既沒大地清淨更雨新華還復周遍如是中時晡時
初中後夜飄華成聚亦復如是已陷切韻云墜入也六
返者玄一云約經一夜也

又衆寶蓮華周滿世界

六寶華文亦四初明華滿次一寶下明多葉三其
華光下明多光四一光下明出佛初文可知

一寶華百千億葉
次文中百千億葉者問佛座尚八萬四千葉池華何有
百千億耶答隨緣不定

其華光明無量種青色青光白色白光玄黃朱紫色亦
然暉暉煥爛明曜日月一華中出三十六百千億
光

三文中青色等者青白玄黃朱是正色如次東西北中
南故紫者間色黑所剋故今舉紫一顯綠紅碧助
宣記上云正色謂五方之色也間色謂綠紅碧紫黃

色也此由五行相剋而成皇侃云青是東方正綠是東
方間東爲木木色青木剋土土色黃並以所剋爲
間故綠色青黃也赤是南方正紅是南方間南爲火

火色赤火剋金金色白故紅色赤白也白是西方正碧
是西方間西爲金金色白金剋木木色青故碧色青白
也黑是北方正紫是北方間北方水水色黑水剋火火

色赤故紫色赤黑也黃是中央正駟黃是中央間中央土
土色黃土剋水水色黑故駟黃色黃黑也玄者玉云
玄黑色暉暉等者憬興云暉于鬼反說文盛明貌也暉爲
韶反華光盛也暉爲輒反草木華貌煥者明也爛者文章
鮮明也玄一義寂云暉于匪反暉爲儼反煥呼探反爛力

且反障障者嚴盛也煥爛者炳著也上生疏云炳然者煥爛之異名也上三十六百千億光者問華座光多此光少何答隨緣不定

一光中出三十六百千億佛一身色紫金相好殊特一諸佛又放百千光明普為十方說微妙法如是諸佛各各安立無量衆生於佛正道
四出佛中亦四初光出多佛次一諸下多佛放光三普為下各說妙法四如是下各利衆生文並可見上來第二所成已竟
佛說無量壽經卷上

無量壽經鈔卷第六 盡勸修行

望西樓沙門 了慧 述

佛說無量壽經卷下

曹魏天竺三藏康僧鎧譯

○第三佛告阿難其有衆生下明所攝中分為二佛告阿難其有衆生彼國者皆悉住於正定之聚所以者何彼佛國中無諸邪聚及不定聚
初明悲化次佛告阿難汝起下明智慧也初文為二先明凡夫往生次佛告阿難無量壽下明聖人往生三佛告阿難彼國菩薩下明欣厭境界初文亦三先總舉正定聚益次十方下別明念佛利益三佛告阿難十方下總辨往生因緣初文中住於正定等者第十一願願成就也不問萬行生因不同往生凡夫皆不退故二定聚義聖教不同小乘如常依大乘者諸論亦異且如釋大衍論一云有二種一者十信前名邪定聚不信業果報等故三賢十聖名正定處說所謂一切善惡凡夫乘佛願力生彼國者處不退故悉無退者是名正定處不退故無流轉類是說無邪處不退故無或退者是云無不定大師云坐時即得無生忍一念迎將至佛前法侶將衣競來著證得不退入三賢已坐時無生指處不退三賢已前之所得故又群疑論四云今生西方無有惡緣或造無間之罪入邪定聚位行雖淺唯遇勝緣一念念進修大乘聖道決定無退故得名為正定聚也不得同一同彼娑婆退轉之處判阿鞞跋致及正定聚位地高下即令淨土無退轉處同於此方也已要決亦判處不退矣
十方恆沙諸佛如來皆共讚歎無量壽佛威神功德不可思議
次念佛利益中二初諸佛讚嘆次諸有下念佛往生初文中十方恆沙等者第十七願願成就也嘆佛名號攝凡夫故
諸有衆生聞其名號信心歡喜乃至一念至心迴向願

聚不退位故十信名不定聚或進或退未決定故二者十信前并十信名邪定大覺果名正定三賢十聖名不定三者十信前名邪定十聖名正定十信三賢名不定馬鳴菩薩順彼初門抄略因茲諸師異解亦區且如淨影約數論大分別三種如義寂者依婆沙及十地瑜伽分五種欲知開釋云然淨影義雖被與破其中大乘全同釋大衍論初說不可為非況淨影釋今正定云莫問大乘小乘衆生彼國者皆住正定所以下釋彼無邪定及不定聚故皆正定已此釋無失依經文故然興破云善趣已前既名邪定若生彼土即住正定者應越十信即入習種必無此義故若生彼土不即入習種位故無有此各者還有一彼土不定聚故已此破未了彼由今經無不定文顯生得故若約位者豈無不定當知淨影深得理也舉要言之決定流轉名邪定聚決定不退名正定聚隨緣不定名不定聚然今三聚約所

生彼國即得往生住不退轉唯除五逆誹謗正法

次文中聞其名號等者第十八願願成就也問所言一念心中何答是起行也問看今文勢至心迴願標為一念故義寂云第三至願易往文中乃言一念者以事究竟為一念非唯生滅剎那等謂聞佛名歡喜迴向願生此事得成以為一念已況實積云聞無量壽如來名號乃至能發一念淨信歡喜愛樂所有善根迴向願生已一念淨信說其安心所有善根即起行故答今文不爾謂聞諸佛所嘆名號生歡喜故即稱念於所聞名號既有念佛大功德故至心迴向即得往生文相顯著勿生疑滯但實積經譯言不正不可指南又一念者舉稱名行所有善者指彼一念次寂寂釋用否在時間莊嚴經云聞彼佛名發清淨心憶念受持歸依供養此說餘行答異譯不同不須和會唯除等者亦是抑止而非實除問抑止門者對攝取文且設會通然淨土經未

說逆者一念往生既無攝取何云抑止答此難非也謗法雖無攝取之文屬抑止故問若爾逆一亦可生耶答如傳通記云凡案宗意抑止等者唯存逆者攝不攝義未論十念之滿不滿其滿不滿感師異義不關京師若抑止亦在念數者謗者十念實不可生謗罪重故若不生者何同逆者而云抑止當知逆謗一念往生彌陀願力難思益也佛告阿難十方世界諸天人民其有至心願生彼國凡有三輩

三因緣中亦二初總標次其上下別說初文中凡有三輩者黑谷云第十九願願成就也問此經三輩觀經九品為同為異答諸師異義天台義寂孤山靈芝並云不同鸞師嘉祥淨影法位龍興憬興源清悉存同義彼不同義亦不一準謂靈芝意三輩之中攝上三品不攝餘六無菩提心故此師依用天台釋也又義寂意於上輩攝上上中全及上下少分於中輩攝上下二分於下輩攝下品三生然中三品一向不

攝又孤山意三輩中攝上中六品不攝下三善惡異故又存同師非無差異所謂嘉祥觀經疏中明全同義大經疏文似存不同謂上輩人同上中品彼此俱乘七寶華故中輩人同上中中俱佛迎故下輩人同下品下生俱十念故又淨影意如輩品同其機亦同謂中三品臨終之時發菩提心下三品人始學大故二經各說一機始終故非別機憬興不爾輩品雖同機類別故即會中輩機不同云中輩之內自有多類二經各談其一無違已然龍興存二義一義同興一義意云下六品機生彼土後當發心故云當發心非說別機又源清意會中輩云彼大本據長時始終故云不能出家當發心等觀經據短時故云一日一夜具戒異解如斯然宗家釋雖無所判今義推之存同義歟若存異者可有簡別既無簡別明知二經三輩是同唯識論云義有異者皆別說故選擇云開合異也但會二經說相異者三輩之中自有多類二經各

說其一而已問且就中輩大小多類雜居不明若發大乘菩提心者可生上輩何在小機所生中輩答就萬行機大分有三所謂極上極下處中大極上生上輩內大小處中生中輩內大小極下生下輩內生後得益順因不同故有九九八十一品如宗要等云問淨影之意三輩往生為唯凡夫為通聖人若唯凡者判上中輩為地上及小聖往生若通聖者自分科云自下第二明其所攝至文中有一攝下人同往彼國二無量壽威德無極下攝取上人同往彼國三彼國菩薩皆當究竟一生已下重攝下人同生彼國四彌勒白佛於此世界幾許菩薩生彼已下重攝上人同生彼國已既對聖人往生而名下人往生明知唯凡答通聖人者解釋分明但下人者未知其意無明判故但彼疏云攝取下人正明所益攝取上人彰彼國勝增人慕求已今推此釋不論凡聖求往生益從娑婆去總名下人諸大菩薩為勸人

慕求而往詣 彼土名上人 歟若爾攝取下人等者非謂唯凡往生而已 但未決定學者思擇問與意如何答懷與明許 三輩九品凡夫往生故彼釋云一凡小往生二大聖往生 言凡小者指三輩故問若爾何故不破淨影答相違雖多不必悉破以恐繁故

其上輩者

次別說中三初明上輩次其中下明中輩三其下下者明下輩初文亦三先舉次捨家下辨二是故下結勸初文可知

捨家棄欲而作沙門發菩提心一向專念無量壽佛修諸功德願生彼國

次文亦四初明生因次此等下明生緣三即隨下明往生四住不下明生後得益初文中捨家等者問捨家棄欲即出家義何重亦云作沙門耶答有心捨家欲而身非沙門如淨名等有心有家欲而身是沙門如汗道沙門有心捨家欲而身亦沙門

如阿難等今簡初一故非重疊所言欲者即指色欲故覺經云捨妻子斷愛欲言沙門者持戒為儀故覺經云齋戒清淨此等修因總有五因一者捨家棄欲而作沙門二者發菩提心三者一向專念四者修諸功德 六波羅蜜 五者願生安樂前四起行後一安心此心行為行者內因於中念佛本願行故勸云一向委如選擇及決疑鈔云

此等衆生臨壽終時無量壽佛與諸大衆現其人前

次文中現其人前者佛之來迎行者外緣準群疑論可有勝劣勝來迎者迎念佛機即三緣中增上緣故以為勝也劣來迎者迎餘行機非三緣中增上緣故名為劣也當知因緣和合能成往生大事一闕不可如序題門云上來兩科即其意也中下準之

即隨彼佛往生其國便於七寶華中自然化生

三文中自然化生者問準穢土者華中所生可濕生何答藥師經疏云問涅槃經云菴羅樹女迎不多樹女等因樹華而生名為濕生今淨土中亦

因蓮華而生何故乃名化生答穢土中諸艸木等人未託生之前先自藉濕氣而生常有濕氣後時菴羅女等託此菴羅濕等而生故名濕生淨土中蓮華與人同時無而忽有若人若華俱不因此濕氣而起故不名濕生又法華文句八云胎經云蓮華生者非胎卵濕化之化生也非化而言化耳實不如四生中之化生也請觀音云蓮華化生為父母無量壽觀云處華臺久者為胎生實非胎也例蓮華生者亦稱濕卵而非濕卵已此約假立亦無失也

住不退轉智慧勇猛神通自在

四文中不退轉者指正定聚即處不退下去準之是故阿難其有衆生欲於今世見無量壽佛應發無上菩提之心修行功德願生彼國

三結勸中欲於今世等者指上來迎雖命將終非後世故云今世也如義寂云問見佛來迎等在何位耶為未死時為已死時耶答此在將終未已死時命終位有三種一明了心通起善惡無

記之心二自體愛唯起有覆無記之心三者最後不明了心唯有異熟無記心也此中見佛來迎等事即在第一明了心位

佛語阿難其中輩者 二中輩亦二初舉

十方世界諸天人民其有至心願生彼國雖不能行作沙門大修功德

次十方下辨於中亦四初明生因次其人下明其生緣三即隨下明其往生四住不下生後得益初文亦

二先簡去上輩修諸功德不堪機故大者多義者簡去上輩修諸功德不堪機故大者多義

當發無上菩提之心一向專念無量壽佛多少修善奉持齋戒一起立塔像飯食沙門懸繒燃燈散華燒香以此迴向願生彼國

次文中多少修善者是總標也謂於齋戒乃至燒香隨力修故故義寂云奉持齋戒乃至散華燒香於如此等諸善因中隨其力能多少修也已齋戒者即八

齋戒俗所持故業疏云齋謂齊也齊一其心或言清也
 已韓康伯曰洒心曰齊防患曰戒已塔像者塔謂塔
 廟像謂佛像玄應云諸經論中或作藪斗波或作塔
 婆或云兜婆或言偷波或言蘇偷婆或言脂帝
 浮都亦言支提浮圖皆訛略也正言窣覩波此
 譯云廟或言方墳此義翻也或云大聚或云聚
 相謂累石等高以爲相也此等修因即有七
 因一者發菩提心二者一向專念三者奉持齋戒四者
 起立塔像五者飯食沙門六者懸繪說文云繪布帛總名
 燒香七者迴向願生心行準上
 其人臨終無量壽佛化現其身光明相好具如眞
 佛與諸大衆現其人前即隨化佛往生其國
 二二可知
 住不退轉功德智慧次如上輩者也
 四文中次如等者次者劣義如者似義雖劣似前故
 云次如
 佛告阿難其下輩者

三下輩亦二初舉
 十方世界諸天人民其有至心欲生彼國假使不能
 作諸功德
 次十方下辯於中亦四初明生因次此人下明其生
 緣三亦得下明其往生四功德下生後得益初文亦
 二先簡去中次當發下正明修因初文中諸天人者
 問爲是善人將爲惡人答下輩之內有多類故觀
 經說惡今說善人故覺經云當斷愛欲無所貪
 慕慈心精進不當瞋怒齋戒清淨如是清淨者當
 一心念欲生無量清淨佛國已諸功德者簡去中
 輩多少修善乃至燒香故覺經云若無所用分檀
 布施亦不能燒香散華燃燈懸繪綵作佛寺起
 塔飯食沙門
 當發無上菩提之心一向專意乃至十念念無量壽
 佛願生其國若聞深法歡喜信樂不生疑惑乃
 至一念念於彼佛以至誠心願生其國
 次修因中即有三因一者發菩提心二者一向專念二

者至心願生心行準前一念十念機空別故如決疑
 鈔云
 此人臨終夢見彼佛亦得往生功德智慧次如中
 輩者也
 二生緣中夢見佛者問觀經下輩正感佛迎今云夢
 見相違如何答三輩俱有夢見眼見故覺經中說上
 輩云於其臥睡中夢見無量清淨佛及諸菩薩阿羅
 漢其人壽命欲終時無量清淨佛則自與諸菩薩阿
 羅漢翻飛行迎之同中輩亦同夢見彼佛往生
 先兆臨終來迎本願勝益故俱應有若無佛迎本願
 虛設然今文中無來迎者且爲分別三輩差異
 謂上報佛中是化佛下夢佛故以實而言夢見之後可
 見佛迎故觀經說化佛來迎惡人尙爾況善人耶
 問覺經三輩不說念佛只云願念生彌陀國大彌
 陀經上中不說下輩始說大莊嚴經上下不說中輩文
 云憶念彌陀及彼國土是似觀念加之大彌陀經
 說中輩云雖不專念無量佛亦非恆種衆多善

根隨已修行諸善功德迴向彼佛願欲往生已
 此簡念佛如是相違云何會通答三輩之中有多
 類故各說其一實不相違簡念佛者顯但諸行
 往生機也如大經釋云修往生業有二一但念
 佛二助念佛三但諸行也又龍興觀經疏下云今三輩
 文有但念佛義有助念佛義亦有諸行往生義佛
 以一音演說法衆生隨類各得解已總而言
 之三輩俱有二種生因一者念佛二者諸行其念佛
 者本願行故置一向言或顯所立或顯所助或
 顯正行其諸行者非本願故不云一向或爲所
 廢或爲助行或爲傍行三義雖異無不往
 生三世諸佛淨業正因故若得大意於文不闕
 委如選擇并大經釋云
 佛告阿難無量壽佛威神無極
 二佛告下明聖人往生所以今明聖往生者如憬
 興云欲令凡小增欲生之意故須顯彼國土之
 勝上是則釋迦說教意也若約菩薩應有自熟熟

他本緣之三義也。於中有二初長行略辨次爾時
下重頌廣說初文亦二先諸佛讚嘆次於彼下大聖往詣
初文亦是第十七願願成就也謂上讚嘆攝凡德竟
今亦讚嘆攝聖德故於中有二初釋迦讚嘆

十方世界無量無邊不可思議諸佛如來莫不稱歎
次十方下餘佛讚嘆文並可知

於彼東方恆沙佛國無量無數諸菩薩衆皆悉往詣無
量壽佛所恭敬供養及諸菩薩聲聞大衆聽受經法
宣布道化

次文中亦二初舉東方次南西北下類餘方也初文中
東方等者問何東爲始答大論七云問曰何以先照東
方南西北後答曰以日出東方以爲上故佛隨
衆生意先照東方復次俱有一難若先照南方當
言何以不先照東西北方若先照西方北方亦
復如是又慈恩小經疏云準西域法以東方爲上
天子正位及以臨朝皆面東已及諸菩薩等者問爲
所供養爲能聽人答寶積經云東方如恆河沙界一

一中有如恆沙菩薩爲瞻禮供養無量壽佛及諸
聖衆來詣佛所南西北方四維上下亦復如是已
準此文者應所供養淨影亦爾然今不言佛及
等者供佛義顯是故略也又莊嚴經云東方乃一
刹中無量無數菩薩摩訶薩及無數聲聞之衆以諸香
華幢幡寶蓋持用供養極樂世界無量壽佛已準此
文者應能聽人所言及者供及聽故

南西北方四維上下亦復如是
次文可知

爾時世尊而說頌曰
二重頌中二初經家序列
東方諸佛國其數如恆沙彼土菩薩衆往觀無量覺
西北四維上下亦復然彼土菩薩衆往觀無量覺
次東方下世尊正頌於中爲二初大聖往詣次諸佛下
諸佛讚嘆初文亦三初明往詣次一切下明其供養
三應時下明其聽法初文亦二初東方往觀次南西北
餘方往觀此中往觀者觀猶見也憬興云諸侯見天

子曰觀

一切諸菩薩各齋天妙華寶香無價衣供養無量覺咸
然奏天樂暢發和雅音歌歎最勝尊供養無量覺
次供養中亦二初見佛供養次見彼下見土願求初文亦
二先外事供養次究達下內事供養初文中寶香等者淨
影云寶香者寶供香者香供已或復寶香唯是一種非寶
與香成然等者廣韻云咸皆也同也悉也奏進也嘉祥
云咸之言同奏之言作輔行一云奏者爲也凡爲樂
音皆稱爲奏已暢發等者伎樂音中嘆如來也

究達神通慧遊入深法門具足功德藏妙智無等等
倫慧日照世間消除生死雲

次文亦二初口嘆供養次恭敬下身敬供養初文中究
達等者憬興云究者究竟達者洞達至即神通究竟智慧
洞達義也傍觀曰遊窟原稱入深法者即智所入深門
者即通所遊故即智通雙也福行圓備故具功德藏慧
行殊妙故智無等等倫福是慧資慧是福道故即福智雙
也已慧日等者憬興云慧日者隨喻之名惑業苦三能

覆真空及智日月即同雲覆虛空日月故云生死
雲佛智達真能除自他惑業苦障故云慧日令
生生物解故云照世間已此師意者上來六句通自
他德然淨影意究等四句嘆佛自德慧等二句嘆佛
利他憬興破云通是化術之妙術故上此破一往神通
未必化他德故何況與師下文通明判屬自行忽
招自語相違失耶

恭敬繞三匝稽首無上尊
次身敬文可知

見彼嚴淨土微妙難思議因發無上心願我國亦
然

二見土中因發等者十方菩薩爲供養佛往詣彼
土見妙刹故發淨土願例如輔行一云觀諸
土相上求下化已今之所發即是別願此等大聖總願
前發故
應時無量尊動容發欣笑口出無數光遍照十
方國迴光圍繞身三匝從頂入

三聽法中亦三初彌陀現相次大士下觀音恠問三梵聲
 下彌陀具答初文亦二先正現相次一切下見者歡喜初
 文中欣笑者廣韻云欣喜也笑欣也喜也無數光者神通
 光也故莊嚴經云爾時彼佛無量壽化導他方菩薩
 用神通化大光其光從彼面門出至普照俱底
 千佛刹如是入天普照已即入如來頂髻中已迴光
 等者指上口光謂彼光明照十方已還來還身故
 問此之奇相表何事耶答準經問答依華嚴等
 表授菩薩成佛記也如嘉祥云所以欣笑口出光
 還從頂入者表吐言說為物授至極法身之記
 一切天人衆踊躍皆歡喜大士觀世音整服稽首問白
 佛何緣笑唯願說意
 次歡喜及恠問之文其義易知
 梵聲猶雷震八音暢妙響當授菩薩記今說仁諦
 聽
 三具答中二初勅聽次十方下正答所問初文中梵聲
 等者如來音聲如梵王聲從譬為名雷震正喻大論

四云二十八者梵聲相如梵天王五種聲從口出一
 者甚深如雷一者清徹遠聞聞者悅樂三者人心敬
 愛四者諦了易解五者聽者無厭菩薩音聲亦復如
 是五種聲從口中出迦陵頻伽聲相如迦陵頻伽鳥
 聲可愛鼓聲相譬如釋鼓音深遠上八音等者如
 禮讚記云又嘉祥云一響二徹三清四柔五哀六亮七
 和八雅已如是等音雖通諸佛今文別指彌陀妙
 聲問若爾何故莊嚴經云釋迦答耶即彼文云爾時
 世尊說此偈已會中有觀自在菩薩乃向佛而作
 是言世尊以何因緣無量壽佛於其面門放無量
 光照諸佛刹至爾時世尊告觀自在菩薩言汝今
 諦聽吾為汝說彼佛如來於過去乃至廣說答異譯不同非
 適今也
 十方來正士吾悉知彼願志求嚴淨土受決當作
 佛
 次文亦四初舉願心記成佛次覺了下舉智願
 記成土三知法下舉智行記成佛四通達下舉

智願記成土初文可知
 覺了一切法猶如夢幻響滿足諸妙願必成如是
 利知法如電影究竟菩薩道具諸功德本受決
 當作佛通達諸法性一切空無我專求淨佛土必
 成如是刹
 一二四中如夢幻響電影等者俗諦智也通達法性空無
 我者真諦智也二智雖殊性空是同雖知性空而
 願淨土如維摩云雖知諸佛國及與衆生空而
 常修淨土教化於群生大論三十八曰若諸法都
 空者此品中不應說往生何有智者前後相違
 若生死相實有云何言諸法畢竟空但為除諸法
 中愛著邪見顛倒故說畢竟空不為破後世故
 說汝無天眼故疑後世欲自陷罪惡遮是罪
 業因緣故說種種往生佛法不著有不著無有
 無亦不著非有非無亦不著不著如是人則
 不容難又十疑云問諸法體空本來無生平等寂滅今
 乃捨此求彼生西方阿彌陀淨土豈不乖理哉又

經云若求淨土先淨其心心淨故即佛土淨此云
 何通答曰汝若言求西方彌陀淨土則是捨此求
 彼不中理者汝執住此不求西方則是捨彼
 著此還成病不中理也又轉計云我亦不求
 生淨土達生體不可得即是真見無生此謂心淨故
 即佛土淨愚者為生所縛聞生即作生解聞無
 生即作無生解不知生即無生無生即生不達
 此理橫相是非瞋他求生淨土幾許誤哉此則謗法
 罪人邪見外道也抄又淨名疏云世有邪見學禪之人
 但信有心佛不信諸佛神力加被已聖教指掌
 學者留心
 諸佛告菩薩令觀安養佛聞法樂受行疾得清淨
 處
 次諸佛讚嘆中為二初餘佛讚嘆次若人下釋迦讚嘆
 初文亦二先勸往觀次至彼下舉往觀益初文可
 知

至彼嚴淨國。便速得神通。必於無量尊。受記成等覺。

次文中五初神通益。次必於下受記。益三其佛下不退。益四菩薩下起願。益五奉事下供佛。益初二可知。其佛本願力。聞名欲往。生皆悉到。彼國自致不退轉。三文中本願力者。憬興云。其佛願力。至自致不退轉。者。乃即前住正定聚也。淨影。今謂此文總含二願。謂據第二第二句。者指第十八。以願王。故別標之也。今舉聞名攝於稱念。例如下品中生。聞名。又舉發願顯於起行。如上宮王法華疏云。發願行必起言實願也。已據第四句。指第十一。不退。故或有聞名不退。願意上機。章故願雖他土。利益可通。自土故也。所言不退。約攝凡者。處不退也。約攝聖者。位不退也。問攝上機。段何說。攝凡答。彼淨土即佛願力。故凡聖通入。今舉其德。而為菩薩與願本。故又攝凡夫是本意。故。

菩薩與至願。願已國無異。普念下度一切名顯達。

十方。

四文中至願等者。真實願也。無異等者。淨影云。國無異者。求淨土願。願已得土。同彌陀佛。名國無異。普度一切化衆生。願名顯十方。求佛身願。奉事。憶如來。飛化徧諸刹。恭敬歡喜去。還到安養國。五文可知。

若人無善本。不得聞此經。

次釋迦讚嘆中。為三初。聞信甚難。次聲聞下佛智難。思三壽命下。舉難勸聞。初文亦五先無善。不聞次清淨。下有善獲聞。三會更下。宿善能信。四憍慢下。惡人難信。五宿世下。宿善樂聽。初文中。無善本者。且約戒善。而論。有無善初門。故實通餘善。宿世見佛。亦聽信。故義寂云。即持戒等。為善本也。已上本者。因義對聞果。故清淨。有戒者。乃獲聞正法。

次文可知。

會更見世尊。則能信此事。謙敬聞奉行。踊躍大歡喜。三文中。見世尊者。正見佛體。及值遺教。俱名見佛。

如溜洲云。言值佛者。一者值生身佛。聽聞正法。名為值佛。二者有佛教法。從他聽聞。亦名值佛。雖有佛教。無人傳說。名無佛世。已謙者。唐云謙伸也。讓也。退也。

憍慢弊懈怠。難以信此法。

四文中。憍慢等者。如禮讚記云。無宿善。故有此惡心。宿世見諸佛。樂聽如是教。

五文中。宿世等者。如念佛三昧經說云。問所見諸佛。為限生身。為通形像。答可通形像。例如香象釋。彼四依供佛云。通繪像木像。如法華者。供養畫像。既成佛因。見像何非值教緣。耶。凡於宿善。有二種別。一者係念上之宿善。一者汎爾宿善。係念宿善。第二十願助其機。故近世果遂。譬如吞鈎魚。在水不久也。汎爾宿善。但任善力。無他力。故遠劫得聞。例如大通結緣輩也。問係念宿善。為通生因。答如願中辯。

聲聞或菩薩。莫能究聖心。譬如從生盲。欲行開。

導人。

二難思中。亦三初二衆不測。次假使下一切不知。三佛慧下。結嘆初文。亦四先法。次譬如下。譬如下。合四唯佛下。顯知者。也。法譬可知。

如來智慧海深廣。無涯底。二乘非所測。

合中。二乘等者。問上舉菩薩。今何除。耶答。淨影云。於中初有七句之文。明諸聲聞菩薩不測。已案此釋意。若是指上聲聞菩薩。名二乘。歟。或復上舉菩薩。不舉支佛。今舉支佛。不舉菩薩。影略互顯。唯佛獨明了。

四文可知。

假使一切人。具足皆得道淨慧。知本空。億劫思佛智。窮力極。講說盡。壽猶不知。

次不知中。一切等者。淨影云。明一切人。悉得聖道。共思不。知假使一切人。人多也。具皆得道。行德勝也。淨慧達本空。解深也。餘文可知。

佛慧無邊際。如是致清淨。

三結嘆中無邊等者淨影云佛慧無邊嘆佛智廣如是致淨嘆佛德淨至乃窮至清淨法性涅槃故難測知懷興云無邊者盡十方無際者窮三際一壽命甚難得佛世亦難值人有信慧難若聞精進求三勸聞中亦三勸精進次聞法下勸發心三設滿下勸聞法初文中壽命等者懷興云既離三難不容空過故壽是道依佛為勝緣信即行本故偏說也上問當今滅後屬第二難何云離三答有遺教故猶屬佛世如前釋矣

聞法能不忘見敬得大慶則我善親友是故當發

次文中聞法等者諸師異解淨影云聞不忘者彌陀佛所聞法不忘言見敬者見彌陀佛心生重敬得大慶者明前聞法見佛恭敬得善利也乃行願釋迦善我善友懷興又義寂云聞法能不忘者聞而能思故不忘也見敬得大慶者於思擇時見其深趣而敬重得其滋味而大慶若能如此則與佛同志

故云則我親善友也已影約彼國寂約此土今且朋寂善友者玄暉引四分律云親善友者要具七法一難作能作二難與能與三難忍能忍四密事相告五互相覆藏六遭苦不捨七貧賤不輕如是七法人能行者是親善友已義準應知當發意者指菩提心亦兼願生

設滿世界火必過要聞法會當成佛道廣濟生死

三文中設滿等者義寂云聞法不願甚難必證果而廣濟也是勸志願堅固不退非無此例思益經四云若無量世界大火悉充滿要當從中過往聽如是經能聞佛道經若欲得聞者積實如須彌盡應供是人

佛告阿難彼國菩薩皆當究竟一生補處除其本願為眾生故以弘誓功德而自莊嚴普欲度脫一切眾生

三佛告阿難彼國下明欣厭境界大分為二初舉樂

令欣次然世人薄俗下舉惡令厭初文為二先舉彼土樂事次佛告彌勒下勸人往生初文亦八先究竟補處次阿難彼下光明殊妙三阿難其下身相具足四智慧下智慧殊勝五又彼下永離惡趣六佛告下供佛如意七佛語下聞法不絕八佛語下行德圓滿初文中一生補處者必至補處願成就也此以超證為彼樂事菩薩聞之何不欣求然淨影云明壽長遠無有中夭與師非今所用

阿難彼佛國中諸聲聞衆身光一尋菩薩光明照百由旬有二菩薩最尊第一威神光明普照三千大千世界次文亦三初明光明次阿難下明二士名三是二下二士往生初文中光一尋等者聲聞光明諸說多同菩薩光明經論不同謂寶積云百千尋覺經云項中光明千億萬里大論四十二云如阿彌陀佛世界中諸菩薩身出常光照十萬由旬又莊嚴經云一切菩薩及諸聲聞圓光熾盛百千由旬觀音勢至亦以不同謂覺經云項中光明照他方千須彌山國

大觀經云觀音圓光百千由旬勢至圓光百二十五由旬照二百五十由旬大論四十二云觀音大勢身出光明能照十方如恆沙世界抄如是異說或說圓光或說身光或明光體或明外照或約常光或約現起或隨機緣遠近不定諸經論中各說其一實無相違言一尋者義寂云隨彼身量面各一尋上已百由旬者淨影云其一由旬有四十里照百由旬合四千里偈同之二三界者舉此三千令知分齊一切補處同位等行二菩薩光何獨最尊答隨時不定例如觀經二士光明勝劣不同故義寂云隨所化機身量不定光明大小不可一例已大論四十二云如遍吉菩薩觀世音得大勢明綱無量光菩薩等能有是力身出無量光明能照十方如恆河沙等世界已如此文者二士不勝勿偏執矣

阿難白佛彼二菩薩其號云何佛言一名觀世音二名大勢至

次文中一名等者覺經云其一菩薩名熾樓且其二菩薩名摩訶那鉢已此說梵語莊嚴經云一名觀自在一名大精進已大精進者勢至異譯

是二菩薩於此國土修菩薩行命終轉化生彼佛國

三文中於此國者寶積經云此二菩薩從娑婆世界

捨壽量已往生彼國已即是念王太子故也

王太子第一太子名曰不義寂云發心因緣如悲華經胸第二王子名曰摩尼

觀世音授記經廣說應知

阿難其有衆生彼國者皆悉具足三十二相

二身相中其有衆生等者上來約聖自下說凡此一段

則第二十一願成就也

智慧成滿深入諸法究暢要妙

四智慧中亦四初通達教法神通下神通無礙三諸根

下六根明利四其鈍下得忍不同初文中深入等者懷與

云有說證會法性故云深入諸法窮達教證故

云究暢要妙淨影釋此必不然衆生彼得此二

智應無凡小故今即入諸法者悟所詮故暢要

妙者閑能詮故也

神通無礙

次文可解

諸根明利

三文中諸根等者懷與云有說諸根即信等五非也信等

者即鈍根故今即六根也

其鈍根者成二忍其利根者得不可計無生法忍

四文中成就二忍等者懷與云有說二忍者即生法二

忍又五忍中之初二種無生忍者即第四忍此忍不然

無生法忍即生法忍故超於順忍忽說無生無別

所以故今即中下之人唯得音響柔順二忍上品之

屬於不可數法得無生忍故云不可計既有利

鈍必是凡地故而非凡根性利鈍也此師意者二忍

即是十住十行故位位相望上位云利下位名鈍不

關根性宗家不然如般舟讚云地前地上元無

二隨根利鈍超增位

又彼菩薩乃至成佛不更惡趣神通自在常識宿命

除生他方五濁惡世示現同彼如我國也

五離惡中如我國者懷與云欲顯生諸方化衆生

如釋迦土中諸菩薩故云如我國淨影

佛告阿難彼國菩薩承佛威神一食之頃往詣十萬

無量世界恭敬養諸佛世尊

六供佛中三初歷供諸佛次聽受下聞法歡喜三供養下

明歸本國初文亦四先明供佛次隨心下供具隨心

三在虛下供物神變四其諸下諸聖歌嘆初文即是第二

十三願成就也

隨心所念華香伎樂繪蓋幢幡無數無量供養之具自然

化生應念即至珍妙殊特非世所有輒以奉散諸佛

菩薩聲聞大衆

次文亦是第二十四願成就也

在虛空中化成華蓋光色昱燦香氣普熏其華周圍四

百里者如是轉倍乃覆三千大千世界隨其前後

以次化沒

三文中化成等者寶積經云若復樂求種種名華至乃

皆現手中奉散諸佛其所散華即於空中變成

華蓋蓋之少者滿十由旬乃至三千大千世界

同昱燦者懷與云昱非字體應作煜由鞠反耀也熾

也昱宿音明也煜舒灼反灼燦也說文灸也始若反亦作

燻才斫反火光也玉云煜火盛貌也灼之藥切華

盛也

其諸菩薩僉然欣悅於虛空中共奏天樂以微妙音

歌歎佛德

四文中僉者玉云僉且廉反皆也懷與云僉齊厭禮厭二

反皆聚貌也

聽受經法歡喜無量

次聞法文可知

供養佛已未食之前忽然輕舉還其本國

三文中未食之前者寶積經云於晨朝時奉事供養至

即於晨朝還到本國此由無量壽佛本願加威覺

經云日未中時

佛語阿難無量壽佛爲諸聲聞菩薩大衆班宣法

時都悉集會七寶講堂廣宣道教演暢妙法莫不歡喜心得道

七開法中三初開法得益次即時下供養如來三當斯下快樂無極初文中班宣者爾雅云班賦也玉云班補問切布也玄應云班補姦反遍也或本云頌頌猶分也即時四方自然風起普吹寶樹出五音聲

次文亦三初風起音供次雨無下風吹華供三一切下諸天供養初文中風起等者風出音供及吹華供有云聲聞菩薩得利益已發供佛心風應其心起供養故功歸二衆云云

次文可知

一切諸天皆齋天上百千華香萬種伎樂供養其佛及諸菩薩聲聞大眾普散華香奏諸音樂前後來往更相開避

後文中前後來往者覺經云諸天人前來者轉去避後來者轉復供養如前更相開避上廣韻云開解也避

婢致反回也

當斯之時熙怡樂不可勝言

三快樂中熙怡者唐云熙許某反和也玉云怡異之反悅也樂也說文云熙怡和悅也

佛語阿難生彼佛國諸菩薩等所可講說常宣正法隨順智慧無違無失

八行德中二初別嘆次阿難彼諸下總結初文亦七先行修離過次具足下成德圓滿三等觀下修行具足四究竟下成德殊勝五摧滅下行修增進六因力下諸力具足七身色下總嘆顯勝初文亦三先化行離過次於其下自行無失三究竟下總結初文中常宣等者第二十五願成就也隨順智者順一切智一切智如故寶積云諸菩薩衆所說語言與一切智相應是二十五願成就也無違等者法位云不違聖教不失正理上今謂說法順智故無違無違故無失失者過也

於其國土所有萬物無我所心無染著心

次文亦二初攝對治次滅諸下離諸過也初文亦六即

是六度一修捨行二去來下修戒行也三於諸下修忍行也四離蓋下修精進也五定心者修禪行也六愛法下修慧行也初文中無我等者是第十願願成就也願從始說今從終明故凡聖異見所斷惑名我所心修所斷惑曰染著心舉一顯諸淨影云無我所心明其離見無染著心彰其離貪除捨此二名爲捨行

去來進止情無所係隨意自在無所適莫無彼無我無競無訟

次文中初之三句無身失也次之二句無意失也後之一句無口失也去來等者去于他方來于本國動作身儀名爲進止適莫者親疎之言如淨影云於衆生所無適適親無莫莫疎

適莫厚薄之辭也抄批十四云無適漠者有云既捨親出家已心行平等無有的的之親亦無落漠之疎也俗儒云適漠謂厚薄也案論語第二云君子之於天下也無適也無莫也已無競等者心亡彼我故

口無競訟也切韻云訟似用反爭財也

於諸衆生得大慈悲饒益之心柔輒調伏無忿恨心

三文中大慈悲者南山引大論云夫言慈者意存柔和被他所惱不生瞋恨夫言悲者意存饒益善順物情上此文雖爾今之經文饒益柔輒俱通慈悲不可分別忿恨即是瞋等流故能障忍辱故云無也

離蓋清淨無厭怠心等心勝心深心

四文中離蓋等者蓋謂五蓋如前對法論云能令善品不住顯了是五蓋義也覆蔽其心障諸善品令不轉故上蓋障諸善進勤衆善故今相離然憍與師以離蓋句屬上文段義雖無違分文不空學者思擇等心等者淨影云諸行齊修故曰等心所修務上名爲勝心求心懇重名曰深心憍與云無退屈故云深心

定心
五文可知

愛法樂法喜法之心

六文中愛法等者憬興云聞慧愛樂故云愛法思慧味
著故云樂法修慧潤神故云喜心
滅諸煩惱離惡趣心究竟一切菩薩所行

二三兩文並可知
具足成就無量功德

二成德圓滿中爲初二總標次得深下別說初文可知
得深禪定諸通明慧遊志七覺

次文亦二初明自利次以無下明利他初文亦二先
自分德次修心下勝進德也初文中禪定等者憬興云禪

者四禪定者四空通者六通明者二明慧者三慧也淨影同
之七覺者若約位者或見大或修合異說不同此中可

說二十七品略故舉七七覺支相如傳通記云云
修心佛法肉眼清徹靡不分了一天眼通達無量無限

法眼觀察究竟諸道慧眼見真能度彼岸佛眼具足
覺了法性

次文中肉眼等者德雖無量略舉五眼且穢土中肉

天眼者人間扶根四境名肉正根淨色能見名眼見
五義世友尊者云眼根見法救尊者云眼識見譬喻師云心王心
所和合而見妙音師云眼識同時慧見經部室利羅多云根境識和
合而見今依評但緣塵色已上不緣細色已上緣障
家其義可知但緣塵色已上不緣細色已上緣障
內色不緣障外又緣近境不緣遠境言天
眼者禪定名天依天得眼故名天眼天中淨色以
爲其體能見衆生死此生彼亦見肉眼不見諸
色如大論二十三云肉眼見近不見遠見前不
見後見外不見內見晝不見夜見上不見下
以此礙故求天眼得是天眼遠近皆見前後內外
上下悉皆無礙已此天眼有修生之別如俱舍等
云又大論二十九云菩薩天眼有二種一者果報得二
者修禪得果報得者常與肉眼合用唯夜闍天眼獨用
諸人得果報天眼見四天下欲界諸天見下不見
上菩薩得果報天眼見三千大千世界禪定離欲天
眼所見如先十力天眼明中說菩薩用是天眼見
十方如恒沙等世界中衆生生死已穢土肉天大樂如
斯然彼國中清淨肉眼見無數界內外塵細故云

清徹所見明密故曰分了蓋是彌陀神力所致例
如依彼法華他力肉眼遠緣三千內外彼土天眼
皆是生得能見一切所見廣多故云無量所緣長遠
故曰無限是故不同穢土天眼豎限自下橫極
三千是則彌陀願力所爲天眼通願成就故問二眼
同見無數界者以何爲別答如憬興云照顯現
在色像名爲肉眼能見衆生死此生彼故名天
眼已法眼等者緣俗諦智能照法故名法眼如
憬興云法眼即以有智爲體能見衆生欲性心及
諸佛法故名法眼普知三乘道法差別故云究竟
諸道已慧眼等者緣真諦智能照空理故名慧眼
淨影云能見真空故名見真除捨有相達無
平等無相彼岸名度彼岸憬興云度者至也上以無
所見云見真空名至無相故思益經云又問慧
眼爲見何法答言若有所見不名慧眼慧眼
不見有爲法不見無爲法所以者何有爲法皆虛
妄分別無虛妄分別見名慧眼無爲法空無所有

過諸眼道是故慧眼亦不見無爲法已又大論三
十二云是天眼見和合因緣生假名之物不見實
相故求慧眼得慧眼不見衆生盡滅一異相
捨離諸著不受一切法智慧自內滅是名慧眼
已亦其義也問常途聖教慧眼第三法眼第四今何相
違答依義寂意類例修起有不同故若類例者可
如今經法眼之境與前二眼同是俗故若論修
起法眼第四謂先達真後導他故如彼台宗十住入
空十行出假故大論四十二云菩薩摩訶薩初發心時以
肉眼見世界衆生受諸苦患心生慈悲故求慧
眼以救濟之得是慧眼已見衆生心相種種不
同云何令衆生得是實法故求法眼引導衆生
已佛眼等者就人爲名故名佛眼緣中道之一切
種智以爲其體無法不照故云具足照見如來
藏理故曰覺了法性又四眼別佛眼總故四眼至佛
悉名佛眼如法華文句四云佛眼圓通本勝兼劣
四眼入佛眼皆名佛眼已問佛捨肉身何有肉

眼答義寂云且就化相有相成佛說有肉眼實
佛果唯有清淨修得天眼尚無報得天眼何況有
其肉眼若爾佛實德不具五眼耶義說有肉眼
知障內色故亦可約實唯四眼并化方具
五眼上大論七云慧眼法眼佛眼雖勝非見衆生
法欲見衆生唯以肉眼天眼以肉眼不遍
有所障故用天眼觀已問菩薩何得具佛眼耶
答義寂云隨分覺了諸法性故亦名佛眼故云佛
眼具足覺了法性
以無礙智爲人演說

次利他中無礙智者懷興云四無礙辯爲物說法
法位
同
等觀三界空無所有志求佛法
三修行具足中爲二初明修行次從如下明修成
也初文亦二先自行次具諸下利他行初文可知
具諸辯才除滅衆生煩惱之患
次文中辯才等者四無礙辯又義寂云則能具足八九

種辯言八辯者謂不嘶喝辯遠離大衆威德畏故
不迷亂辯堅住明了不怯弱故不怖畏辯菩薩處衆
如師子王無恐懼故不憍慢辯離煩惱故義具足
辯不說無義契法相故味具足辯善解書論知
文字故不拙澁辯多劫積集巧便語故應時分辯善
順三時謂熱雨寒說無差亂亦順三分謂初中後
說不交雜由斯故說辯應時分此八名爲清淨
辯也言九辯者謂無著辯無盡辯相續辯不斷辯不
怯弱辯不驚怖辯不共餘辯無邊際辯一切天人所愛重
辯此九名爲無礙辯也如最勝天王般若經說
從如來生解法如如善知習滅音聲方便不欣世
語樂在正論

次文亦二初自行成次其大下利他成初文亦四先自分
解次修諸下自分三聞甚下勝進解四常能下勝進行
也初文中從如等者菩薩解行從佛口生故解法等者
所生理解善知等者所生教解習謂習善滅謂滅惡聲謂
聲教方便即是生解之教善知如是彌陀說教不

求世語欣住正論世對出世正對邪論即解德
也
修諸善本志崇佛道知一切法皆悉寂滅生身煩
惱二餘俱盡

次文中修諸等者趣菩提行知一等者能對治行生身等
者所對治滅能修空觀盡苦惑故苦道也今舉二
道而略業道言二餘者二道餘殘餘殘盡故即行
成也

聞甚深法心不疑懼
三文中不疑懼者信深教故名曰不疑解深理故
云不懼也
常能修行

四文中常能等者無閒修也
其大悲者深遠微妙靡不覆載
次利他中深遠等者釋大悲深覆載等者悲遍一切
說之爲覆不捨衆生故云載也孔安國曰夫覆而
無外者天也其德無不在焉載而無棄者地也其

物莫不植焉是以聖人法之以覆載萬民萬民得
職而莫不樂用菩薩亦爾準例應知廣韻云
覆蓋也載乘也
究一乘一至于彼岸

四成德殊勝中爲二初明攝善勝次照諸下明離過
勝初文亦二先智斷對次決斷下理教對三智慧下定
慧對也初文中一乘等者智斷二德相對而說如懷興
云一乘者即智雖有三乘其極無二故云一乘
乃彼岸即斷既得法智淨無爲故云至彼岸已今云
皆得究竟一佛乘智悉至佛乘斷德彼岸故云
一乘如下文云遠離聲聞緣覺之地已即斯意也
決斷疑網慧由心出於佛教法該羅無外

次文中決斷等者智斷既成豈有疑網疑網既斷實理
忽證彼能證智不由他生必由心出此智該羅如
來教法無有餘故云無外也寶積經云得一乘
道無有疑惑於佛教法不由他悟已該玉云
古來切盛也智也玄應云備也

智慧如大海三昧如山王慧光明淨超踰日月清白之法具足圓滿猶如雪山

三文中智慧等者此有四譬心出之智深廣如海所得之定高勝無動如須彌山慧明除闇超於日月定淨滿德如雪山也言雪山者南州北邊有九黑山黑山之北有大雪山雪色白故譬白善也照諸功德等一淨故

次離過中亦二初明法說次猶如下明譬說也初文中等一淨者憬興云無有一德而不離染故上至下譬文其義可知

猶如大地淨穢好惡無異心故猶如淨水洗除塵勞諸垢染故猶如火王燒滅一切煩惱薪故猶如大風一行諸世界無障礙故猶如虛空於一切無所著故猶如蓮華於諸世間無汗染故
次文亦二初自利次猶如大乘下利他初文有六譬顯離自過無異心者莊嚴經云忍辱如地一切平等已平等即是無分別故論註釋心業無分別云如地

荷負無輕重之殊已塵勞等者別指思惑如火王者王即猛義一切煩惱者五住地也無障礙者問風有礙何答於虛空中無障礙故且以爲喻無所著者問與下無染有何別耶答廣狹爲異所謂不著世出世法不染世法故或如次第深淺異故

猶如大乘運載羣萌出生死故猶如重雲震大法雷覺未覺故猶如大雨雨甘露法潤衆生故如金剛山衆魔外道不能動故如梵天王於諸善法最上首故如尼拘類樹普覆一切故如優曇盞華希有難遇故如金翅鳥威伏外道故如衆遊禽無所藏積故猶如牛王無能勝故猶如象王善調伏故如師子王無所畏故曠若虛空大慈等故

次文中有十二譬喻顯離化過如大乘者是大車也如寶積云荷載衆生猶如良乘憬興云乘者車也淨影之重雲等者問非重雲必有雷如何答從有雷時以爲喻故金剛山者有云七金山也有云須彌

山也故莊嚴云堅固不動如須彌山已此未決定法華疏記云金剛山者此州之南將燒寶山者火欲至餘金山上依此釋意非七金山及須彌故又準下文云金剛圍山須彌山定非須彌今謂疏記又云長阿含十八南州有金剛山中有修羅宮所治有六千由旬今經指之歟又解指鐵圍山一名金剛山故寶積云他論不動如鐵圍山已起世經云諸餘大山及須彌山王之外別有一山名研迦羅圍也高六百八十由旬縱廣亦六百八十由旬彌密牢固金剛所成難可破壞此鐵圍山外復有一重大鐵圍山高廣正等如前由旬兩山之間極大黑闇無有光明已金剛所成故名金剛山歟即下文云金剛山恐其義也外道等者梵語勘文云底體迦此云外道翻譯名義集云學乖詭理隨自妄情不返內覺稱爲外道已梵天王者如法華云娑婆世界主梵天王已故爲上首又於梵衆梵輔上故尼拘類樹者罪福報應經云尼拘類樹高百二十里枝布

方圓覆六十里其樹上子數千萬斛支應云勝天王般若經云亦云尼拘盧陀此譯云無節亦云縱廣樹也此譬覆護衆生廣大優曇華者補註四云具云優曇鉢羅此翻瑞應其葉似梨果如拳大已妙玄七云此華若生輪王應出此靈瑞華似蓮華已三界義云輪王出世時海水滅衆寶出現道闊一由旬地平如掌時優曇華挾道而生已此轉輪王滅八萬不出故優曇華最爲難遇金翅鳥者法華文句云迦樓羅此云金翅翅金翅居四天下大樹上兩翅相去三百三十六萬里已上長阿含云四州各有一大樹樹胎經云須彌山北有大鐵樹高六萬里金翅鳥至彼食龍子已鳥大樹小豈得居耶私志記云或其神力自在可知未觀佛三昧經云迦樓羅王乃日食一龍王及五百小龍經八十歲已今取伏龍以爲喻也衆遊禽者客來遊鳥於諸食物但思啄食無貯思故憬興即譬四聖種觀以少欲故如牛王者牛中之王以聲勝故莊嚴經云如三牛王聲異衆牛故上有玉爲王又取大力以爲喻也如象王者如大象者

調伏小象及諸獸故但除師子如醉象者伏強敵故如師子者大論七云又如師子四足獸中獨步無畏能伏一切佛亦如是於九十六種外道中一切降伏故名師子已今譬菩薩

摧滅嫉心不忌勝故
五行修增進中爲二初自分修行次常行下勝進行修初文亦二先方便次常欲下正行初文亦二先利他方便次專樂下自利方便初文中摧滅等者若有嫉心不能利他故須滅嫉如十住論云等心於衆生不嫉他利養乃至失身命不說法師過已忌切韻云憎惡也

專樂求法心無厭足
次文中無厭足者若於求法有厭足者不進修故
常欲廣說志無疲倦
次正行中亦二先利他正行次擊法下自利正行初文可知

擊法鼓建法幢曜慧日除癡闇修六和敬
次文中法鼓等者淨影云擊法鼓等所說法勝言擊法鼓喻聞慧法教聲遠被名擊法鼓建法幢者喻思慧法立義稱建義出名幢言曜慧日除癡闇者說修慧法開衆生也修六和敬正明自利行成同他情無乖異名六和敬已六和敬者法位云瓔珞經云謂身業口業意業同戒同見同學同學亦名同利戒見利既同身口意復慈故無乖諍以無乖諍故名和敬普賢經記云此六通名和敬者外同他善謂之爲和內自謙卑名之爲敬

常行法施
次勝進中亦三初明修始次爲世下明修次三拔諸下明修成也初文亦二先利他次志勇下自利初文中行法施者如大論云佛說施中法施第一何以故財施有量法施無量
志勇精進心不退弱
次自利文可知

爲世燈明最勝福田常爲導師等無憎愛
次文亦二初利他次唯樂下自利初文中初之二句明化德勝次之二句明化益勝能生物解故名燈明亦生物善故名福田以慧開化故名導師慈悲平等名無憎愛

唯樂正道無餘欣戚
次文中無餘欣戚者明離過也上云憎愛今云欣戚共是煩惱憎則瞋恚是則戚行轉之惑也愛是貪欲即是欣行轉之惑也歡行轉願正道故無貪瞋也拔諸欲刺以安羣生功慧殊勝莫不尊敬
三文亦二初利他次滅三下自利初文中欲刺等者廣韻云刺七賜反針刺俗作刺五欲惱人如被針故須拔之也莫不等者化諸群生令從諸善故云尊敬

滅三垢障遊諸神通
次文中滅三垢等者滅三毒故成就斷德得神通故成就行德

因力緣力

六諸力具足中爲二初別說次如是下總結初文亦二先自利力次如法下利他力也初文爲七一起修所依二意力下起修方便三方便下下行正修四定力之下修心成就五多聞下起行之解六施戒下所起之行七正念下依行成德初文中因力等者宿世善根謂之因力親近知識謂之緣力因緣和合能起行故

意力願力

次文中意力等者如理作意謂之意力求菩提心謂之願力依此安心正起行故
方便之力常力善力
三文中方便等者常善加行名方便力即是總也無間修行謂之常力捨惡正修謂之善力此二別也

定力慧力

四文中定力等者止行成就謂之定力觀行成就謂之慧力
多聞之力

五文中多聞等者所聞妙解謂之多聞
施戒忍辱精進禪定智慧之力
六文中施戒等者所修妙行謂之六度

正念正觀諸通明力

七文中正念等者捨相入實謂之正念
離癡見性謂之正觀
依彼入實見性之因得通明果名通名
力通謂六通明謂二明
如法調伏諸衆生力

次利他中調伏等者嘉祥云柔者以法調之剛者以勢伏之
如是等力一切具足
次總結文可知

身色相好功德辯才具足莊嚴無與等者

七身色下總嘆顯勝中爲四初自德勝次恭敬下爲佛共嘆三究竟下究竟大乘四遠離下超出二乘初文中辯才等者第二十九願成就也
恭敬供養無量諸佛常爲諸佛所共稱嘆

次文中共稱嘆者行願諸佛故蒙佛嘆

究竟菩薩諸波羅蜜修空無相無願三昧不生不滅諸三昧門

三文中空無相等者如序中釋不生等者懷興云空無相無願故不見有生滅意
遠離聲聞緣覺之地

四文中遠離等者一切菩薩所可怖畏無過聲聞支佛地故
阿難彼諸菩薩成就如是無量功德我但爲汝略說之耳若廣說者百千萬劫不能窮盡

二阿難下總結可知上來彼土樂事已竟
佛告彌勒菩薩諸天人等無量壽國聲聞菩薩功德智慧不可稱說

次佛告下勸人往生爲二初牒人土勝次何不下正勸往生初文亦二先牒人勝次又其下牒土勝也
初文可知

又其國土微妙安樂清淨若此

次文中若此等者問上但舉人未說國土何云若此答說人勝時土勝即顯例如小經舉衆生樂成土名也

何不爲善念道之自然著於無上下洞達無邊際空各勤精進努力自求之必得超絕去往生安養國橫截五惡趣惡趣自然閉昇道無窮極

次文亦三初正勸次易往下傷歎三何不下重勸次文中何不力等者諸師異解且出三師淨影云何不力爲善正勸修因何不力勵爲善求生名力爲善念道已下明修利益念道之者自然往生名念自然但能念道行德顯著不簡上下下同得往生故言著於無上下也若得生彼神智洞達無有邊際故云洞達無邊際耳已依此釋者自下四句皆可切讀不可長讀又義寂云有二十八句二二爲對何不力爲善念道之自然者謂何不勤力作善念其道之自然爲善得樂道之自然非有別主使之然也此顯因果法爾道理非如外道所計自然

彼說無因自然有故又可念道之自然者謂念彼國爲道自然故下文云彼佛國土無爲自然皆積衆善無毛髮之惡著於無上下洞達無邊際者謂自然道其理顯著無有上下得之洞達無有邊際已依此師者初之二句即可長讀謂不之字流至念故又懷興云何不力爲善者勸修往生之因力者盡力人聖國妙詎不盡力作善願生故又力者勵道之自然者修所得之利因善既成不自獲果故云念自然唯能念道行德著不簡貴賤皆得往生故云著於無上下一念字長讀流至此故已或本云流至不故前本爲正今釋著於等之句故依此師者三句長讀謂不之字流至念字流至子著字故如是三師各據一義並不相違然而今且可朋淨影以易讀故義寂亦佳謂順下何不可獲等句故彼等二句長讀空故又四句長讀有何過耶著張盧反顯也空各等者重勸修因努力者切韻云竭

力也必得等者重明修益橫截等者淨影云今此約